

九國志目錄

卷一 吳

太祖

袁襲

臺濛

秦裴

柴再用

張崇

陳知新

卷二 吳

烈祖

劉威

張訓

馬珣

陳璋

王綰

朱乾祐

高祖

陶雅

李遇

劉存

侯瓚

王稔

睿帝

李神福

劉金

李簡

朱景

朱原




國家圖書館, NATIONAL CENTRAL LIBRARY, TAIWAN, R.O.C.



宋路

振環

394946 v.1





劉信

馮宏鐸

賈公鐸

危全諷

譚全播

李濤

鍾秦章

朱瑾

朱志誠

翟虔

張可琮

鄭璠

楊彪

陳祐

劉權

崔太初

陳彥謙

高豐

李蘭

李蘭

卷三 吳

田頤

安仁義

朱延壽

徐溫

卷四 南唐

烈祖

元宗

後主

周本

卷五 吳越

武肅王

文肅王

忠獻王

忠遜王

忠懿王

杜建徽

鮑君福

成及

顧全武

黃晟

卷六 前蜀

高祖

後主

王宗裕

王宗壽

王宗鑑

王宗佶

王宗翰

王宗滌

王宗侃

王宗瑤

王宗播

王宗鈇

王宗弼

王宗範

國家圖書館, NATIONAL CENTRAL LIBRARY, TAIWAN, R.O.C.

周博雅

晉暉

張造

張勅

李簡

潘在迎

卷七 後蜀

高祖

後主

趙季良

趙庭隱

趙崇韜

張業

武璋

李肇

李仁罕

李延厚

張公鐸

張虔釗

潘仁嗣

龐福誠

李彥琦

孫欽

何重建

孫漢韶

高彥儔

李建珪

王彥銖

李奉虔

王昭遠

安思謙

焦彥賓

趙進

石處溫

孟思恭

申貴

卷八 東漢

世祖

睿宗

少主

英武帝

蔚進

張元徽

鄭進

衛儔

李隱

卷九 南漢

烈宗

高祖

殤帝

中宗

後主

劉洪杲

蘇章

吳懷恩

劉洪操

劉洪杲

蘇章


吳懷恩

陳道岸

邵廷瑁

潘崇徽

郭崇岳



黃仁諷

許文祺

卷十 闕

司空

太祖

嗣主

惠宗

康宗

景宗

天德帝

中宗

王仁達

楊思恭

番從效

王忠順

陳洪進

卷十一 楚

武穆王

衡陽王

文昭王

廢王

恭孝王

張佖

許德勳

鄧進忠

姚彥章

秦彥暉

王環

王贇

李瓊

呂師周

廖光齊

彭玕

劉昌魯

鄧處訥

龐巨昭

彭師嵩

劉言

王遠

周行逢

何敬真

卷十二 北楚

宋張唐英補撰

武信王


文獻王

貞懿王

侍中

侍中

李景威



九國志卷一

吳

太祖以唐景福元年再入揚州至睿帝天祚三年為南唐所篡蓋晉天福三年也傳傳四主凡四十六年

太祖

姓楊名行密初名行愍字化源廬州合肥人唐中和三年起兵為亂光啓三年入揚州自稱淮南留後景福元年七月再入揚州唐以為淮南節度使乾寧二年封宏農王天福二年進爵吳王天祐二年十一月庚辰薨年五十四謚曰武忠武義初改謚曰孝武王廟號太祖

乾貞元年追尊為武皇帝陵曰興陵

烈祖

名渥字承天行密長子唐天祐二年冬嗣位五年五月戊寅為張瀨徐溫所弒年二十三謚曰威武義初改謚曰景王廟號烈祖乾貞元年追尊為景皇帝陵曰紹陵

高祖


名隆演初名瀛又名渭字鴻源衍密第二子唐天祐五年五月己卯嗣位十六年建吳國改唐天祐為武義元年二年四月己丑薨年二十四謚曰宣乾貞元年尊為高祖宣武帝陵曰肅陵

睿帝

名溥行密第四子武義二年六月戊申嗣位改元順義乾貞元年稱帝天祚三年禪位南唐昇元二年十月辛丑薨年二十八追謚曰睿皇帝

宋路振撰

國家圖書館, NATIONAL CENTRAL LIBRARY, TAIWAN, R.O.C.



袁襲

葬平陵凡改元四順義六年乾
貞二年太和六年天祚三年

襲廬江人少好學善屬文淵明緯象秦畢之亂高駢
辟行密爲行軍司馬俾率所部赴難行密猶豫不行
襲言於行密曰高駢倦於政事聽惑妖妄彥彥等雖以
誅呂用之爲名觀其事乃以暴易亂耳寧知非天將
贊於公耶行密善其言乃移檄諸州誘集徒衆將兵
數萬長驅至廣陵秦畢害駢襲勸行密縞素舉哀於
城下衆皆義之及破賊入城招輯編戶會孫儒兵至
行密問計於襲曰今城壁未完賊且盛若儒至圍城

是重擾民也不如且避之先是海陵將高霸擁衆來
附行密將令以兵屯長扼儒來路襲謂行密曰霸擁
大衆心持兩端若使居天長是自扼也可因搗其士
卒擒而斬之行密遂斬霸而併其兵行密聞孫儒至
復欲遁歸海陵襲曰不若歸合肥繕甲兵再議攻取
今稽諸乾象公必再來及孫儒逼城行密果自天長
返謂襲曰無子吾幾不得歸行密平宣州獲趙錞留
與其弟同館錞與梁祖有素果遣使來求錞時襲寢
疾行密使人問襲襲曰但斬首送之必無慮也未幾
卒襲剛忍好克每欲殺人必折節下之行密哭之曰




吾每恤刑而襲好殺享年不永深可哀也
卷一萬八
十一百三
十四第
二頁

劉威

威廬州慎縣人少爲小吏豪爽有志節與田頌陶雅俱爲行密奔走之舊行密起泚上及平秦畢有功表領賓州刺史大順初與安仁義敗儒孫別將劉建鋒於武進其後儒兵益集威與頌屢爲所敗行密將歸銅官威曰今衆寡勢殊殆難與爭然儒焚室掃壘絕後而來糧若不繼何從供饋公宜勿與戰堅壁以與之坐待其弊行密然之儒果敗乾寧初表授廬州刺

史及行密承制封拜就遷淮南節度副使行軍司馬東西行營副都統未幾加使相天祐三年授鎮南軍節度使撫州危全諷率虔吉撫信之衆十餘萬將復鐘傳舊地時州兵無多士庶大駭威獨傲然日縱酣飲全諷屯象牙潭不敢輕進及周本破全諷四州初平渭令威巡視四境撫諭而還先是行密疾病周隱以後事隱以威爲請威初聞不能無意及移鎮鍾陵復多專刑徐溫請討威感聞之沮喪計無所出有幕客黃訥謂威曰公受謫雖深反本無狀能挺然入覲必解前疑也威曰善遂違訥爲先容渭果復令之




鎮天祐十一年卒於鎮年五十八卷一萬八千一百

陶雅

雅字國華合淝人本儒家子儀形魁偉眉目甚秀乾符中天下將亂始投筆和門會西蕃入寇徵四方兵防秋靈夏雅與行密淝上軍偕往未幾改隸諸葛爽征沙陀有功從爽鎮河陽還補廬州衝山指揮使行密據合淝遣雅平鄉盜秦定過修己等遷八營主將光啓初破桐城吳迥擊李本於柳子山乘勝攻舒州以雅爲舒州刺史爲蔡盜許勅潛兵夜至雅奔歸文德初從行密破趙錕授池州刺史大順中破孫儒軍

於人頭山儒平授常州刺史遷池州團練使田頌攻歙州時給事中裴樞守新安將歸歛於行密以宣州副使魯郡往代之是時諸將授郡鮮不以虐歛爲事惟雅寬厚人多便之樞因造問政山人聶師道往說頌曰苟得池陽陶牧爲守州人孰不承命願驛報行密因令雅治新安入見樞盡州郡禮樞奇之及樞至京師奏雅爲歙州刺史天福三年田頌以宣州叛雅以州兵助臺濛伐之頌出戰橋陷墜馬爲帳下小卒許渥王綬所殺宣州平兼西南面招討使先是順義軍使汪武聚盜據婺源行密以爲潞州刺史婺源歛




屬邑武恃險未嘗謁雅及顏叛武多行剽劫至是雅
移檄聲言討洪饒由婺源往武引弟姪十餘人就路
迎謁雅顧左右擒殺之緩轡入其營中無敢動者天
祐初陳詢以陸州歸欵吳越遣萬衆攻詢雅率軍救
之軍士夜驚踰營遁去將吏白雅久伸不應乃下令
曰明旦有軍士不在營者俱斬果遞相傳告未頃而
定明年破婺州虜越州刺史沈夏以功遷衢睦團練
使江南都招討會宣州王茂章叛奔越雅虜茂章伏
兵斷其歸路乃領大將軍金師會領睦州事遂班師
新安而越兵大至衢睦婺三州復沒八年移鎮武昌

雅移黔川殷阜上書寢之遂遙領武昌軍節度加平
章事知歙州團練觀察等事十年八月卒於任年五
十七雅性沈靜好讀書手不釋卷雖臨陣敵常褒衣
博帶自幼年戲弄未嘗有錐刀傷手及為大將每矢
石交飛終莫能中接賓佐有禮事兄弟以孝敬非公
宴不舉音樂疎財重士人以此歸之典黔川二十餘
年民感其化生男女或以陶為字焉

卷一萬八千一
百四十四第三


李神福

神福涪州人幼執親喪哀毀過瘠鄉里異之及長沈



厚勇敢唐末四境交募勁兵因隸上黨軍籍時高駢
兼諸道行營都統神福從州將王重屯淮海因投于
行密中和中同安賊陳儒攻刺史高漢遣使來告行
密未能救謀於神福對曰此羣盜烏合易與耳公但
聲言赴援可不勞尺刃爲公解之乃請本軍旌旗間
道以入旣夕引州兵出外各持旌旗入列大陣之狀
儒果夜遁行密大奇之光啓二年壽州張勣叛寇泚
上神福率兵與戰敗之楮城秦畢之亂高駢召行密
因遣神福與曲溪劉金盱貽賈令威各以義兵來附
破秦畢軍神福功居多會選卒爲黃頭軍遷神福爲

左右黃頭都尉龍紀中涇縣王賞太平嵇常滿俱聚
盜剽鄉里福神引兵破之但誅其首惡餘皆不問大
順二年孫儒前鋒兵屯溧水行密遣神福將兵禦之
神福謂諸將曰兵倍不戰况儒衆十倍於我當且避
其銳以驕之乃退舍而儒衆果怠神福乃選銳卒躋
險夜襲之果大潰又擊儒要山寨破之擒其將李宏
以功改左游奕將銅官鎮過使田頔爲孫儒所敗行
密欲退守銅官神福諫曰儒埽境而來利在連戰宜
堅壁清野以老其師神福願以本軍據險結寨柵時
出輕騎抄其糧運彼前不得戰退無儲糧此送死之



道行密曰善因以神福為宣池兩路都游奕使是夏
儒食盡果敗以功奏授左千牛衛將軍景福二年廬
州刺史蔡儔叛遣何瓌來寇神福迎擊於青斗山大
破之遂傳城下賊平遷左衛都校未幾授舒州刺史
天福元年與呂師造攻臨安錢鏐使顧全武來援神
福退師令羸老行又令師造設伏青山路自將一軍
殿後夜未半全武果盡銳來追神福僞北走伏軍發
前返來攻越軍大敗擒全武復攻臨安久不克先是
神福遣使護鏐先瑩禁其樵採及獲全武又遣通家
問越人皆感之因納其犒賂而返二年改昇州刺史

行密以女妻其子承鼎三年攻杜洪於鄂州大敗洪
軍時城中積荻山上神福謂諸將曰今夜焚此諸將
皆不測是夕遣人乘舟載火炬至瀟口分焚樹僞為
梁軍來援之狀城中焚荻應之諸將伏其智梁祖遣
將韓勅率步騎萬餘屯瀟口又令荆南以舟師赴援
成汭盡眾浮江而下神福登岸望之曰舟人雖盛然
首尾懸絕宜急擊之乃迎戰大別山汭果敗溺水死
勅亦引眾遁去自是洪勢益孤會宣州田頔叛劫昇
州劫神福與帳下妻子俱歸宛陵厚養之以誘神福
行密急書召神福覽書袖之揚言曰鄂州尚未下又




令急取荆南因號令諸軍連閫順流而下顧遣將王
壇汪建以舟師援洪又別遣人遺神福書約分地而
治神福斬其使擊壇建破之復戰于皖口又敗其衆
浮尸棄江而下壇建以輕舟遁去四年以兵屯田梁
加西面行營招討使光州團練使疾甚求醫於江都
卒年五十

臺濛

卷一萬八千四百三十四第八頁

濛字頂雲廬州合肥人少為金牛鎮將行密據合肥
始來歸從征秦畢趙鎧俱破敵有功大順中馬敬言
為孫儒敗於廣德初儒與李從立乘勝至東谿時城

守未固軍士大恐濛以一旅巡谿西會天晦詐令士
卒傳諭往返者數四謂大衆屯集中夜皆遁去及儒
柵陵陽濛於魯江五堰作輕舟饋糧終儒之世軍無
饑色從行密歸廣陵以功遷楚州刺史乾寧三年破
蘇州以濛守之越人水陸大至濛擊敗之錢鏐親率
舟師至會稽盡濛拔衆遁歸光化二年行密初得胸
山以濛為海州刺史在任貪殘為郡民所訴又為田
頽所譖降為漣水制置使天復三年田頽于宣州行
密歷數諸將無敵頽者乃謂濛曰非公莫可濛曰頽
不守富貴自取滅亡濛今伏大王威武以順翦逆往



必擒顧願王無慮行密大悅濛初入其境即翫陣以
往軍士俱笑其怯濛曰顧宿將多謀當自過防翌日
果遇陣於廣德濛欲奪其銳先以行密書遺顧將校
皆下馬拜受因其擾亂濛麾衆擊之顧兵大敗乘勝
遂圍宣城冬十月顧出州外未戰登橋馬墜爲外軍
所殺宣州平行密承制加濛檢校太保宣州觀察使
天祐元年卒於治所年五十一

卷一萬八千一百
三十四第九頁

張訓

訓字克明涪州清流人身長八尺餘要帶十圍中和
三年歸行密於合淝行密訪以方畧悅之命從石令

言攻同川克其城從田頔擊張勳於褚城入擊趙錚
昌山兵破之克宣州訓功居多遷左右黃頭指揮使
以所部戍廣德拒孫儒於黃池從李神福襲歷陽下
涪州孫儒焚廣陵悉銳攻宣州行密命訓潛軍入廣
陵滅其餘燎獲軍儲數十萬以賑饑民行密令馬爽
守廣陵爽叛爲諸將所殺城中大驚訓整師以出衆
乃定孫儒之起也毘陵守將劉建鋒從孺俱西土豪
陳可兒據毘陵訓率兵奄至城下可兒倉卒出迎訓
於馬上手刃殺之奪其兵入城中又率兵絕儒糧道
於安吉馬頭儒敗訓論功爲最景福元年從行密歸




江都路經毘陵行密顧左右曰毘陵大城也訓一劍
下之不亦壯哉即授溫州刺史乾寧二年屯兵漣水
以備梁師劉知俊聚糧石碣戍守皆潰盡焚其儲糧
訓歸路出東海爲知俊所邀訓擊大破之青口之役
吳師悉起訓師所部迎行密行密喜以兵千人令爲
前鋒會朱瑾假梁人兵銖先入其壘訓登岸疾戰踰
柵而入遂破龐從軍以功授淮海游奕使天福三年
王茂章平密州以訓爲刺史會梁祖以大軍至訓謂
諸將曰城孤師少何以待之皆欲焚城掠聚而去訓
曰不可如此則我師難歸遂封府藏下懸門立虛幟

於城上遣老弱居前訓自以銳兵殿其後梁軍前鋒
至見城上旗多未敢逼數日方入城又見府庫城邑
晏然如故亦不追之天祐七年遷黃州刺史卒於治
所訓質直勇而多力曾渡毘陵西橋馬驚不渡乃持
尾鬣舉之以濟然不恃其勇故多功保全焉

李遇

遇合肥人始事行密帳下光啓中禦梁軍於慎縣遇
單騎按禦率先破敵以伍長遷馬軍副指揮使從平
秦畢趙鎰孫儒皆有功遷淮南馬步諸軍都尉累遷
常州刺史天復三年安仁義以潤州叛夜襲毗陵仁



義善射諸軍多畏避遇背城逆戰仁義喪師自是不
敢東顧天祐中宣州王茂章奔越乃以遇爲淮南行
軍司馬宣州團練使徐溫專政遇不能下之常曰徐
溫何人吾所未識溫怒命柴再用將兵送王壇代遇
不受命再用攻其城逾月不克時新王遣典客何羗
說遇曰公本圖反請斬羗以徇本無反心可隨納欵
遇聞王命遂開門委命溫族之孫仁義方嬰爲人匿
之而免李昇秉政以仁義爲縣令

卷一萬八千一百
三十五第一頁

劉金

金淮陰洪澤人光啓中江淮兵亂從鄉首李章保曲

豁章死金代有其衆行密營廣陵金盡以其衆來附
破秦彥金有力焉文德初從攻趙錙於陵陽明年金
度錙必遁思以計擒之因僞與錙通好約爲外應錙
大以金帛爲遺復夜迎金入臥內許妻以女金歸營
慮錙兵盛出不能制乃遣人臨城大譟云劉郎不能
與爾爲女壻也錙聞之沮喪果宵遁大順中孫儒寇
宛陵行密遣金拒之屢以破儒軍以功授潞州刺史
行密破鍾離移潞州刺史未幾遷團練使天祐二年
卒子仁規嗣仁規娶行密女渥襲位遷過口兩城使
乾貞初授清淮軍節度使


卷一萬八千一百
三十五第一頁



秦裴

裴慎縣人少驍勇頗涉獵以鷹隼為事嘗云天上黃鷹地下黃金餘不足貴也行密起合淝因隸帳下大順元年奏授檢校左散騎常侍行密據黃陵以裴知揚子縣有虎入縣郭裴親殺以獻行密召褒賞之裴曰此衆共殺非獨能制也行密嘆曰勇而能謙必享富貴歷高郵無錫令俱有能名乾寧五年率兵破越崑山鎮以千兵守之錢鏐遣顧全武引萬衆來復裴援絕全武以檄說裴裴封函納款全武頗自負召諸將聚觀全武曾為僧發函乃佛經一卷全武大慙戰

無虛日士卒多病傷死未幾糧盡告降錢鏐預設千人食以待之及出士卒不滿百鏐讓之曰軍孤衆寡何若相拒裴曰但事君盡死而後已今食盡歸命非本志也鏐大賞之因熟視裴曰君有藩侯相他日必歸君餘勿為念裴在越三年絕無歸耗忽一日裴遣人告行密遣李神福攻越臨安鏐遣顧全武方宇為神福所擒明年行密送全武及宇易裴以歸天福復三年從李神福攻鄂州荆南成汭乘大艦來援裴率兵溯流逆戰汭敗溺水死又攻田頌衆于吉陽磯以功授諸軍都尉從劉存攻夏口破之加昇州刺史天



祐三年洪州鍾傳卒州人立其子匡時江州刺史延規傳之養子愈不得立以其郡納欵因授裴西南面行營招討使攻匡時至荊州時軍欲限水爲柵裴不聽匡時果遣將劉楚據之諸將相顧失色俱咎裴裴曰城中驍銳唯楚耳若令總衆拒守此城何由卒破吾固畱此要害以謀致之旣而分軍晨出盡銳破柵旣擒楚方傳於城下未幾城陷擒匡時以獻諸將皆服其智號令嚴肅兵士無敢殺戮洪之士卒俱來就營求其戚屬爲出府庫贖還之洪人感悅授洪州制置使張顥用事慮裴爲變急召歸及湖口遇鄂帥劉

存與潭軍戰沒復授裴鄂岳觀察使會重午裴晏諸將而潭人入寇裴遣弟師鐸師虬乘戰艦先往裴食訖登黃鶴樓以望乃以平頭舫顧小校曰但乘此卷旗奪潭人船以戰及與師鐸以軍合乃建大將旗潭人愕眙裴因擊敗之六年入覲因求歸故里以民禮謁縣宰見里中故老必拜坐以少長爲齒九年加武昌軍節度使遇疾求歸至濫中卒年五十九裴在治七年積軍儲二十萬開青山大治公家仰足

卷一萬
八千一

百三十四
第十頁

馬珣



珣廬江人少翹勇有機畧初以貨財商于江都會秦
畢圍城乃歸鎬鄣軍畢師鐸於城南立高樓以望城
中呂用之患焉募壯士摧其樓珣應募夜半獨仗劍
入賊營倒之用之厚賞遺十餘級行密入城聞其名
錄爲偏將與朱延壽相友善乾寧初授珣舒州刺史
移守漣水三年梁將朱友恭圍瞿章於黃州命珣率
兵授之黃州陷戰不利與張訓呂師造咸知進石率
等收散兵三百人自黃州間道緣分寧絕山谷而東
路經撫州危全諷聞其來布四壘於路壘皆萬餘人
珣語諸將曰彼謂我可坐縛也今與諸軍擊其中堅

逐其軍帥取其資而食其穀可以歸矣會夜擊全諷
之壘大破之全諷僅免乃飲宴于賊營擇其利兵而
用之明日廣張旗幟揚麾伐鼓從山直下衝其連營
鋒若雷電賊皆潰走珣凱唱而歸謁行密言其戰狀
行密罵之曰懦豎子何不遂據其城珣拜謝不敏珣
滑稽好妓樂歌舞雖出師登騎俳諧不輟既而臥疾
謂所親曰若患愈當乞師數千可以蕩平西南夷獠
俄而卒衆惜其智勇部下將校見其二子無不感慨
申敬朱延壽錄其孤而字之延壽敗行密收其二子
給與第宅



劉存

存陳州人少拳勇從行密起合淝破秦畢趙錐皆有
功孫儒入寇身先苦戰爲賊斷足三指而戰不輟翌
日行密出城與儒戰存請先登行密諭以指痛不止
因求皮履裹足而往是日平儒以功遷壽州馬軍都
尉乾寧中預破葛從周於泔河遷舒州刺史改團練
使天復中副李神福攻杜洪於江夏會田頔叛遣將
汪建王壇率舟師泝流而上存與神福下瀝池磯逆
戰爲流矢中目存戰自若建敗存殺獲居多四年復
攻江夏時神福病歸存代爲招討使引十數騎巡城

憇於高崗張樂命飲酒酣鄂兵大至存以旗向江三
招而止鄂人望之屹然有頃自退軍中服其膽畧存
急焚鄂城樓梁援兵將突圍而出諸將欲急擊之存
曰擊之賊必復入復入則城益固矣不若聽其遁去
諸將皆曰善是日城陷擒杜洪父子斬於廣陵市以
功授淮南行軍司馬鄂兵都團練使天祐三年率舟
師攻潭州大雨不止軍回至瀏陽爲潭人所敗執存
以歸馬殷親釋其縛欲授以官存大詬曰汝昔歲宣
城潰散偶漏我鋒刃今反欲臣我耶殷知不可留乃
斬之唐保大中邊鎬平湖南遣使就墳致祭贈宣武




軍節度使武衛上將軍

卷一萬八千一百
三十四第四頁

李簡

簡上蔡人有膽勇資質環偉始隸陳蔡軍中趙鏗選武幹之士因任爲帳下親信龍紀初鏗爲行密所圍糧盡將逸簡給守門者得出因奔行密補黑雲隊長大順二年孫儒寇廣德行密將逆戰會夜屯於行密柵及旦儒軍圍之數重幸百餘人挺身突戰自外破柵拔行密以出遷黑雲都指揮使乾寧二年從攻濠州濠水深濶簡手搴重甲口銜大刀先渡踰壘破其關鍵擒刺史張遂以獻從攻壽州加淮南右廂馬步

軍都虞候先是江都多盜令雖嚴莫能禁止及是爲簡獲者必徇其部分姓名所盜之物盡黥於面於是寇竊皆息三年從田頔破蘇州虜刺史成及從行密破龐從于青口敗梁軍於淝河副王茂章援青社從臺濠圍田頔於宣州皆有功簡本姓陳旣貴欲復其氏行密謂之曰天下皆知有李簡何處有陳簡也是不易渥襲位王茂章將以宛陵叛命簡率衆攻之茂章聞簡至率衆奔越改楚州團練使杭人屢寇無錫以簡爲常州刺史改鄂岳觀察使天祐十二年授武昌軍節度使武義初加鎮西大將軍襲復州破之




倬知州鮑唐以獻乾貞二年加西南面招討使入覲卒于采石江年六十九簡鎮上游之地十餘年重關洞啓敵人不敢侵軼然忍而好殺之又非法重斂鄂兵之高貨者無不破產時論以此鄙之卷一萬八千一百三十四

柴再用

再用蔡州汝南人性至孝七歲遇龐勛亂舉族避地祖誦鼓不能去唯再用獨留侍賊見而去之以是大為鄉里所異及長沈毅有斷面黑如鐵人號為柴黑子會秦宗權召募驍勇再用以騎射應選時軍令亡

馬者斬一日戰回藉鞭而寢既寤而馬逸再用追之遇賊于林中環樹而射一發入樹俱貫賊畏走遂奪馬而歸光啓中從孫儒攻廣陵再用本名存嘗與軍中小校結為死友會有告小校謀反儒斬之執再用至儒問何故反再用不對既伏質又問之始對曰某與彼相結為死友則某反矣公既誅之復何問焉儒奇之曰汝果不反吾再問汝因令改名再用儒敗歸行密授先鋒馬軍指揮使乾寧中朱延壽辟為衙將因遷壽團練都押衙敗梁兵于壽春遷團練副使從延壽平劉存于弋陽授知光州軍州事一日大震電



聞敗飯千僧為禱再用戰歸取其飯召麾下犒之曰
此輩濟我佛何力之有十一年袁州劉崇景叛引潭
將許真為援令再用攻之近城有萬勝岡再用欲奪
之每旦出師岡下不與戰袁人頗怠一日列大陣岡
南崇景望之氣奪因出戰再用躍馬徑入陣中斬首
數十袁人大敗崇景棄之而遁武義元年破越軍於
無錫遷鎮西將軍領天平軍節度使未幾移鎮武昌
改德勝軍節度使加中書令卒年七十二再用寬厚
淹雅有儒者之風好讀左氏春秋未嘗省視厨廩察
屬白事有不如意但對之假寐諸子娶聘必擇平昔

家人皆伏匿再用當戶坐不動俄見青襦袴者四人
昇再用所坐牀出庭中復大震屋楣折有龍出焉梁
山寇光山再用擊走之以功遷光州刺史天祐二年
梁祖平趙匡凝于襄漢乘勝畧淮上遣使謂再用曰
苟以城降遷爾蔡州本郡為賞再用乘闥而拜曰此
州城小衆寡王若先下壽州回當自送款梁祖信之
攻壽州不拔而返再用襲之斬首二十餘級以功加
檢校太保渥襲位遷楚州刺史俄授淮南左廂步軍
都指揮使越人寇東洲遣再用率兵禦之賜長稍伍
拾戰敗艦破水滿再用為長稍所敗泛得不溺家人



舊族史官王振請述戰功以補方冊再用曰鷹犬之
效出自偶然何足紀也累歷藩鎮敦尚儉素車馬導
從不過十人亦一時之良將也

卷一萬八千一百
三十四頁

陳璋

璋潁川人少橫壯不羈歷事諸帥俱無成乃歸行密
未幾復委質於錢鏐景福初授杭州武勇都指揮使
改鎮海軍踏白使乾寧中領賓州刺史從平董昌詔
賜佐忠去僞功臣天復二年鏐將許再用叛據外城
呂田頽爲援頽將樹柵於杭州咽喉之地鏐乘閨觀
之大懼出金綵十輦募諸將有能奪其地者與之仍

以頽爲賞璋應募選驍健三百假護軍白馬以出免
曹馳擊往返者數四竟奪之鏐大喜飲之巨觥即授
璋衢州刺史與軍校葉讓不協因斬之與睦州陳詢
連衡復歸欵于行密鏐以兵圍其州踰月不能出行
密遣周本援之拔璋盡室以歸天祐二年行密遣陶
雅平婺睦復授璋衢婺州諸軍事充都招討副使會
王茂章叛雅棄其地改璋池州團練使署淮南節度
副使越將張二保陷東洲授璋水陸行營都招討使
擊仁保於海曲奪戰船三百艘盡復東洲舊地復乘
輕舟入松江九谿偵邏越師大集團之數重璋獨射




柁工心目皆應弦而倒因奮銳衝擊長圍遂解軍回
泊洞庭見橘林意欲除之謂士卒曰若食鱸用此木
研酸酪不假他物自有香辛味諸軍皆爭取樹立盡
九年以舟師破岳州擒刺史苑玫荆人潭人會于江
口邀璋歸路璋乃方舟並貫夜過其所敵人後出已
無及矣璋每入敵境或晚泊戒士卒整舟檝待令下
當行必此宿軍之所也若移帳下岸修棚習射乃夜
多前去越兵寇上饒璋引兵侵蘇湖上饒之兵乃解
乾貞元年加鎮北大將軍領平盧軍節度使溥遣王
彥章苗璘舉兵西伐璋謂嚴可求曰朝廷攻湖湘何

不用璋與周本彥章與璘可當其偏裨耳其後彥章
果敗三年加使相天和二年改鎮東將軍充宰國軍
節度使遇疾歸江都求醫至江陽縣卒年六十五
卷一

侯璿

璿字信美城濮人黃巢聚兵於曹濮璿從之時年十
六巢陷京師璿逃歸鄆州時僖宗幸蜀徵十道兵討
巢朱瑄以鄆城應命璿為偏將預行尋復與諸道兵
伐秦宗權皆以勇果聞頃之隨瑄弟瑾襲兗州璿與
瑾逆殺齊克讓破宿州瑾據有兗州璿為爪牙梁祖



攻兗州力戰以却梁兵梁祖圍時溥於徐州兗鄆兵
救之不利溥死梁兵遂攻鄆戰于城下者數年長
圍三合而三却之時璿常在瑾之左右大小數百戰
隨瑾搏擊馳突出入敵中殺傷不可勝計乾寧四年
隨瑾與太原將史儼掠徐泗瑾將康懷貞以兗州叛
瑾無所歸與璿等率兵數千走海州遂來歸行密授
璿衙將是歲梁祖大舉兵伐吳龐從古聶金率衆入
自青口葛從周以精甲圍壽陽江淮大恐行密以兵
萬二千會戰于青口時兵起倉卒加以陰寒戰士皆
攘食飲雪而行甫及梁營則豎戈植足鬪志未決瑾

與璿率五十餘騎潛濟淮入自壘北舞槊而馳驚聲
雷沸梁兵皆殞時不能舉遂斬龐從大將繼之死者
大半鳴鼓西行破葛從周于壽陽泚其卒萬餘人於
淝河梁人大震璿功爲多授左右隨從騎軍副使隨
王茂章救王師於青州破梁兵五萬餘殺友寧璿復
有功從周本攻蘇州戰於黃天蕩從徐溫却王景仁
於壽陽逐劉崇於袁州朱瑾救徐州之圍及攻潁州
璿皆預戰累授滁州刺史大和三年卒年七十

萬一

千一百三十
四第十九頁

朱景



景壽陽霍邱人少豪猾驍壯有膽畧為邑中所服行
密得淮南以霍邱地界南北盜賊交會難可防限聞
景之勇為遠近所畏故以委之且伺北鄙之奔突景
招合無賴年少得絕伎者百餘人撫之畫與捕
獵暮分巡警月餘而材伎疆力無有及景者以是服
從如一治淮羣盜莫敢犯之梁祖聞其名命寇彥卿
率勁騎三千襲霍邱圖取景且諭梁祖之意令降景
率其徒戰于邱墟林澤中射死者無數彥卿兵折力
殫而去康懷貞之至復為景所困王茂章來寇度淮
水可涉處立表識之景易置於深潭水中立表浮木

之上茂章軍敗望表而涉溺死者大半積其尸為京
觀後破李進金何駢涉騎數千尋拜滁州刺史移光
州刺史卒於任

卷一萬八千一百
三十四第十九頁

張崇


崇廬州慎縣人少以伉勇隸軍籍光啓中始補戎職
從行密破趙錚有功乾寧二年行密攻蘇州崇為越
人所獲行密欲嫁其妻妻曰崇忠孝必不負公請待
之未幾崇果返以為諸將都尉遷蘇州防遏使越人
攻蘇州崇從臺濛敗越兵於小白天復中安仁義
叛崇復茂章率兵攻之擒仁義以功授常州刺史累



遷廬州團練觀察處置等使天祐十一年加檢校太傅光州軍校王言叛崇討平之授平南軍節度使武義元年加安西大將軍梁祖遣將合湖南兵攻荊州以崇爲應援招討使引軍攻安州降其騎兵二百而還遷德勝軍節度使如中書令太和中封清河郡王卒于治所年七十二崇殘酷暴斂泚人畏之嘗入覲議者盛言不返鄜市少年皆將頤相慶崇歸聞之因斂將頤錢數萬貫尤好使酒殺人重掌奏刁鎔每謂左右曰吾醉慎勿令鎔出一日醉甚三召鎔至竟殺之詰旦召鎔左右曰已殺矣崇大悔取其首視之揖

曰罪過負外其輕人命如此頗信鬼神家人求以厭息崇者先是后土廟塑章安道配座乃遣巫女詐云天上謫后土與公爲偶崇往視之巫女潛洩異香以爲后土至矣崇乃命樂對像酣飲一夕家人竊其兵器盡寘廟中巫女報曰列仙不殺殺戰故遣六丁取至公不得更用此傷害崇因是大爲改悔歷藩鎮二十年掠下以奉上每歲一入覲輸貢絡繹國中執事無不受賂故其肆虐凌下保全祿位終身爲橫耳

萬八千一百三十五
第二頁



縮廬江人勇敢有謀光啓中始從行密破趙錕下蘇
濠累有戰功署行營諸軍都尉兼漣水防遏使先化
三年青州戍將陳海賓殺海州刺史牛從義歸欵于
行密行密命縮與張訓率勇士二十乘勢未附襲之
漢賓設備不暇果出迎謂遂入府中諭以利害漢賓
乃解甲聽命以功授檢校左僕射是歲青州王師範
告沂密內叛授縮海州副使兼沂密充鄆諸州副使
與臺濠攻密州下之將擊沂州覘者曰城中偃旗臥
鼓寂若無人縮曰此必有備而援兵近矣諸將曰密
城既下沂易與耳縮不能禁但於茂林設備以待果

攻沂不克援兵具至師既退爲沂兵持其後縮伏兵
擊之沂人大北未幾代臺濠爲海州刺史天復三年
改漣州制置使天祐中復刺海州就加平盧節度使
明年改定南大將軍知處州防禦使谿洞民多爲盜
至皆平之順義元年授百勝軍節度使召歸乾貞初
卒年七十二卷一萬八千一百
三十四第十五頁

王稔

稔廬州人少驍勇始以騎射隸行密帳下累從征討
有功乾寧中梁祖遣將葛從周討揚州稔與柴再用
率兵禦之稔以六騎登高山覘梁軍爲梁軍所圍候



者望見之請以救兵往再用曰王稔辦事不須憂也稔與其徒解鞍而臥梁兵不敢上會暮圍兵漸合稔乃步依林木轉戰而行因是解去時亡馬令峻遂重襲梁兵奪馬而還軍中壯之袁州劉崇景叛湖南將許貞率衆來援貞單騎求鬪稔獨援長槩逐走之袁州平以功授滁州刺史又從徐溫破寇於山南遷壽甌衣博帶有同儒者先是壽春人多尚武復禁夜至嚴稔至唯閱經籍下帷肄業通宵無禁不數戰鼓篋待問者四境鱗萃每講肆開必饋以束修旨酒鄉里

薦舉歲常百餘人稔多力每選二勁弓弦加兩耳分
手前引雙滿者數四乾貞三年歸授左右雄武統軍
卒年六十六

卷一萬八千一百
三十四第十五頁

李原

原蔡州人乾寧初歸行密爲黑雲隊長破濠壽有功加檢校兵部尚書改隸朱延壽將戰會立新軍每旗以五伍爲制造原以十旗擊其西偏不克而返延壽將斬之原曰彼衆我寡願更益師以徃苟不敵勝死未晚也乃增以五旗原力戰梁人亂延壽乘之遂大敗行密聞之召歸授黑雲都指揮使天復中從臺濛



破宣州天祐三年以兵授宜春深掠越境師還以功
遷黃州刺史溥襲位授奉寧軍節度使同中書門下
平章事卒於金陵年六十一

卷一萬八千一百
三十四第十八頁

陳知新

知新廬江人從行密起兵攻畢師鐸孫儒皆有功屢
以親軍攻定南北諸部立奇績累授先鋒指揮使
天祐元年率兵攻邑陵破其水柵逐楚將許貞盡收
其地拜岳州刺史三年加團練使是歲從劉存大舉
師伐湖南會天大雨旅至瀏陽江為楚兵所襲存與
知新戰敗俱被擒楚王馬殷親釋其縛且慰勉之冀

為已用知新叱罵曰吾豈能負揚公而反事汝耶殷
知不可留乃殺之家悉陷敵

卷一萬八千一百
三十四第十七頁

朱虔祐

虔祐潁川人少多力善戰初為義興令行密惜其材
召居帳下常率衆居前從王茂章援青州去為軍鋒
歸則殿後我軍背嶮虔祐以五百人當之追兵大至
茂章亦留解鞍而寢虔祐促茂章亟去自與梁人戰
殺傷無數日暮兵盡被擒士卒無求生者以故我軍
行遠追兵不能及梁人執虔祐見太祖太祖壯其事
欲釋之虔祐請死不得瞑目大罵被害行密厚恤其



家後數年嫁其妻詰旦行矣其妻沐浴禱之曰王愍
我窮獨恐終不能自存當嫁我于某氏嗟乎今日爲
君之妻明日他適矣君忠烈若是歿豈無神遂棄我
是夜無疾而卒夫忠婦義如此卷一萬八千一百
三十四第十七頁

九國志卷二

宋路振撰

劉信

信字興遠兗州中都人少豪勇善騎射始陷蔡盜許
勅軍中勅敗自滁州奔于行密及破秦畢頗著戰功
大順中行密與孫儒對壘一日召信受事信醉不能
起行密罵之信出投賊左右請追行密曰信醉耳豈
負吾者耶明日信果返孫儒平以功轉騎軍副指揮
使從破濠泗遷滁州刺史改左右隨從馬軍都尉王
師範據青州密人叛師範求濟師行密遣臺濛率兵



家後數年嫁其妻詰旦行矣其妻沐浴禱之曰王愍
我窮獨恐終不能自存當嫁我于某氏嗟乎今日爲
君之妻明日他適矣君忠烈若是歿豈無神遂棄我
是夜無疾而卒夫忠婦義如此卷一萬八千一百
三十四第十七頁

九國志卷二

宋路振撰

劉信

信字興遠兗州中都人少豪勇善騎射始陷蔡盜許
勅軍中勅敗自滁州奔于行密及破秦畢頗著戰功
大順中行密與孫儒對壘一日召信受事信醉不能
起行密罵之信出投賊左右請追行密曰信醉耳豈
負吾者耶明日信果返孫儒平以功轉騎軍副指揮
使從破濠泗遷滁州刺史改左右隨從馬軍都尉王
師範據青州密人叛師範求濟師行密遣臺濛率兵



破之信先登破敵冒重瘡及青人獠師先求白甲軍
增其賞蓋信所部兵皆鐵鎧也天祐六年袁吉信撫
州結潭人將復豫章改信鎮南節度副使率兵敗潭
將苑玖於上高遷袁州刺史危全諷新破其將黎汾
王藻聚殘黨為盜南城間信盡破之一郡遂寧十一
年授鎮南軍兩使留後劉崇景以袁州叛信擊走之
授鎮南軍節度使信為治苛猛民流言將反會王祺
率舟師南上信意其圖已乃乘小舟解其冠帶詣祺
請罪祺大驚謂曰奉命討譚全播於南康請公駐吉
州以驚潭人非他也時虔城險攻之久不克祺以疾

死遂改信為討招使全播懼因納款信受其質而還
徐溫方執政聞之大怒杖其使者信子彥英時為親
軍校溫令將三千人往援之溫戒之曰吾父據上游
之地擁數萬之衆取一小郡不克而還是反也今授
汝此兵可往助父反信聞之大懼即返旆疾趨克其
城而還先是有譖於溫言其逗撓固縱全播至是信
自獻捷於江都溫大喜復遣還鎮十六年吳王開國
加信征南大將軍後唐莊宗即位遣諫議大夫薛昭
文冊閔王假道豫章信勞之謂昭文曰皇帝知有信
否昭文曰主上新有河南未熟公之名信曰漢有韓




信吳有劉信異代其人也因指牙旗銀首舉卮酒以屬昭文曰射中此願公飲一箭而穿之觀者無不稱快信用親吏吉况輩聚欵財貨置積廳事日納銀滿其中莊宗伐蜀溫恐信爲變急召歸江都爲左統軍溫卒又傾心事知誥復歸鎮明年卒於治所年七十信將上章請立廟於洪州許之

卷一萬八千一百三十四第十一頁

馮宏鐸

宏鐸漣水人少與張雄友善以事爲吏所抑因與其徒亡入海爲盜宏鐸隨之聚衆千人自號天成軍遂據上元雄卒宏鐸繼其位治水軍於金陵樓艦之盛

聞于天下大順元年詔復以上元爲昇州命宏鐸刺史遂增版築大其城爲戰守之備行密定淮游因請歸附時田頔在宣州常欲窺伺宏鐸介居二大國之間又郡中數有妖怪居人相驚忽抱負嬰孩奔走論之不可止宏鐸心不自安遂悉衆南止上其日淮口大風發屋拔樹大石巨木皆飄于空聲言將討豫章實欲襲頔頔自率舟師與戰于昌山宏鐸敗沿流將入海行密自出東塘邀之先使人謂宏鐸曰用兵者勝負豈有常哉今衆力未損公何憂一郡而欲自屏於海外吾府雖小足以容君之衆使無失所若欲淮




南節度吾亦當讓君捨此而去無謂也宏鐸左右聞之皆哭於是聽命行密乃升宏鐸舟執手慰勉一軍皆歡呼遂以宏鐸歸署揚州節度副使館給甚厚將吏皆分部安堵嘗與行密同祀漢高廟有二鳥鬪于樹行密命射之宏鐸引弓伺便一發而二鳥俱墜天祐四年卒

卷一萬八千一百三十四第十四頁

賈公鐸

鐸字聲遠唐相眇之嫡孫生於上蔡遇亂爲秦宗權愛將宗權暴虐不軌鐸諫之不聽反見疑懼禍及乃挈家夜與屬卒千人出奔宗權嚴兵追之鐸且戰且

行數日乃渡淮遇故人馮敬章導之襲蘄春破其城推敬章爲帥鐸爲牙將整城厲兵以自固行密命朱廷壽攻之鐸方出獵廷壽潛軍掩至圍其城鐸奔還度不得入以兵伏林中選士二人衣羊皮夜入廷壽所掠羊羣中因得入城約城中夜半開門舉火爲應再以羊皮復命鐸如期領兵趣城南門門中舉火乃力戰突圍得入廷壽知其狀驚曰吾恐其潰圍而出今反潰圍而出如是則城安可卒平乃以鐸報行密令召軍中與鐸有舊者持誓書金帛與之和仍令廷壽與之約婚小將柴再用應召而行鐸乃請盟廷壽




以妹妻其子匡浩行密復授鐸左監門衛將軍乾寧
二年加壽州左右軍光化二年授檢校右僕射天復
三年加金紫光祿大夫檢校司空授黃州刺史天祐
三年移光州刺史七年卒于治所

危全諷

卷一萬八千一百
三十四第二十一頁

全諷臨川南越人世爲農夫初生赤而毛醜狀駭人
父母欲勿舉其姊保護之僅而得全及長人質明秀
豪勇任氣乾符末所在寇亂乃招合同縣少年即其
居爲軍營鄉里賴焉時安南都護謝肇受詔安撫江
嶺聞而嘉之補爲討捕將加憲職賊帥黃天感據龍


安鄉朱從立據石牛洞皆竊稱名稱號官軍屢敗肇
遣全諷射之暮年悉平中和五年黃巢餘黨柳彥章
攻破臨川逐郡守大掠而去全諷遂入之詔即以全
諷爲撫州刺史郡署及鄆郭焚蕩畧盡乃悉心爲理
招懷亡散興緝圯壞不數年完復如故時南平王鍾
傅亦乘亂據有豫章朝廷因命爲帥諸郡亦多自立
者皆不能恭承節度而全諷最强尤驕傲不遜遂爲
勅敵久之傅不能忍自率兵討之旣傳其城而城中
夜火失士民驚亂諸將請急攻之傅曰君子不逼人
之危乃掃地而祭曰全諷之罪無害於民煙焰遠止



天之惠也翌日全諷聞之遣使謝罪聽命請以其女
嫁傅之長子匡時傅許之乃盟而還由是稍修支郡
之禮然豫章之人常畏之傅卒軍中以匡時爲畱後
全諷曰聽鍾郎三年爲節度吾當爲之旣而我師圍
豫章全諷不能救及城陷乃謀東兵時宣州刺史王
茂章叛入越假道臨川以之梁間全諷曰君欲大舉
願見君之將士以卜濟否乃陳師於野與茂章登城
而觀之茂章曰衆凡幾何曰十萬茂章曰淮南有三
等將如公此等可當下將爾盍更盡十萬乎全諷不
聽恚衆屯象牙潭自稱江西留後虜郡皆以兵資之


湖南馬殷又遣將高安以爲之援軍勢甚盛豫章大
恐將軍周本攻象牙潭大破之擒全諷于郡諸郡皆
潰楚撤高安之圍而適於是克定八郡之地送全諷
維揚親詰之全諷不答初行密之攻趙錕遣使通聘
於臨川全諷報禮甚至糧運兵器皆取給焉至是以
舊恩釋之先是潤州刺史安仁義築第於邗溝之西
因以賜全諷資給甚厚天祐六年以壽終諸子隨才
敘錄全諷敬愛賓客善撫士民頗有巧思多所興創
今城郭館署皆其遺構也

卷一萬八千一百
三十五第三頁



全播南康人昭宗末嶺表寇亂全播與鄉人盧光稠
相與聚兵謀署首領衆推全播怒曰諸君舉事必望
成功須藉長帥盧公軀貌堂：真諸君帥也衆唯唯
未定全播拔劍三擊庭樹曰不從令者與此樹同乃
立光稠而全播爲謀主所向多捷兵勢漸盛遂破王
潮之衆入據虔州推光稠爲兵馬留後全播分掌城
中兵天復三年與潭人共伐番禺下韶州潭人不利
乃引還光稠命其子延昌守韶州其弟光牧果敗奔
還潮人乘之伏兵四起大破之擒其首將鄭廉遂從
光牧圍潮州番禺救之乃引還劉巖劉隱以廣州之

衆伐光稠以報韶州之役旌旗相繼數十里圍城十
餘重光稠大懼全播曰吾諳劉公易與耳無足憂也
光稠喜曰虔與韶昔與君所共足也此日之事非君
不能辨於是治戰場于城南告戰期於劉巖巖令諸
軍曰戰之日勿殺虔兵悉可生擒之全播選精甲萬
餘伏於隍澗邱岨之間與老弱五千鼓行而前數戰
乃退巖縱兵長驅中伏發巖等大敗單騎遁免斬首
萬餘級光稠讓功全播泛讓諸將而不受自是光稠
大歎賞之俄有疾將以符印授全播不從光稠死延
昌自韶州奔喪全播立事之延昌好遊獵荒傲無度



李濤

濤趙郡人祖遠唐杭州刺史父逸壽安令濤涉書史會唐末四方盜起乃投筆從軍光啓三年秦彥囚高駢濤從行密義舉列八寨維揚西彥盡以步騎背城求戰俄而彥軍已破一寨諸將以兵勢相懸宜堅壁勿出濤怫然曰今以順伐逆豈論衆寡設令欲退將焉歸濤願以所部爲前鋒請觀破賊行密壯之遂出戰果敗彥軍自是無敢復出濤以功遷騎軍都尉涯襲位授和州刺史初行密旣卒張顥陰有異志以都統符印送宣諭使李儼行事嗣王意未決一日諸將

共議四座畏顥無敢言者濤曰都統符印是昭皇御翰所賜王父子承襲用在不疑苟付他人中外安仰諸將以其辭正皆伏議顥獨默然投袂而去渭襲位遣吉州刺史十年授行營招討使攻越臨安濤敗陷於越順義元年吳越通好杭人厚禮歸之授左雄軍武統軍加泗州防禦使遷寧遠軍節度使大和四年卒年七十二

卷一萬八千一百四十四頁

鍾泰章

章字憲明廬州合淝人少不拘細行雄果有四方之志中和中行密據合淝召置帳下累從征討皆克復



有功天復三年朝使李儼至行密得承制拜授以功
歷左監門將軍天祐五年張顥弑渥將出徐温州守
潤州以圖自立溫與嚴可求謀非章不可除顥章知
之因選士三十人夜集軍舍椎牛享之刺血而飲以
爲誓溫謂曰吾有老母不若且止章曰斯事一言既
出寧可中輟耶明日章與姚克瞻殺顥於衙堂遣檢
校尚書左僕射左衛副指揮使從周本攻越州拔衆
夜歸越人襲之章以二百人散樹旌於菰蒲間越兵
退去絕糧三日章壯氣無衰章自以除顥功大賞薄
會與骨言爭握槩因詳語較軍功以及之溫聞而嘆

曰斯固吾過也明日加章滁州刺史滁民有訴章者
章詣金陵自理溫逆謂之曰前事爲理已改授公老
州矣章遂之任未幾遷壽州團練使會疆吏告章侵
市官馬因遣王稔以巡霍邱爲名往代章章歸中途
改饒州刺史俄召歸金陵在郡二年加同中書門下
平章事章多力嘗怒其家人其人匿避章愈怒因拉
折鐵杵後卒於治所年六十二

卷一萬八千一百
三十四頁


朱瑾

瑾宋州下邑人也雄武倜儻有吞噬四方之志光啓
元年汶陽曹全昱遇害軍城無帥鄆兵共推瑾兄瑄



爲留後瑾之季仲俱爲列校明年兗州齊克讓妻女於瑾瑾伏兵仗假稱聘禮改服甲士詐爲昇夫而往親迎夜發卒殺兗州軍校王稠膚遂克讓詰旦自稱留後三年夏秦宗權併兵攻夷門梁祖幾至不守會瑄援至合梁祖兵大戰城北瑾單騎嘗寇馳突往返當者無不披靡宗權敗走自是瑾與梁軍互爲犄角屢破宗權朝廷以功授兗州節度使未幾梁祖交惡於瑾遂成仇敵大順二年冬瑾率兵萬人攻單父梁祖遣丁會禦之瑾軍大敗於金鄉景福初梁祖攻徐州瑾率全軍來援時溥擊梁軍殺其將霍存因席卷

十餘寨乾寧元年梁祖親攻鄆瑄瑾合兵迎戰敗之於東河二年春梁祖將朱友恭瑾塹其城守之是時連歲交兵四郊無耕織瑄瑾勢感因遣使乞師太原李克用假步騎五千濟河梁人退舍十月梁祖復親攻兗州塹圍之瑾單騎求鬪梁將無應敵者瑾兄瓊先以齊州納欵于梁梁師使瓊臨兗州說瑾瑾怒瓊無急難之意僞遣使告降梁祖自至延壽門與瑾交說瑾謂梁祖曰兗城印符他人莫可付願得兄來付與旣而梁祖遣掌謁劉捍與瓊偕至瑾馬立橋上遙謂捍曰願兄先來乃麾將士擒瓊徑入未頃城上



大譟擲瓊首于外梁祖大悔因班師焉四年正月鄆
州先下瑾亦糧盡與晉將李承嗣史儼求軍食于野
梁將龐從奄至城下瑾將康懷貞率瑾子私以充城
送欵歸不得入引承嗣諸軍將保沂州爲其將尹處
賓拒關不納瑾狼狽將奔將上復追之後泊乃渡淮
歸于行密行密迎之於高郵待以殊禮立解所服玉
帶爲贈擇甲第遺財帛鉅萬表瑾領武寧軍節度淮
南行軍副使是冬梁祖遣將龐從大寇青口行密親
征之令張訓以羸兵前導從意輕吳師貪奕棊不顧
瑾請假梁人旌旗率騎潛濟突入從中軍營行密得

引兵急渡爭破諸柵遂擒從斬之乘勝攻淝河軍葛
從周敗走光化二年春從行密攻彭門移師侵宋梁
祖屯睢陽以禦瑾會天大雨與瑾交綏而退天復三
年授瑾東面諸道行營都統平盧軍節度使同中書
平章事天祐十三年淮南小校馬謙李球乘酒脅衆
挾渭登樓發武庫兵爲亂陳於門橋北外衆屢却會
瑾自浙西至惟引一騎視其坐起云此不足爲禍因
返顧外衆推乎一呼亂兵皆潰去遂擒謙是冬與行
軍副使徐知訓率兵攻潁州梁人援至而解渭將開
國知訓患瑾位加于已請以泗州建靜淮軍出瑾爲




節度先是瑾因朔望令女妓通候問於知訓知訓淫
縱強欲私之瑾心已不平復有是行會知訓夜張祖
蓮瑾中宵先起詰旦度知訓酒方困復留刺以去既
盱知訓果來謝瑾因延入室出其妻陶氏知訓方拜
瑾以笏擊之踏于地左右自外突入殺之初瑾先繫
二惡馬於廡下及將圖知訓密令釋其羈紲馬果蹄
啣外人莫得聞變因斬首以出知訓從人數百瑾扼
臂叱之俱辟易散去復乘知訓馬馳入府中訖于渭
云今日爲大王除患渭曰此事吾不敢知因命瑾疾
去瑾愈以知訓首擊柱詬渭曰懦夫安足與成事携

劍復出望府門已闔因踰垣折足大呼曰吾爲萬人
除患今以一身當之耳遂自刎夷其族時年五十二

卷一萬八千三
十四第八頁

宋志誠

志誠沙陀部人少便騎射以驍勇聞乾寧四年奔于
行密龐從寇青口葛從周寨溍河志誠俱爲前鋒連
戰皆勝以功遷馬軍指揮使田頔叛于宣州志誠與
臺濛敗頔於廣德天祐六年危全諷將伐鍾陵湖南
遣苑玫屯上高以爲全諷聲援命志誠與王祺率兵
破之十年從徐溫敗錢瑛於梁谿後又破王茂章于




淮上十一年隨柴再用討劉崇景於袁州敗袁人于
萬勝崗崇景棄城遁去遂入之先是袁人兒童聚戲
穴地爲釜圍箬爲甑曰將柴米來至是果應以功加
檢校太傅領泰寧軍節度使十五年朱瑾殺知訓携
其首入府中志誠聞之被甲引其子并親從十餘騎
至天興門問瑾所向聞瑾已死乃歸徐溫疑其助瑾
遣使殺之嚴可求懼其不克遣人僞自袁人至告大
破楚人諸將皆賀志誠亦入因伏壯士斬于棘門之
下諸子皆棄市

翟虔

卷一萬
三十四第
千一百
四頁

虔彭城人也乾寧初徐方將陷虔盡室南渡謁行密
於廣陵及徐溫典右衙以虔爲軍佐屬張顥之亂溫
與嚴可求陰計其事密遣虔往復傳導及誅顥虔有
力焉因授子城甲仗諸庫院鈐轄等使天祐十五年
朱瑾殺徐知訓挈首突入府門時兵衛倉卒莫敢抗
禦虔驅率散卒共閉關瑾以是不得出遂踰垣折足
自刎而死會未志誠引十萬騎闔瑾所向聲言以襲
瑾爲名虔乘闖謂曰瑾已戮矣何不急自歸營因是
志誠遂返渭喜其應機却賊以瑾宜陵莊賜虔爲賞
及吳國建復旌其勲授閣門宮城武備等使領光州



刺史順義四年溥幸白沙對徐溫呼雨為水溫請其
故溥曰此是翟虔父名吾慣諱矣因言宮內諸王須
索虔多阻限不時進納溫欲斬之為溥救護而免黜
於撫州未幾授行軍副使及廉使徙任虔知本州軍
事卒年六十三

卷一萬八千一百
三十四第十四頁

張可琮

可琮不知何處人中和之亂奔于江淮行密識其勇
毅擢在左右破孫儒於宛陵先登陣稍遷列校時
吳人初得宣城毘陵之地無錫居越人之衝患其攻
擾天復中選可琮守之錢鏐忌其名揀驍將卒二千

中夜襲之邑中大擾可琮閱兵得百餘人皆乘城疾
戰越人驚憤而去吏士皆賀可琮笑曰彼眾我寡其
勢未已方復勞諸軍一陣爾於是息鏗火屏旗鼓若
空邑然越人偵之以為宵遁果復至可琮約將士候
其附城突擊大破之寇盡潰去方告於郡守李簡簡
雖怒其不時告且壯其事列上其功後以徐溫之掠
東洲下之即以爲制置使天祐中除江陰縣鎮遏使
遂城江陰沙山之役可琮以江陰之衆供軍旅展斥
候無闕謀徐溫喜之擢拜常州刺史大修城隍氏賴
以安順義五年卒年六十五

卷一萬八千一百
三十四第十八頁



鄭璠

璠汝南人始事秦宗權後隸孫儒入淮南尋歸行密
前後戰伐皆預行光化四年授左先鋒兵馬使是歲
從李神福攻臨安擒越將顧全武方字等四十餘人
遷左衛將天祐初王茂章征南安仁義於潤州洎城
陷中十餘瘡以功遷左先鋒都尉從攻豫章璠以所
部發機飛火燒龍沙門率壯士突火先登入城焦灼
被體以功授檢校司徒復從柴再用與越人敗及陳
璋復東州璠城而守之復會呂師造攻蘇州與人戰
虜其次將陳綰璠左脇中弩幾死授蘇州行營都指


使周本擒危全諷於象牙潭璠所部功多又攻新淦
縣克而守之尋以張宣代歸復佐周本攻袁吉綠山
疾戰悉收其巖壁焚之民皆復業十五年從王祺劉
信攻虔州克之授璠羅城使順義元年領饒州刺史
六年知楚州率兵援汀洲軍事乾貞元年就拜團練
使二年授鎮南軍節度副使知軍府事大和三年授
饒州刺史五年遷金陵行軍副使卒年六十六

卷一
萬八

千一百三十四
第十八頁

楊彪

彪宿州人身長七尺餘呼聲如鐘個儻有武幹善騎



射行密見而壯之擢授衙內散指揮使渥嗣位潭人
犯邊授西南面行營護軍副將謂諸將曰彼衆我寡
未欲輕動乃守其要津以輕兵挑戰登高以望之見
其麾下進退不一彪笑曰非勅敵乃縱兵出戰親射
其首將殺之順風焚其艦溺殆盡凱旋擢授江陰鎮
遏使徐知誥鎮潤州充都尉以從越人寇無錫東南
大震知誥東征彪與陳再過領死士千人于路次弓
弩忽發越人驚擾又竊賊號令以入其壘殺獲甚衆
明日又戰自旦及辰未決彪躍馬疾馳之越人遂退
師還以功授殿直軍副使與郭棕分直宿衛徐知誥


謂之曰郭棕猛而少機警宿衛之職惟爾是賴大和

三年卒年五十二

卷一萬八千一百
二十四第十九頁

陳祐

祐歷陽人年十七歸行密於合肥從入廣陵孫儒來
襲吳師亂祐之卒伍獨成列洎入宛陵稍遷爲偏校
時行密修貢於天子祐應募而行達于朝廷制授兼
御史中丞從攻澄濠壽等州下重甲先登戈傷弓墜
而復上敗龐從葛從周朱友寧皆預戰有功秦裴下
豫章時朱思勅范師從陳璠以兵戍之鏘等皆渥之
腹心也張顥忌焉令祐以渥命往誅之三校皆勇士




也顥既遣祐行甚憂之祐踰險輕行六日至豫章微服懷短兵入秦裴帳下裴驚其來且告之故因責裴以不能制三帥而令有異謀裴懼未及對祐乃令召思勅等宴會及至則祐已與裴飲矣三校入見祐皆色變俄而酒三行祐數其罪悉叱而斬之以歸徐溫之誅張顥祐有力焉天祐七年越人侵無錫徐溫自征之祐率黑雲都尉以從諸軍未集祐告溫曰寇謂我勞頓而至未能陣也願以所部先薄之大軍見可則進溫從之祐詭道以出賊後會大軍夾攻大敗之十三年溫在潤州小將周郊詐稱役徒懷短兵入府

多殺軍吏而衛士無兵仗拔武庫之捷出兵伏授之以戰或有自後擊祐腦傷踣于地從者負之息于門下稍蘇時賊雖息府中高擾升樓傳呼不能止祐舉首不叱之衆皆投兵伏罷去溫手封其傷授黑雲都尉溫遷金陵制宮室府署命祐董其事以功以檢校司空太和元年授饒州刺史卒于任年六十五

卷一
萬八


千一百三十四
第十九頁

權許州人少從軍於蔡州景福元年來歸行密入淮南隸田頌麾下累遷同州節度副使光化二年頌與



帳下歷壽州衙內副指揮使天復中田安將謀叛行
密疑朱延壽與之結交太初累從延壽征討曾諫延
壽及延壽擒行密嘉其意遷太初衙內都指揮使天
祐十五年從徐溫破王茂章遷本州司馬權知壽州
團練事先是壽春自乾符後守卒俱爲多謀彊力者
據而後奏報以要恩及陳召卒宣王遣王定持虛銜
官告以往度令可授者與之定以軍政雖出太初而
職在衙將甯審言之次因潛報太初曰詰朝若州之
符印再至於君慎勿更讓明日召諸將齒先以符印
置座末以次遞捧而上及審言而止定曰王府之命

非甯公而誰然合更相推以成禮也審言如教復至
太初定曰唯公不可多讓乃麾其下位者俱令列賀
復數日軍州無異議始以官告授之有密諧太初常
蓄鄉關之念者會徐知訓征潁州路出壽春且觀其
意太初著烏帽屐徒步至塌山爲知訓馭馬五十
餘里知訓見其屈降前疑大釋太初不喜儒生多疑
好察每通衢交會之所牆必置耳常謂人曰還聞牆
有耳否又曰非牆耳乃吾也由是行路之人鮮敢偶
語者召歸授右雄武大將軍加檢校太傅同中書門
下平章事守左殿直統軍大和三年卒年六十六



萬八千一百三十五第三頁

陳彥謙

彥謙毘陵人少負壯節有剽繁治劇之才行密定江表召為潤州司馬以幹局聞徐溫鎮浙右以機務為寄彥謙亦坦然不疑言行計從人莫能間溫欲居金陵問策於彥謙對曰金陵昔為王者都今實近畿關輔也作鎮於彼其誰不往溫從之遷彥謙金陵大都督府右司馬營度外城府署三年而畢上經費之籍天祐十五年朱瑾殺徐知訓溫急召謂之曰蛇豕雖止枝蔓猶在令就廣陵除其餘孽及梁祖即位隴蜀

建號彥謙勸溫諷渭建朝廷及更章服彥謙頗有力焉溫嘗閱帑藏見金帛委積因曰此三軍物吾豈敢有然致此盈衍公之力也因授鎮海軍節度判官無錫之役未戰而溫疾吳越兵攻其帳我軍相顧失色彥謙即引旗鼓詭遷于左其攻稍息及敗越兵遷楚州團練使諸藩郡歲時伏臘爭獻賂遺溫悉令納之病溫親往慰問自調湯藥臨卒爭疏十餘事首即以用嫡嗣為請順義五年卒年六十三

卷一萬八千一百三十四第二頁


高澧

澧越州人祖實唐武寧軍節度使父彥湖州刺史澧



爲錢鏐之將累功遷特進湖州刺史武義軍使天祐
七年以受疑挈家屬二百餘口甲卒五千來奔授淮
南節度副使澧嗜酒好俠殺人而飲其血日暮必于
宅前後掠行人而食之一旦醉在樓上王寬經其下
澧名之登而命左右去其梯鏹於旁而以酒虐寬
寬爲所圖乃以大觴酢之澧皆推觴寬躍而取其鏹
橫之於膝乃慢罵澧連以觴罰之澧辭不飲寬乃引
鏹逐之澧環席而走叩頭乞哀併飲十觴臥不能興
寬乃下樓徐去泊上馬命以鏹還之十五年徐知訓
爲朱瑾所殺徐溫遷怒誅之



卷一萬八十一頁三



國家圖書館, NATIONAL CENTRAL LIBRARY, TAIWAN, R.O.C.




國立中央圖書館, NATIONAL CENTRAL LIBRARY, TAIWAN, R.O.C.



九國志卷三
 吳 田 頽
 頽字德臣廬州合淝人博覽書傳容止儒雅雄果有
 大志少與行密同鄉及戍塞上情好愈密軍回俱遷
 八營主將中和二年行密圖有淝上頽首為輔翼光
 啓二年壽春張翺遣將魏虔率衆來寇行密使崔自
 審敗復命頽往大敗虔衆于楮城鎮三年從行密破
 秦軍于維揚頽功稱最文德元年圍趙錚于宛陵明
 年夏錚糧盡舟出東溪乘瀑流以逸將奔淮南錚度

國家圖書館, NATIONAL CENTRAL LIBRARY, TAIWAN, R.O.C.



3394947 v.2


行密皆步騎限水無從復至因泊永陽解甲登岸初
顏疑鎧將遁密造輕舟擬之至是追及鎧奔不暇爲
顏親執以獻奏授顏馬步軍都虞侯檢校尚書左僕
射是冬與安仁義攻杜稜於常州下之十二月復爲
孫儒所敗大順元年秋顏屯浙右懼儒兵盛焚浙右
營散于野二月春退軍黃池廣德與孫儒軍寨壘相
對顏兵屢戰多北會夏大雨儒營多墊溺避水而歸
是秋儒盡焚雜揚復濟師廣德十月顏率敢死士千
人夜襲儒將張景思沈策二寨破之擒黎而返十二
月顏與劉威大爲儒所敗行密怒盡奪其衆儒遂乘

勝逼城戴友規言於行密曰彊敵匝壘不用田顏恐
非長策行密遽復起之明年六月盡破賊寨顏親與
其下范文感等臨陣擒之秋行密歸淮海表顏寧國
軍節度累遷檢校太保同中書平章事乾寧三年夏
同安仁義破越之蘇州光化末馮宏鐸以樓據自將
介守上元顏以厚利購得其工令速成大艦工曰馮
公每一舟必遠求楫楠旣成數十歲爲用餘木性不
禁水非久必敗顏云汝但以此地木造之吾只圖一
用不暇多年爾因而急就天復二年四月果與宏鐸
戰于曷山宏鐸大敗舉族奔淮海時以上元地歸行



密頤隨入覲會行密左右要賂者衆下及獄吏亦有私請頤愀然不懌謂所親曰斯吏亦欲吾下獄哉頤方求池歛爲屬郡行密復未之許頤意望素高由是愈不能滿及回指維揚南水門云此門不復經入矣初行密克定江淮方撫循百姓而頤與安仁義朱廷壽皆猛鷲驍果以攻取爲務行密憚其難制每抑之是秋錢鏐幸臨安其下許再思徐綰以餘杭外城叛召頤爲應鏐得夜從水路入保子州時頤圍之愈急鏐屢遣間使求哀行密行密亦以頤若得志杭越爲患必深不若存鏐別圖進取因召頤歸鎮鏐復輸錢

二百萬貫以元瓘爲質頤始旋軍自是財富兵盛復以取杭越垂下爲行密所召乃與錢鏐和親反意遂決三年秋頤與潤州安仁義同叛初召其謀將康儒議多忤意行密因而間之遣使授儒廬州刺史頤果疑儒私納款遂族儒先是行密遣李神福攻武昌及頤反行密急召神福旋師頤聞之復以兵襲上元劫神福子承鼎遣喻意云苟見機從吾事平之後當分地以治別命將汪建以樓擄踵其後神福不顧叱左右射承鼎以誓諸軍明日大破建於吉陽磯頭聞建敗自督親軍求戰神福收兵皖口際水爲堅柵是時



行密別遣臺濛王茂章率步騎以往顧復委舟師于
汪建王壇自出廣德迎戰大爲臺濛所敗遂率殘衆
遁保宛陵壇建聞其敗因盡以舟師歸疑於行密十
二月顧出外州柵疾戰橋陷馬墜爲外軍所殺時年
四十六顧母老行密哀而捨之初顧與行密微時約
爲兄弟渥渭俱以子孫禮事其母顧善撫將卒通商
惠民復疎財愛樂文士時遊其門者楊夔康駟夏侯
淑殷文圭杜荀鶴王希羽晚年楊夔知顧以兵賦自
恃將謀爲變因著溺賦以諷之顧終不顧以至於敗

卷一萬八千一百三
十四第五頁至六頁

安仁義

仁義沙陀人初事李國昌於塞外以過奔河南隸秦
宗權軍中光啓三年擢爲馬軍指揮使從宗權弟宗
衡攻維揚及宗衡遇害復奔行密行密得之甚喜盡
以騎軍委之列在田頌上文德元年從行密破趙錙
于曷山與頌攻杜稜于常州破之大順初梁祖遣將
龐從率衆十萬至高郵孫儒盡衆禦之行密乘虛襲
據浙右命仁義率衆敗儒將劉建鋒於武進儒復渡
江陷蘇州自是與儒春夏鬪黃池秋冬戰廣德儒軍
竟以衆勝圍行密仁義於宛陵時儒亦久戰不決貽




書仁義敘舊款密欲令行密猜間之行密待遇愈至
辟爲行軍副使俵前馬軍都指揮使景福元年行密
仁義及田頵背城晨戰儒軍大敗破五十餘寨以功
奏授檢校尚書左僕射潤州刺史仁義蕃姓好貨雖
凋弊之後科斂尤急初儒之亂士庶多奔豫章及諸
郡平流者皆復行密皆以循吏守之唯浙右人聞仁
義所爲相與嘆曰獨吾郡乃得蕃人以是多無歸者
天復三年仁義遣衆盡聞東塘戰棹結連宣州田頵
以叛潛兵襲常州刺史李遇設伏於路率兵前戰因
極罵仁義仁義止其衆曰遇何敢辱我至此是有伏

兵也偵之果然仁義戰久而敗遇因襲之至夾崗仁
義立二幟於崗上乃解甲而食無敢追者行密遣王
茂章李德誠攻仁義仁義不毀濠梁常開門出戰與
茂章對敵無不先告所中而後射之故諸將多挫銳
而止以是歷年不能破天祐二年仁義之衆漸寡自
度終不濟乃擁其家屬登城樓外衆無敢登者呼李
德誠謂汝最福人可以委吾命擲去弓矢令德誠執
之父子俱斬于廣陵市

卷一萬八千一百
三十四第八頁


朱延壽

延壽廬州舒城人行密之妻弟也美姿容未冠時事



行密從征秦畢孫儒皆以摧堅陷陣受賞行鎮維揚
授延壽以扞城之任時軍中多盜行密方務寬恕求
得士伍心知延壽好殺每捕至者必併所盜物遺而
貫之乃誡之曰慎勿使延壽知旣而密報延壽復俱
擒殺之乾寧初黃州吳討歸欵遣延壽援之徇地蘄
陽而還從圍壽春城堅不可拔將捨之延壽請以所
部試往臨城一舉而破城中市不易肆以功署淮南
節度副使壽州刺史明年取蘄光二州以功遷團練
使四年從征葛從周於泮河敗之是後梁將屢寇淮
上延壽每開關延敵未嘗敢逼天復初北師擁駕昭

宗聞延壽有武幹遣李儼間道齎詔授延壽蔡州節
度使令促行密與諸道犄角共誅梁祖會鳳翔圍解
而止田頔安仁義結構延壽叛將分地而治行密憂
形於色即詐爲目疾每接延壽使必錯亂所見以示
之嘗誤觸楹柱而朱夫人救之良久始蘇因泣曰吾
今喪日軍府事大兒子輩俱幼不若得三舅代治吾
無憂矣夫以遂以書召之延壽不疑遂來覲行密迎
至寢門使人刺殺之年三十四出夫人嫁蘄州刺史
石旆旣而朱瑾入賀行密曰彼二大賊不足憂惟憂
此小賊今得之無事矣延壽善用兵有鈴畧好以寡



擊衆不勝敵而返者無不盡戮之嘗與梁人戰遣衆
二百持大劍而往內指一卒雷之卒曰願攻賊自效
延壽亦斬之其令出必行皆此類也性疎財每得賞
賜皆分賚將士李昇建國以延壽子鄴列于環衛復


其官爵

卷一萬八千一百
三十四第十頁

徐溫


溫字敦美東海朐山人少無賴入羣盜中以販鹽爲
事中和二年行密起合淝遂隸帳下爲伍長常從行
密征討先登陷陣敵人畏之及平秦彥虜趙錞敗孫
儒溫皆有功奏授衙內右直都尉左長劍都虞侯又

從平濠泗有功授隨身都知兵馬使檢校工部尚書
天復三年昭宗徵兵入援行密將赴之議以戰艦運
糧溫曰此水入吳舟楫不敢南行岸谷旣變葭葦必
深必不繼矣遂令以小艦易之師次宿州重載不能
進士卒甚飢惟小艇先至一軍賴之行密嘉之由是
參預謀義討安仁義于京口諸軍瀕戰不勝行密遣
溫率兵援之溫至城下盡易新製衣服旗幟悉用舊
者仁義不知如常而陣溫乃麾軍奮擊遂敗之朱延
壽入覲行密聞其來慮有內應召溫歸陰爲之備旣
殺延壽營中果亂溫奮劍大呼斬其首惡者部分遂




定既誅三叛以功授尚書右僕射廬州刺史隨授右
衛都指揮使天祚二年行密疾病渥出鎮宣城將行
溫謂渥曰公有病而令嫡嗣出外必姦臣爲之不可
不防他日有徵召非王令某手書非某之外幸勿應
命也渥泣謝而行後行密問後于判官周隱隱以劉
威對諸將皆無言溫進曰宣州既賢且長國之令嗣
不可廢也乃召渥歸行密疾甚召溫與左衛都指揮
使張顥同受顧託渥既嗣位憤大臣擅權政非已出
乃置東院馬軍置立親信以爲心腹溫與顥頗忌之
故顥將圖弑逆溫知其謀而無所諫止但引嚴可求


與之計事顥既弑渥白溫議分國兵共歸疑于梁祖
溫僞許之乃與可求謀使鍾章姚克瞻程思忠等入
殺顥溫稱疾不朝嚴兵於第以防不克是日章等斬
顥渥乃入悉收賊黨紀祥等誅之遂兼左右衛事無
大小皆專斷始立制度嚴兵明禁人漸安堵溫謂可
求曰大事定矣與公等克已行善政使人家解衣而
寢於是聞者莫不感激渭叢位遷溫昇州刺史淮南
節度副使七年起復檢校太尉潤州刺史浙西觀察
使內外馬步軍指揮使是時大臣劉威陶雅李簡之
徒皆與行密同起義勲高任重溫以一旦之功起居



其上皆內意不服李遇嘗謂人曰徐溫何人吾素所未識而遽至此豈可入覲耶乃密議誅溫溫知其誅遣柴再用討之遇出降遂夷其族於是雅等始懼而來覲溫盡禮事之如見行密雅等乃安中外遂定以平李遇功加平章事遷行軍司馬領浙西節使十二年溫請就藩以治舟師乃加浙西招討使封齊國公以金陵京口毘陵宣城新安池陽六郡爲都督府溫以金陵形勝之地乃大城昇州建大都督府十四年溫徙金陵形勝以第三子知訓爲淮南行軍副使留廣陵以輔政十五年知訓爲朱瑾所殺以長子知誥

爲代焉時中朝多事南北道絕諸將分守郡府雖尊奉盟主而政令征伐多以便宜從事溫以都統權不足臨制乃定冊建吳國改年武義稱制拜溫大丞相封東海郡王越人攻常州溫率衆拒之戰于無錫大敗越軍越人多舟師是歲旱江河皆竭諸將白溫曰此天亡越之時也可盡軍徒之勢一舉而滅之溫曰天下紛紜民甚困矣錢公亦未可輕也若連兵不解方爲諸君之憂今戰勝以懼之戢兵以懷之其勢不得不使兩地之民各保室家吾輩亦高枕爲樂豈不快哉多殺何爲乃遣使盡以俘歸之於是越人請





順義三年後唐莊宗滅梁始通使於朝五年封溫東
海王賜車輅黻冕七年十月卒于金陵年六十六追
封齊王謚忠武卷一萬八千一百三十四第一頁

九國志卷四

南唐

烈祖以晉天福二年受吳禪至後主煜乙亥歲國滅蓋宋開寶八年也歷三主凡三十九年

烈祖

姓李名昇字正倫小字彭奴徐州人初為徐溫養子冒姓徐氏名知詰吳太和二年初溫位天祚元年封齊王三年受禪改元昇元國號齊尊溫曰太祖武皇帝昇元三年二月丁亥改太祖廟號為義祖已卯改國號

高皇帝廟號

曰唐復姓李氏更今名七年二月庚午薨年五十六謚曰光文肅武孝

烈祖葬永陵

高皇帝廟號

元宗

名璩字伯玉初名景通昇長子昇元七年三月己卯嗣位改元保大十五年改元中興是年臣屬於周奉正朔蓋周顯德五年也宋建隆二年六月己未


後主

道崇德文宣孝皇帝廟號元宗葬順陵

實八年十一月宋將曹彬滅其國後主降太平興國三年七月辛卯薨年四十二是日七夕也贈太師

封吳王葬洛陽北邙山

宋路振撰



順義三年後唐莊宗滅梁始通使於朝五年封溫東
海王賜車輅黻冕七年十月卒于金陵年六十六追
封齊王謚忠武卷一萬八千一百三十四第一頁

九國志卷四

南唐

烈祖以晉天福二年受吳禪至後主煜乙亥歲國滅蓋宋開寶八年也歷三主凡三十九年

烈祖

姓李名昇字正倫小字彭奴徐州人初為徐溫養子冒姓徐氏名知詰吳太和二年嗣溫位天祚元年封齊王三年受禪改元昇元國號齊尊溫曰太祖武皇帝昇元三年二月丁亥改太祖廟號為義祖已卯改國號

高皇帝廟號

曰唐復姓李氏更今名七年二月庚午薨年五十六謚曰光文肅武孝

烈祖葬永陵

高皇帝廟號

元宗

名璩字伯玉初名景通昇長子昇元七年三月己卯嗣位改元保大十五年改元中興是年臣屬於周奉正朔蓋周顯德五年也宋建隆二年六月己未

後主

道崇德文宣孝皇帝廟號元宗葬順陵


實八年十一月宋將曹彬滅其國後主降太平興國三年七月辛卯薨年四十二是日七夕也贈太師

封吳王葬洛陽北邙山

宋路振撰

本舒州宿松人漢南郡太守瑜之後祠廟隴畝皆在子孫守故土者猶數十戶本少孤貧嘗在田里獨格猛虎唐末大亂投楊行密軍中以勇敢聞常先登深入蒙犯矢石身無完肌及歸營自燒營鐵烙其瘡飲啗言笑自若軍中猛將皆服之累遷淮南馬步軍使天祐五年楊氏始得江西撫州刺史危全諷率諸郡兵十萬來爭其地屯于象牙潭楚人取高安爲之援江南守將劉威告急判官嚴可求薦本可用時本從軍圍蘇州不克耻之稱疾不出即臥內強起之本曰蘇州之役非彼強我弱也蓋上將權輕下皆專命故

爾今必見用願無任偏裨可求爲言楊氏許之得選兵七千使救高安本曰楚人非欲取高安也爲全諷聲援爾若先敗全諷楚人必走乃疾趨象牙潭劉威要之宴犒不留或曰賊勢甚盛宜審觀形勝計定而後進何其遽也本曰賊有十倍之衆使吾軍知之必將奪氣須乘其銳而用之既至指授諸軍戮力急攻大破其軍擒全諷諸郡之兵皆潰楚人果遁吉州刺史彭玕信州刺史危仔昌棄城走於是江西之地始定以本爲信州刺史越將陳璋據衢州歸歛越人圍之本受命以兵迎章既至越人解圍陣于城下以其



衆來奔裨將呂師造曰賊去我咫尺而勒陣不動是輕我也必擊之本曰吾受命迎陳使君陳君今在此吾事訖矣何爲復戰且彼近而不動必有以待我也擊可勝乎待其先動擊未晚也璋亦以爲然乃還越人躡之至中道宿半夜伴驚棄輜重走先設伏於道左越人急追至伏所前後夾擊盡殲其衆越人累至皆敗之唐莊宗入濟陽吳遣司農卿盧蘋使于濟陽莊宗問吳之名將存否而本預焉由是召入爲雄武統軍出爲壽州節度使移鎮廬州拜太尉中書令封西平王本不知書而愛重儒士賓禮寮屬不撓其權

吏民愛之性純樸伎藝無能者唯軍旅之事則如夙習烈祖將受禪徐玠周宗等以本及李德誠皆位望隆重故諷之以爲推愛戴之首本以昏耄仍不知時變皆少子祚左右其事時吳宗室臨川王濛廢處歷陽聞將受終乃殺監守者與親信二騎趨詣本將見之祚固執不可本怒曰我家郎君也何不使我一見祚閉中門拒之濛被殺矣吳室遂移本隨衆至建康勸進由是悔恨數月而卒子鄴有戰功亦至廬州節度使



九國志卷五

宋路振撰

吳越

以唐乾符二年起臨安至宋太平興國三年忠懿王納土歸朝凡三世五主有國九十八年

武肅王

杜錢名鏐字具美杭州臨安人唐乾符二年年十四起兵討賊厓事四朝累加天下兵馬都元帥開府儀同三司尚文尚書令兼中書令上柱國吳越王後唐長興三年二月庚戌薨年八十一

文穆王

名元瓘字明寶初名傳瓘鏐第七子後唐長興三年四月己未嗣位先是鏐以中原喪亂於梁開平元年改元寶私行境中凡改元四天寶十六年寶大二年寶正六年至是以遺命用藩鎮禮仍遺中國年號在位六年於晉天福六年八月辛亥薨年五十五勅諡文穆葬于園

忠獻王

名宏佐字元佑元瓘第六子晉天福六年九月庚申嗣位在位七年於晉開運四年六月乙卯薨年二十勅諡忠獻葬于龍山之西南原

忠遜王

名宏傑字隆道元瓘第七子晉開運四年六月丙寅嗣位是時猶稱契丹會同十年閏七月漢以宏傑為吳越王遂遵正朔十二月晦丙


牙統軍使胡進思等作亂劫幽衣錦軍傳位于弟宏傑居東府

二十年始薨年四十四諡忠遠以王禮葬會稽秦望山之原

城龍山之原

諡文穆葬于園

城龍山之原



忠懿王

名俶字文德初名宏俶元瓊第九子漢乾祐元年正月乙卯嗣位宋開寶九年正月入朝四月歸國太平興國三年納土歸朝賜居禮賢宅端拱元年八月二十四日薨諡忠懿以

自箏鼓吹葬于洛陽縣之賢相里陶公原

杜建徽

建徽字延光新登人父稜廣明中爲鎮海軍節度副使歷常潤二州刺史兩浙行軍司馬黃巢之亂稜歸鄉黨保聚徒衆得千餘人號武安都鏐與董昌起兵石鏡及平劉漢宏其衆漸盛稜謂諸子曰吾每責人不過十罰則爲之傷心竊觀錢公每臨斬決皆談笑自若成大事者必此人也遂率衆歸附於鏐光啓中從征薛朗以稜爲常州刺史尋遷潤州乾寧中安仁


義逼東陽命稜率師討之仁義宵遁鏐平宣州以其降卒隸中軍號武勇爲腹心稜常患之密遣人白鏐曰狼子野心稜觀武勇都士卒終非大王所蓄願易之鏐不聽及徐綰叛鏐思稜言遣祭其墓建徽少彊勇不與諸昆弟類嘗自署軍事押衙稜聞之頗加詬責建徽出顧左右而嘆曰大丈夫何止一軍校耶後隨稜歸鏐稜治常州爲淮人所攻建徽率兵馳赴父難未及境而城已陷遂還新登後稜自淮軍南歸軍中嚴整無改稜甚嘉之累從征伐未嘗介甲所至輒有功軍中謂之虎子乾寧初從征董昌流矢貫臂而



戰不輟開平中從征姑蘇與敵遇于河河梁斷策馬
徑渡及岸而馬斃因葬之至今馬塚存焉徐綰之亂
建徽率所部自新登來赴難或有勸鏐東保會稽者
鏐未之答建徽按劍叱之曰事若不濟當同死于此
誰敢東渡耶鏐甚壯之睦州陳詢叛建徽之姻也鏐
疑建徽不言俄有睦州聽吏來降持建徽所遺詢書
以示鏐皆戒勵勸亂鏐大嘉嘆賜建徽錢百萬從兄
建嘗諧建徽言其第中蓄兵伏將爲異圖鏐遣人密
視之一日建徽方食堂上使者至徑抵臥內建徽但
食不顧鏐感悟益加殊待性儉率出入導從不過數

人凡得賜予皆散施鄉里親族每朝使至鏐與之宴
必指建徽以示之曰此杜丞相今日至此皆其力也
其孫昭達爲宏佐內都監使盛治第宅建徽曰乳臭
兒不安諸事乃爾後昭達果以罪誅嘗從擊鞠于廣
塲盤辟大呼舊所中箭鏐忽自臂中迸出人皆壯之
初稜之將死也散財物於諸子至建徽但得一笏謂
曰此所吾秉者唯汝能保之建徽自授節鉞至于丞
相封勳國公皆奏授朝命子弟多至二千石連姻公
室人稱其盛乾祐三年卒年八十八

卷一萬八千一
百三十七第二



鮑君福

君福字慶成餘姚人少羈貧性淳厚有膽勇餘姚有井面濶丈餘橫以雙梁水深不可測君福每醉必寢其上及從軍以驍勇聞初事劉漢宏及鏐東討乃率其黨來附號曰歸明都累從征討有功能馬上輪兩劍望之若飛電沈默少語軍中謂之鮑不閤准人寇三衢以君福爲應援使屬刺史陳璋叛准人入其城揚行密令其將李元嗣監守君福署以郡職君福不受鏐聞之恐其被害也乃密與絹書令其就職君福竟拒之一夕與元嗣飲伺其醉而煞之奔歸錢塘授

衢州刺史准人屢寇其境君福每擊破之及罷歸鏐勞之曰公在郡數年戰鬪而已豈爲優賢耶因復遣之任元瓘領清海軍節度辟爲副使同平章事兼侍中天福五年卒年七十七

卷一萬八千一百
三十七第二十一頁

成及

及字宏濟錢塘人祖克平唐嘉王府長史父貞國子博士及性純厚爲鄉里所知光啓初江浙兵亂及保聚於富春稱靜江都劉漢宏作亂及以所部兵從鏐討之漢宏平鏐宴犒諸軍北關鎮將孟安亂於席上拔劍將擊鏐坐中驚愕不敢動及徐起舉胡牀格孟



安仆於地左右因擒殺之以功奏遷散騎常侍靜江
軍都指揮使潤州刺史薛朗常州刺史丁從實叛鏐
命及討之破朗軍於陽羨進圍毘陵從實具牛酒以
犒之並遣美女於諸將及大怒曰我當菹醢從實而
食之今乃以酒炙女子悅我耶因盡索諸女斬之親
督諸將攻陷其城從實遁走以功奏授越州防禦副
使潤州刺史阮結卒命及代之遷蘇州刺史乾寧三
年淮人攻姑蘇常熟鎮將陸郢等以兵應之及不能
守遂降于揚行密入城閱府庫多圖書藥物由是重
之與歸淮南署行軍司馬及拜泣曰及以百口託於

錢塘姑蘇城陷不能引決豈忍更圖富貴願以一介
之軀贖百口之命乃引佩刀將自刺行密遽起執其
手因厚禮而歸之鏐迎勞郊外把袂以泣署鎮海軍
節度副使徐縮之叛從縮還至北郊鏐微服將入城
及代乘其車行與賊鬪鏐遂得入縮平奏授保大軍
節度遷彰義軍加開府儀同三司乾化三年卒年六
十七


十七

卷一萬八十一百三

顧全武


第十七卷第二十二頁

全武越州餘姚人少時嘗爲僧博通外學機警有才
畧鏐每延接與語甚器之及入都建國因辟令從戎



以爲裨將軍中號曰顧和尚討賊有功累遷武勇都
知兵馬使乾寧二年董昌據越州叛遣裨將崔溫李
蕙率兵屯石俟全武率衆擊破之臨陣斬溫蕙湖州
將徐應起兵以應昌與淮人圍嘉禾全武擊破其烏
墩光福二柵以屯西陵三年昌將徐珣李元賓據肅
清四封九卿之地全武自西陵擊破之珣元賓皆乞
降盡總其衆昌又遣裨將湯曰守石城袁邠守餘姚
全武自西陵趨石城與曰遇大戰石城東斬首千餘
級曰僅以身免去會稽三十里不敢出援復攻餘姚
袁邠堅壁自守昌遣將徐宣率兵援邠全武潛師斷

其要衝俟軍中過橫出擊之殺二百餘人擒徐宣翌
日袁邠以城降全武進軍圍會稽閔戰五雲門懸玉
帛以誘我師全武率勵諸將并力擊之昌懼退入城
中遷全武諸軍都虞侯東面都知兵馬使遂攻五雲
門時淮城臺濛陷姑蘇鏐欲遣全武屯西陵以備北
寇全武曰賊之根本繫於越州豈以失一姑蘇而遂
援大衆耶當先拔越州後復茂宛未爲晚也鏐從之
俄而越州陷執董昌以歸奏加全武檢校太保明州
刺史四年與沈夏許再思率師由海路以赴嘉禾諸
將欲緩入全武曰嘉禾圍閉久矣莫知我之勝負宜



連往慰之因倍道而進城中見我軍旗幟皆稱萬歲
全武與昌將李宗禮頓全戰於城外大破之獲頗全
宗禮以歸餘衆遁去俘千人以歸嘉禾平時吳將田
頌守吳興聞之亦遁去全武追襲百餘里斬馘沈溺
者千計遂督衆復蘇州吳將臺濛棄城遁走時淮軍
屯崑山全武擊破之擒吳將秦裴光化二年加贊思
去偽功臣天復初淮將李神福攻衣錦城鏐遣全武
率兵禦之全武素輕神福領衆夜掩其軍爲神福所
敗執全武送于淮南鏐方食聞之大驚以七擊案曰
喪我良將二年楊行密遣使來求秦因歸全武鏐大

喜以秦裴報之是歲徐縮許再思叛圍外城鏐懼縮
據會稽將令全武領兵屯越州全武曰東府不足往
當詣邗溝鏐曰何也全武曰縮急必召田頌來則淮
南興師矣鏐乃使全武行成於吳全武又曰獨行必
不濟請擇諸公子與之同往鏐乃以元璠嫂楊氏與
全武俱行至廣陵楊行密乃遣使召頌還師明年全
武與元璠同歸長興初以疾卒年六十五全武寬裕
有謀善撫士卒喜怒未嘗形也每大敵在前鼙鼓動
地分布行陣頤指口授怡怡如也嘗圍淮將秦裴於
崑山裴援絕不降頗殺傷士卒全武自爲長檄以諭




裴裴乃封函納款全武喜召諸將觀之既發函乃佛
書一卷蓋以全武爲僧也諸將失色全武大笑曰爾
不旣死何暇相謔也乃裴降乃爲言於鏐卒全活之
時人稱其長者

卷一萬八千一百
三十七第二十一頁

黃晟

晟明州鄞縣人少伉勇始應募於望海鎮中立表以
選魁梧者晟以姓陋不中選隸都虞侯林膺膺甚倚
之後潛歸鄞江募衆據平嘉埭權知州事楊僕召補
平嘉舖將有衆千餘人初劉漢宏以台州賊婁文知
明州事僕率衆擊破之其黨杜宗自寧海鎮率鄉豪

據奉化晟自平嘉以所部擊之擒杜宗赦而不殺盡
驅使還台州獲其粟帛悉屬於本道遷飲飛都副兵
馬使徙奉化鎮將餘姚鎮將相嘉率衆侵越州董昌
禦之不利晟領兵追嘉殺之昌奏授晟左散騎常侍
充浙東道東面副指揮使會明史刺史鍾季文卒晟
遂據其郡晟好禮尚文士江東儒學之流多往之前
進士陳鼎羊紹素以爲賓介頗加優待築居于城中
謂之措大營董晟將僭竊晟每移書諭之乃鏐舉兵
乃率衆來應破越州晟功居多在任十八年開平三
年卒時屬郡刺史卒多遺疏請立其子晟疾亟獨上



疏不請以子爲嗣凡府庫所蓄必題曰送鏐頗嘆其
忠順卷一第七第八千一百三

九國志卷六

宋路振撰

前蜀

高祖以唐大順二年入成都至後主咸
康二年國滅父子二世凡三十五年

高祖

姓王名建字光圖許州舞陽人會黃巢亂與鹿晏宏等西迎僖宗於
蜀時中和三年十二月也明年起行在僖宗以爲諸衛諸軍光啓二

年三月再西幸李昌符焚棧道幾斷建挫僖宗馬過煙焰中既至興
元命爲壁州刺史大順二年破陳敬瑄入成都爲西川節度使天復

七年九月建號曰蜀明年改元凡改元五武成三年永平五年通正
一年天漢一年先天一年共在位十二年於光天元年六月薨梁貞

明四年也年七十二諡曰神武聖文

後主

孝德明惠皇帝廟號高祖葬永陵
名衍字化源初名宗衍建第十一子光天元年六月癸卯嗣位改元


乾德至六年改咸康是年十一月後唐魏王繼岌破城出降時唐
同光三年也明年四月己丑

王宗裕

被殺于秦川驛年二十八

宗裕建之宗屬幼從建入爲牙校善遁甲絕甘苦得

NATIONAL CENTRAL LIBRARY, TAIWAN, R.O.C.



疏不請以子爲嗣凡府庫所蓄必題曰送鏐頗嘆其
忠順卷一第七第八千一百三

九國志卷六

宋路振撰

前蜀

高祖以唐大順二年入成都至後主咸
康二年國滅父子二世凡三十五年

高祖

姓王名建字光圖許州舞陽人會黃巢亂與鹿晏宏等西迎僖宗於
蜀時中和三年十二月也明年起行在僖宗以爲諸衛諸軍光啓二

年三月再西幸李昌符焚棧道幾斷建挫僖宗馬過煙焰中既至興
元命爲壁州刺史大順二年破陳敬瑄入成都爲西川節度使天復

七年九月建號曰蜀明年改元凡改元五武成三年永平五年通正
一年天漢一年先天一年共在位十二年於光天元年六月薨梁貞

明四年也年七十二諡曰神武聖文

後主

孝德明惠皇帝廟號高祖葬永陵
名衍字化源初名宗衍建第十一子光天元年六月癸卯嗣位改元


乾德至六年改咸康是年十一月後唐魏王繼岌破城出降時唐
同光三年也明年四月己丑

王宗裕

被殺于秦川驛年二十八

宗裕建之宗屬幼從建入爲牙校善遁甲絕甘苦得

國家圖書館 NATIONAL CENTRAL LIBRARY, TAIWAN, R.O.C.



將士心大順二年與王宗祐克鳳州遷青衣刺史建
伐梓潼爲二指揮使建親督諸軍力戰宗裕必冒矢
石以掖衛之東川平諸將爭功宗裕口未嘗言戰謙
和接。下人皆服其沈寬爲東川留守昭宗下詔加以
眞命武成初召歸總成都城內外諸軍事其導從不
避成都尹崔隱隱懲其僕宗裕大怒入白建建曰京
尹五大長官汝有識之士也不能教戒參從反令我
責大尹耶宗裕僴俛而出再爲東川節度使副大使
班白者携幼以迎於道封通王永平初建興師取秦
鳳州再至縣谷宗裕饋輓貢獻道路相望建以其盡

瘁明年乃改東川爲武德軍以宗裕爲節度使宗裕
旣秉旌鉞遂貪冒財貨以白金百兩作鉗鑄記年月
每五鉗爲一束以生半革裘之子諫曰牛革着物堅
確後難可開宗裕叱之曰何更開也罷歸衍慰諭久
之自謂功高以征伐爲己任築第城中頗侵損民舍
有酤者青陽家不徙去宗裕遣人以巨虺寘其舍中
復投以溲穢酤者將訴於建宗裕懼而止又於郊外
開廣林莽壤握邱墓立亭榭鑿池沼樹花木携妓縱
酒爲樂一日方醉坐軒檻中見數人衣冠甚偉謂宗
裕曰與君幽顯異路何相陵太過因相顧大笑宗裕




亦笑遽仆於地寢疾不數日卒

卷一萬八千一百
三十六第一頁

王宗壽

宗壽建宗人之子幼從征伐警悟有機辨好琴棋篇
什方術皆臻其妙建入蜀奏署懷節軍使以所部鎮
遏江原縣嘗於許汝間得一鐵鏡晦不可鑒屢令工
人瑩之了無所睹著巾奩中有日矣至是忽覽之光
采煥發因見市舍中一小兒青衣卅角獨至宗壽異
而使人召之小兒曰何以知我至此宗壽以言怛之
不懼因曰我與鐵鏡來耳公不見還神物終當化去
君以還我他年當有報也宗壽出鏡與之乃長揖謝

去後宗壽得辟穀行氣之術或謂小兒傳之乾寧初
建令率所部兵平南充遂知果州事安輯離散得郡
牧之體武成初封嘉王荆南高季昌略地三峡建以
壽爲忠州節度使兼行營招討使以鐵鑠斷夷陵江
季昌戰艦不能進宗壽禦之大敗荆人季昌奔歸以
功加中書令宗壽性方正樂於貞退自歸成都以飛
鍊自娛與孟繼平許寂楊珍爲入室清談之友未幾
爲金吾上將軍持法平正院吏周郃受贓鬻獄宗壽
捕鞠得其實郃以重貨求救於大閹爲解宗壽不聽
竟棄郃市建討鳳翔以宗壽爲第三招討使取陳倉




衍襲位宗壽請閑久之衍沈酒色時宣華苑初成數
長夜飲宗壽在坐衍請以社稷爲念少近杯酌因感
激流涕佞臣潘在迎顧在珣韓昭等奏曰嘉王酒悲
無怪也乃大爲譖詆而罷後起爲武信軍節度使破
雞子槽賊擒其魁李茂章請納賂以求免宗壽曰吾
歷官四十年未嘗受同寮之遺况爾賊乎遽命斬之
唐師入境郭崇韜遣使遺宗壽書宗壽不納聞衍降
乃治裝赴闕時衍先次支陽宗壽請于李嚴求謁衍
衍見之泣下曰早從王言豈至今日及衍遇害奔入
熊耳山依定林寺明宗即位詣闕自陳賜與甚厚授

保義軍節度使行軍司馬上表請葬衍許之初衍至
秦川驛母妻及子弟遇害者十八人並藁葬道左至
是宗壽盡易棺斂縞素徒步親自營護偕葬於三趙
村聞者義之明年授淄川刺史卒

卷一萬八千一百
三十六第二頁

王宗鑑

宗鑑建從子也以偏裨從征建入閬州署都知兵馬
使從征東川有功遣廣都鎮遏使天復中僖宗反正
建令宗鑑以所部兵奔問行在授北路第二班馬步
軍排陣使建親征山南以宗鑑爲御營使師還留屯
平利時爰將劉知俊等繼領大軍分路來攻由偕成




路奪固鎮糧宗侃唐襲等禦之至青泥嶺為知俊所
敗退保西縣會大雨漢江漲宗鑷自羅村得鄉導緣
山而行數百里與宗播遇于鐵谷合軍出湯頭時知
俊自斜谷山南直抵興州圍西縣軍人散掠巴中宗
鑷與宗播襲之會建亦至遂解西縣之圍以功遷山
南節度使同平章事從征秦鳳遷中書令行襲僞位
加太保乾德六年卒

卷一萬八千一百
三十五第一頁

王宗佶

宗佶豫章人本姓甘氏幼穎利建討徐堂舉於江西
獲之憐其慧黠是時諸子未生遂收為養子每給事

帳下後從建入閬中隨諸將征討有功補貔虎都指
揮使遷嘉州刺史乾寧中建克縣州以宗佶為兵馬
留後尋加檢校太傅知節度事未幾移鎮梓州昭宗
幸鳳翔建遣宗佶與宗滌等率步騎迎駕至山南降
節度王萬宏以功加檢校太尉武成初進爵為公拜
開府守中書令宗佶恃其位隆地長頗專征伐而諸
將皆避之多樹朋黨策勲錄舊高下在心附順者起
擢違戾者擠之散地及宗懿等兄弟成長內不自安
遂與御史中丞鄭騫判官李錮謀求為方鎮欲為亂
建知之因進封晉國公罷其機務宗佶憤怨陰養死




士出入臥內將圖不軌鄭騫等又教宗佶求為大司馬盡總六軍并乞為儲貳表連上而辭甚不遜建未之罪也忽一日請對言詞甚悖建勉諭令出終不肯去因叱衛士撲殺之騫鋼並賜死卷一萬八千一百三十六第八頁

王宗翰

宗翰建之姪子也本姓孟氏建為神策軍使僖宗封其姪為晉國夫人宗翰最被親愛建入蜀以宗翰為拱辰軍使累遷眉彭二州刺史封集王賜姓王氏授文成等州招討制置史宗翰好蓄妓妾後庭綵翠常百餘人性殘虐吞書刺彭州日部民史有胡讓莊號

為沃饒宗翰殺史氏而取之元膺之亂以兵入衛建令安撫元膺倉卒而死建疑宗翰殺之竟無以自辨通正初授通義軍節度使同平章事守興元尹以杜堯嗣為之佐令規正焉宗翰於泉倉置寨於捍龍山與上清寨相接分鄉兵屯守建略地秦隴以宗翰為第一招討使拔大散關取陳倉耀兵三壘而還宗翰所為不法堯嗣多諫止之及為招討使請堯嗣同行至大散關堯嗣腹疾請歸府乃以木皮店沿流而去宗翰令以膠船載之中流而溺天漢元年宗翰被病若見堯嗣既而堂宇藩溷隨其大小皆堯嗣在焉疾




遂至數日卒

卷一萬八千一百三十六第二頁

宗滌合王宗滌

宗滌潁川人本姓華名洪建將入蜀募勇敢之士以宗滌爲鹿將宗滌奮力驍果輕財好施爲士卒所推得隸神策軍爲小校建入成都以宗滌領前鋒兵奪星宿寨進攻七里亭以功奏授威信都指揮使邛州王行瑜與鳳翔李茂貞攻揚守亮於山南鳳州節度使蒲存禦之爲茂貞所敗存與守亮退保山南茂貞逼之因同奔閬中建令宗滌率兵禦之破存等衆斬其將梁承裕俘數千人景福元年授邛州刺史爲都

指揮使攻九隴守亮遣將符昭率兵解九隴之圍直趨成都營三學山建亟召宗滌歸夜至古城去昭營數里乃多設更設鼓遲明益張旗幟徧諸山谷昭疑蜀師不敢出戰宗滌命發機石擊昭營中聲震山谷昭恐懼乃夜遁去宗滌命攻九隴拔之後從建攻梓州宗滌以衆五萬先趨東川與芟將李繼徽遇於元武宗滌擊敗之以功賜名五十三指揮之首梓州陷斬顧彥暉降其兵七萬餘衆遂以宗滌爲東川留守先化初奏授東川知節度副大使事二年歸覲遂以疾乞解職建不許昭宗反正梁祖與崔允叶通盡誅



中官更相引兵輦轂之下咫尺不通昭宗密遣中官
仇承坦諭旨於建建遣宗滌與宗佶宗播率步騎迎
駕至山南逐王萬宏據其城授山南節度宗佶等以
其功高遣以飛語建疑之因至詰讓將加之罪宗滌
對曰天下寇盜平矣是大王聽邪說誅功臣之秋也
建曰昨在大謾天寨中已有不軌之言矣我念汝之
勤尚爲隱忍今又狂妄如此豈憲章之所容也宗滌
不顧而起建因令人監歸本營明日盡削奪官爵流
於松州既行縊之于城外營中將士聞之皆相對掩
泣初建開國造瑞門新樓名曰采繪既畢都人士女

競往觀之曰看畫紅樓建以宗滌得軍情復有是讖
故誅之人稱其寬

卷一萬八千一百
三十六第五頁

王宗侃

宗侃許昌人本姓田名師世爲鄉豪隸名忠武軍籍
建爲部將奏署宗侃決雲都兵馬使光啓中田令孜
逼僖宗西幸道出陳倉建率宗侃同扈蹕又從建起
關中賜姓名討陳敬瑄敬瑄遣漢州刺史張頊領萬
餘人來逆戰宗侃擊破之敗句惟立於學射山韋昭
度來鎮西川敬瑄遣將山行章將兵六萬拒戰宗侃
破之於沅寨縣州刺史常厚奪留東川顧彥暉旌節



建令宗侃討之破其七寨厚奔緜谷奏授宗侃雅州
刺史遷眉州團練使未幾授武信軍節度使建開國
以宗侃有佐命功進侍中城內外都指揮使尋加中
書令充北路行營都統岌將李彥琛寇漢川宗侃保
安遠城與宗鍼等三將同破岌軍斬彥琛衍襲位封
宗侃為魏王卒年六十六子承肇入洛為行軍司馬
卷一萬八千一百
三十六第六頁

王宗瑤

宗瑤字寶臣燕人也本姓姜名郅以騎射隸許昌軍
籍中建擢為隊長建迎駕山南宗瑤以勇伉得隸左


神策軍能馬上盤槩長丈八尺每臨陣馳突人望而
畏之遷威猛副兵馬使建入閬州為先鋒十九都都
頭左威猛都知兵馬使賜姓王氏更今名軍至緜竹
誘諸蠻酋帥蹇諫等得其_手數千人破常厚授蜀州
刺史昭宗幸石門詔建赴難以宗瑤為北路行營都
指揮使奏授嘉州刺史天復中授武信軍節度使建
開國加太子太傅後封臨淄郡王建病亟以宗瑤為
金吾使參預顧命衍襲位授太傅嘗自作高冢每暇
則酣酒高歌於其中無疾忽一日默坐而卒年六十
七人以為知死



王宗播

宗播字昌遠上蔡汝陽人本姓許名存少有膽勇秦宗權據上蔡召募豪傑以宗播為裨枝宗權為梁祖所破部下皆逃散宗播止抵荊州聞郭禹在歸州頗完聚得士卒心遂往依焉禹知其材令統青州元從兵三萬人時襄州兵圍逼荊州靜江遊奕將牟權領衆屯清江源據大山列寨諸營危窘宗播言於禹請討權於是伏兵清江岸中遣列校蔡行能捨舟直抵山下權素輕行營軍來戰行能遁歸舟中權盡銳逐之宗播發伏兵掩其後擒牟權收其軍寔以歸于禹

禹大喜俄而荆帥張環求救於禹禹宗播率岐州兵解其圍禹度環懦弱因據其城秦宗權上蔡別將常厚以數千人由支房來攻夔州刺州毛湘棄城遁走保白帝厚圍之禹與宗播以十權子兵寨于南山以攻厚厚令夔校韓楚言罵禹禹不勝其辱宗播請以壯士五十人夜斫其營上赤甲山揭巨石投厚寨中厚恐懼與百人遁去遂破其寨復取夔州毛湘奔成都禹令捕韓楚言犯薦其妻所殺矣先是楚言妻李氏語其夫曰君嘗為常司空罵郭尚書今寨柵危急鋸解之苦旦夕至矣不如早為之所楚言不忍曰且



看事勢李度楚言終不引決乃以刃自後斷其首并
殺二男一女曰無為他人所魚肉也遂自劉死禹聞
之大驚駭為給棺殮刻石以旌之番行軍劉昌美守
夔州與宗播浙江而上郡縣望風而潰號宗播為許
掃土禹至萬州賞功以宗播為萬州刺史宗播不得
志居歲餘禹遣人偵之見宗播不治州務但出蹴踘
乃曰萬州必背我勻脚力耳遣卒三百襲之宗播踰
垣夜遁遲明其衆稍至遂保豐都禹攻之宗播奔成
都建得之甚喜令其所部屯蜀州賜姓名奏授縣州
刺史建討王萬宏以宗播為前鋒破金牛黑水西縣

褒城四寨乘勝傳其城萬宏降以功奏授漢州刺史
加檢校太保建立位改金吾衛上將軍領彭州團練
使叟將劉知俊圍西縣宗播為四面招討馬步使夾
廉讓水置連珠寨首尾相應以勁卒二百出五動磴
擊之叟軍大敗遷武信軍節度使又敗諸蠻於潘倉
加兼中書令為三招討攻隴州降李繼茂封臨穎郡
王被病歸建至其第執手曰北面開拓公之力也行
襲位授太子少傅乾德五年卒年六十八

卷一百三十一

十六

宗播 王宗 鉢 李 度 楚 言 終 不 引 決 乃 以 刃 自 後 斷 其 首 并




宗鉢許昌人本姓李名武父裕為忠武軍小校鉢少
無賴善騎射建募義兵迎駕得宗鉢以隸帳下至岐
山屢有戰功署為隊長尋遷為裨將以勇過人號為
武子路建入蜀賜姓名常寔左右遇敵必獨挑戰挾
入奪馬而還遂為軍中所推建攻成都一日城內出
數騎直抵七里橋宗鉢因躍馬奪關子門蜀將宗行
能策馬援槊而至將及宗鉢佯墜馬奪槊以刺行能
徑走入城宗鉢逐之至門而還建慰勞久之撫背曰
吾得成都當宥汝死洎建開國授普州刺史性輕
率好貨恃勇不法未周歲以訟免官歸成都卷十一萬

百三十六
第七頁


王宗弼

宗弼許州人本姓魏名宏夫以家籍隸忠武軍建討
王仙芝尚君長皆在帳下建取閬中補義勇都十將
賜姓名及入成都改左驍騎都知兵馬使累遷嘉眉
二州刺史建征果州宗弼掠地于飛鳥為顧彥暉所
獲彥暉責之曰王公見討而君為大將不能諫正何
敢來見宗弼曰罪固當死但念平昔與相公有素故
敢來也彥暉笑而釋之先是岐將常厚攻梓州彥暉
乞援于建建造宗弼等援之臨行建謂宗弼曰汝等



破賊彥暉必犒汝汝當報宴俟彥暉至營中則擒之
俱來庶免後舉也宗弼如其約及將報宴而宗弼告
之彥暉遂以疾辭故宗弼以為言於是厚待宗弼以
為養子及彥暉兵敗建圍之蓋急彥暉弟彥瑤有武
勇知其城必陷請彥暉聚族沈飲自裁無為他人之
所魚肉一日城陷彥瑤仗劍入室宗弼與諸子尚在
彥暉顧宗弼曰爾非我子可自求生也因壞垣而出
彥瑤遂刃彥暉與諸子而自刎建入梓州宗弼束身
自歸建待之如故逾年復令將上軍再授嘉州刺史
封鉅鹿郡王天貞軍節度使衍襲位拜宮城內外都

指揮使判六軍事封齊王衍將往秦州宗弼曰唐兵
壓境秦州何可去耶又上表切諫衍怒擲之於地衍
次利州唐師已入散闕陷鳳州衍遂遣三招討屯三
泉以拒唐師未戰三招討俱遁走因令宗弼守緜谷
而誅三招討宗弼遂與三招討同送款於魏王乃遣
成都斬宋光嗣等函首送於魏王遷衍及母妻子西
宮貴戚納金寶進妓妾救死於宗弼者不可勝計微
有絀誤者咸遭戮焉盡輦內藏之寶貨歸於其家魏
王遣使徵犒軍錢數十萬宗弼輒斬之魏王甚怒及
王師至令其子承班齎衍玩用直百萬獻于魏王并



賂郭崇韜請以已爲西川節度使魏王曰此我家之物也焉用獻來魏王入城翌日數其不忠之罪并其子斬之於毬塲軍士敗其尸齏而食之先是蜀有謠言曰我有一點藥其名爲阿魏賣與十八子至是宗弼背國歸唐果其驗也

卷一萬八千一百三十六第七頁

王宗範


宗範本姓張氏幼喪父隨母周氏再適建爲九夫人宗範年十歲冒姓王氏及建開國立周氏爲后宗範沈厚寡言好延納名士親從軍晉暉以女妻之封夔王加太子少師永平四年黎州蠻入寇以宗範爲第

一招討使宗播宗壽副之乃以所賜金募果敢士出岷關至潘倉大破蠻衆斬其首領趙嵯政追奔至山口城與宗壽合殺八十餘人擒蠻王子趙龍眉等三人以歸加中書令後隨行入洛至長安張籤爲節度留後宗範以珍玩賂籤請復姓爲猶子易名師範後唐天成初王宗壽改葬衍師範來平贈宗壽不與齒後爲雍州行軍司馬卒

卷一萬八千一百三十六第八頁


周博雅

博雅潁川也唐光啓中爲龍州司倉叅軍考滿將歸闕以川路梗澁乃寓止緜谷建至博雅袖策謁建於



軍門建素聞其名一見忻然接待甚厚置之賓席博雅因說建曰唐祚將終有土疆者恣為吞噬以疆併弱然以僕觀之皆非濟世之具也明公御衆有術臨事能斷僕昨在龍州已為明公籌之矣自主上蒙塵明公親鞅乘龍匍匐棧道懷國璽以從周旋患難險阻之中勤亦至矣及論功受賞不過刺史今端守一隅坐待窘迫非君子豹變之象也且葭萌四會五達之郊非久安之地若不薄人人將薄我不如果閬地與民豪楊行遷為陳田之肘腋控扼要害不修職貢以明公臨之可一鼓而擒也得其地以廣形勝得其

士以增卒伍此策之上不可失也建然之遂取閬中之地乃奏署博雅為判官建赴成都為陳敬瑄所拒退無所保建甚危之博雅曰兵家勝負無常古者出師自非重晉重耳之賢豈有一戰而霸者今邛南城壁完粟支數歲取之可以斷蜀右臂願明公留意建曰吾少在戎行備知民意若無受鉞之將必謂自圖其利今欲命請朝廷命將出征吾當助成其事博雅曰善乃令博雅作奏牘朝廷嘉之下詔褒獎乃授韋昭度西川節鉞令與建同討敬瑄割邛蜀黎雅四州為永平軍節度使建壁靈池與王師戮力逾年會糧



TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color


Black

運不繼建欲請韋公班師因請博雅曰韋公歸闕我
當以兵塞劍門朝廷謂我何博雅曰今皇綱不振疆
臣掣肘朝廷命令不出閨壺當折節為軍民豈得顧
此也於是建乃請韋公歸闕而上表自陳急攻成都
克之奏授博雅觀察判官後出知渝州未幾詔加節
度判官遷嘉州刺史建開國召拜成都尹遷御史中
丞俄拜中書侍郎平章事建薨葬永陵博雅議山陵
事俄請老遷左僕射出為永平軍節度使雲南安撫
使依舊平章事卒年六十博雅名本詳犯孟知祥名
蜀史追改之

百三十六第八千一頁

晉暉

暉許州人父和為忠武軍列校暉少有膽氣杜審權
鎮許昌以暉為頭營十將從鹿晏宏迎駕至山南晏
宏遲留不行暉素與建相善謂建曰鑿駕將回晏宏
觀望不進而姑息吾輩甘心見誘苟不自圖去就禍
且及矣不如以所部兵為勤王之舉不爾為晏宏所
累且宮車反正以吾等為賊黨何面目行於天下建
然之遂俱行迎至三泉僖宗嘉之名其軍曰忠義以
暉為指揮使隸右神策軍及再幸褒斜復統南營兵
與建同為先鋒天子居梁暉統四都兵屯黑水修營



棧道往來無阻朝廷慮其疆盛因罷拱衛授集州刺史以散其朋聚一歲之中凡歷數郡蓋欲窘之也建圍梓州遂往會焉建以暉為壕寨使建開國授武泰軍節度使同平章事黔中郡縣多屬涪陵比部員外郎陳凝為涪州守以暉制銜中不帶涪州刺史遂不納牌印暉上疏歸之凝責授瀘州司戶暉招來通竄剷除蠹弊州民愛之罷上表請老日夕與親友宴談曠為娛嘗自言曰吾生罹多難學執干戈為求飽暖耳今至此復有何望我嘗拔王宗魯於行陣今致位將相女復為王妃矣分封宏農郡五年七十九

卷八

千一百三十六
第四頁

張造

造長社人父公素齊州長史造幼好兵家之學年二十應募隸忠武軍從鹿晏宏出征及晏宏據襄中心無回因與建謀曰吾輩遠離鄉土保聚無名今大駕將回主帥反側或隨其逃遁則皆賊也不如率衆拱衛以取美名建納之遣使上表僖宗驛召旌賞遂參翊衛隸神策軍及再幸襄中以扈從功授萬州刺史道阻不能去會建起兵閬中以造為行軍司馬廣漢糧盡建慮軍情有變謀各據一郡以自固造首唱大



義慰諭將士衆皆感悅龍紀初詔授行營諸軍馬步
都虞侯遷茂州刺史從建討陳田引軍攻笮橋爲朱
敬瑄所敗歿于陣年四十五建以其死事聞詔贈司
徒子彥昭爲感德都知兵馬使從建收巴西破葛佐
授建州刺史建圍梓州彥昭攻堅力戰歿于陣建痛
惜撫其尸以泣曰父死于前子繼于後忠勇之節出
卿一門矣


張勅

勅長葛人善撫步之學少隸忠武軍籍從討王仙芝
以勇敢稱建以所部迎駕署勅義勇都判官復隸神

策軍乃總占侯之要著太一元精秘訣歌七十一首
以獻僖宗竒之詔與建同列從建起關中破德陽寨
斬王彥儔時建屢爲山行章所困勅每臨陣拔槊蒙
輪殺十餘人敵爲之稍却奏署定信軍都知兵馬使
大順中與王宗保同破浣花寨建將入成都城中多
亡命不逞之徒建恐其搆亂乃令勅爲諸都斬斫兼
左右廂都虞侯以誘掖鎮撫之勅旣入城索無賴者
得百餘人悉鞭其胷死者相藉中外帖然不敢偶語
建即位歷眉邛二州刺史卒

卷一萬八千一
百三十六第四頁

李簡



簡許州長葛人少以驍勇隸忠武軍從鹿晏宏出征
有功遷爲列校建起閭中簡爲義勇都副兵馬使大
順二年陳田遣將毛犀浦簡以所部擊破之武定節
度使楊守忠與常厚舉兵援陳田令建簡逆擊之相
遇於鍾陽簡謂諸校曰賊遠來多疲及其未成列擊
之遂整陣鳴鼓而進連破其七寨斬首千餘級擒其
將揚知宥楊行立等獲其軍資甲馬不可勝計建攻
毛湘於邛州以簡爲前鋒晉原守任從誨領步騎二
萬銜枚奄至解邛州之圍簡曰賊輕而驕正可用奇
不勞與戰乃分步騎三千爲兩翼潛河村俟其半過

夾擊之從誨敗俘甲馬數千俄而邛州軍使任可知
斬湘以降建令簡入城慰撫景福中彭州部將李蕘
率兵焚繁雒以援常厚建令簡逆擊之臨陣斬蕘遂
進攻其城連拔七寨常遁走建獻捷于朝以簡爲邛
州刺史卒於治所

卷一萬八千一百三十六第五頁


潘在連

潘在連

潘在連

潘在連

在迎字亞卿前蜀樞密使炕之子身長六尺精神警
悟少任俠不修細行交結屠狗天復中起家節度押
衙王建開國以爲扈蹕軍使檢校司徒守羽林大將
軍內皇城使唐宸構難謀害宿將委在迎以腹心黜




者既行多以後命誅在迎妻徐氏后兄女也爲營護
之獲免行荒于酒色在迎與韓昭輩多預宴宮中自
昏達旦王宗壽泣諫行在迎等給以酒悲自是大臣
結舌無敢言者王宗壽鎮果州以在迎爲都指揮使
知州事渠江賊杜處齊招納亡命據巴王城在迎討
平之以功授果州團練使魏王繼岌平蜀補爲右職
知祥鎮成都復令典兵未幾出爲蜀州刺史董璋遣
使井鞫於郡中置邸回易在迎給事蓋仁達盜官麥
以逃誣告在迎因井鞫密餽金于董璋知祥命執仁
達送于蜀州在迎斬之壽令在迎以州兵撫後田乃


服藥下痢以疾告召歸知祥親臨問焉遂請致仕從
之嘗謂人曰我於前蜀有誅唐康安社稷功當合乘
旄鉞今連事霸王親不得命矣夫明德未
卒於成都年五十五在迎

至於權門要地悉啗以厚利曰未必盡仗之但其

冷語爾

卷一萬八千一百
三十七第一頁






國立中央圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.



季良字德彰濟陰人父允唐投款令季良幼習書史
長於史治尤擅騎射王擅聞其名研為保義軍亦度
推官楊師厚鎮鄆署元氏令徙魏州都

趙季良

後主

名和字任元初名仁智和字子明和之十七子初和後不仕父和
德元年四年改廣政五十八年宋趙匡胤自立和自號天德
六月也年四十七是封年五月崩


高祖

後主

後主


九國之卷七

後主



國家圖書館, NATIONAL CENTRAL LIBRARY, TAIWAN, R.O.C.

8794948 v.7



九國志卷七

後蜀

高祖自後唐同光三年入蜀至後主廣政二十八年國滅父子二世凡四十二年

高祖


姓孟名知祥字保州龍岡人晉王弟克讓壻也莊宗建號為太原尹同光三年破蜀以高成郡尹克劍南西人節度副大使明年莊宗遇弒明宗立加封太原公長興三年破董璋兼有兩川為蜀王明年建國政元明德

後主


名昶字保元初名仁贊知祥第三子明德元年七月丁卯嗣位不改元仍稱明德元年四年改廣政至二十八年宋將王全斌軍至城下出降五日至汴京六月也年四十七追封晉王葬洛陽

趙季良

季良字德彰濟陰人父允唐穀熟令季良幼涉書史長於吏治尤擅騎射王檀聞其名辟為保義軍節度推官楊師厚鎮鄴署元氏令徙魏州都督府司錄叅



國家圖書館 NATIONAL CENTRAL LIBRARY, TAIWAN, R.O.C.



軍後唐莊宗入鄴召見與語以季良有文武才略即授大理評事依舊司錄叅軍充義勝都指揮使軍中謀議多以諮之時兵革屢興屢屬邑租賦逋久一日莊宗召至切責之季良對曰殿下何時當平河南莊宗正色曰爾掌輿賦而稽緩安問我勝負乎季良曰殿下方謀攻守復務急徵一旦衆心有變恐河南非殿下所有莊宗斂容前席曰微君之言吾幾失吾大計自是益加禮遇遷興唐府少尹司錄叅軍如故嘗夢手御扶座自謂輔佐之象繇是頗述天時人事以諷莊宗深納其言及即位授光卿少卿兼洛南水陸


營田都制置使明宗即位遷太僕卿會宰相任圜兼鹽鐵事薦季良為判官明年授檢校戶部尚書為西川官告使兼三川都轉運制置使知祥素重其名一見遂悅奏留為節度副使累表不許會李嚴來為監軍知祥深懷疑慮乃誅嚴而署季良為副使天成三年明宗下詔徙季良為果州團練使知祥匿其詔書密上表留之明宗不能奪請允其請自是傾心接待情好欵洽或入謁稍晚知祥必顧左右曰副使來何遲也及至則讌語竟日每有謀議每不見從時朝廷以夏魯奇李仁矩分鎮遂闕季良言於知祥曰朝廷



增兵二鎮張犄角之勢將有不測之變也公處親賢
之地以忠信見疑儻失先機則禍不旋踵矣知祥曰
計將安出季良曰我甲兵雖衆然而勢孤易動請與
東川董璋合從先平遂問則朝廷兵至我無內顧之
憂矣知祥從之及王師出劍門而遂閬已平果無功
而還及捷書至知祥匿之謂季良曰北軍漸遁奈何
季良曰北軍至縣州已來必遁知祥問其故對曰縣
師千里饋運不繼彼勞我逸不走何待知祥大笑以
捷書示之及克黔夔二州以季良爲武泰軍節度使
董璋率衆入廣漢知祥領兵拒之季良留守成都制

置經度軍用無闕先是季良嘗與知祥從容語及璋
植性狼戾下多怨憤若監守一城攻之難克矣及聞
璋起兵知祥憂形於色季良曰璋不守巢穴自來送
死此天以璋公也俄而璋果敗加檢校太保明宗崩
知祥建號加特進守司空平章事宏文館大學士判
三司昶襲位加守司徒領山南節度使行興元尹廣
政九年卒年六十四謚文肅季良性寬厚居常無喜
愠之色母早亡事從母如所生季札季友皆從弟也
並致位清顯所上遺表言不及私蜀人疑之


卷一
八十一



趙庭隱


庭隱開封人世爲卿家庭隱少知兵律尚氣義始事
梁祖子友亮因擊鞠墜馬死庭隱董璋等十數人皆
追赴汴州知其無過竟釋不問令結事左右末帝即
位唐莊宗入鄴兩河對壘十有餘年時庭隱爲邢州
都監累立戰功節度使劉重霸嫉之誣庭隱將所部
兵降於莊宗因械送汴州末帝知其非罪又重遠邊
臣之請乃貶庭隱于南陽未幾追復舊職王彥章守
中都庭隱在其軍及彥章敗庭隱爲莊宗所獲將以
就戮大將夏魯奇奏曰此煙也其材可用遂釋之魏

王繼炭討西川以庭隱爲先鋒監押自入敵境即禁
兵士燒廬舍剽財物蜀人德之魏王平成都錄其功
奏授左廂馬步軍都指揮使知祥至蜀康延孝陷漢
州遣庭隱率兵擊破之擒延孝檻送闕下知祥奏加
檢校司空漢州刺史因留屯成都長興初明宗將議
伐蜀乃以夏魯奇李仁矩分屯遂閬以分其勢知祥
令庭隱與李仁罕張業率步騎十萬經略遂閬魯奇
堅壁不出戰會唐師入劍門知祥急召庭隱令統銳
兵五千至東川與董璋合軍以拒之至中路大寒士
卒不能前庭隱撫諭勞問將士皆奮遂營于普安深



溝固柵以養銳一日唐師奄至又分兵斷三亞父及
土橋庭隱密遣軍中善射者五百人伏唐師之歸路
乃領軍出營久而不戰至暮唐師退庭隱縱兵追之
伏兵齊起表裏合擊唐師大敗初唐師之入劍門也
內有堅壁外有勍敵遠近震駭及庭隱之捷人心乃
安知祥遣使慰勞賜書以褒之明年別將平魯奇唐
師至葭萌而還庭隱班師知祥親勞于郊翌日至其
第錫賚甚厚即授武昭軍節度使留後以鎮遏葭萌
知祥送于北郊親舉觴以勸之在鎮踰月上言三泉
餘寇盡去乞假一旅之師以拓漢中及秦鳳之地知

祥答書慰勉且令休息董璋襲廣漢將攻成都時東
川廩藏充實部下多敢死之士其來也衆皆畏之知
祥親督諸將召庭隱爲副以率勵士旅璋遺書庭隱
而詐達於知祥以書授庭隱投書褚中曰此必反間
之辭不足觀也竢擒董璋而後閱之與璋戰雞縱橋
前頗爲所挫庭隱僞遁璋逐之知祥與公鐸領兵繼
進璋軍亂不成列庭隱後整陣與知祥公鐸合擊之
璋軍大敗斬首千餘級璋領數騎遁歸東川爲部下
所殺庭隱追至東川領兵城下以待知祥梓州平以
庭隱爲節度使會李仁罕自遂州至求領東川庭隱



將讓之知祥以庭隱功多且怒仁罕之貪悞遂自領
兩川節度使以庭隱爲保寧軍節度使以閻果蓬渠
開五州隸之昶襲位李仁罕求總六軍將圖非望以
庭隱爲六軍副使以制之未幾仁罕誅改衛聖諸軍
指揮使明年移鎮東川廣政初加中書令庭隱久居
大鎮積金帛鉅萬窮極奢侈不爲制限營構臺榭役
徒日數千計十年被病懇讓兵柄疏再上從之仍就
第冊爲宋王經歲不能起賜肩輿入朝旣謁見昶感
動涕泣賜金沃盥及繒錦加太師卒年六十六子崇
祚崇韜卷三十一萬第八十一頁

趙崇韜

崇韜少驍勇有父風累從征討有功署副兵馬使及
庭隱卒昶以崇韜領衛聖諸軍使以襲父任廣政二
年周師復至境上昶以崇韜與控衛指揮使袁可鈞
同爲北面招討崇韜率勵將士行陣整肅士卒有黜
其額爲斧形者號曰破柴周師前鋒屢爲崇韜所破
至歸安而退二十七年王師來伐崇韜與李廷桂等
率兵拒之遇王師於漢源崇韜策馬先登我師大敗
崇韜力戰不止兵器皆斷折猶手擊數人爲王師所



張業

業開封浚義人性沈厚有果斷事梁爲供東頭供奉
官時兩河兵革未息業頻領監護之任皆立戰功法
令峻整士卒畏之莊宗入洛聞業有幹略擢爲列校
繼發伐蜀以業監先鋒兵補右廂馬步軍都指揮使
蜀平以所部兵駐成都知祥入蜀奏授檢校司空簡
州刺史時蜀漢盜賊羣起燒劫鎮戍百姓驚擾知祥
追業率兵捕之業令五家爲小保五十家爲大保旬
日之內擒獲殆盡討夏魯奇於遂州以功授寧江軍
節度使兵馬留後董璋襲成都業在夔州聞之率所

部赴難東川平正授節鉞加檢校太傅明德初領右
匡聖步軍都指揮使會武定興元兩鎮來附令業將
兵二萬屯漢水業至褒梁分布柵寨控扼駱谷秦鳳
諸隘會武定軍衙將與蒲谷鎮將任漢謙同謀導晉
師入武定業遣戍卒擊走之昶襲位改武信軍節度
使同平章事是歲昶殺判六軍事李仁罕業仁罕之
甥也昶慮其爲變詔歸本道未幾召入依舊同平章
事兼判度支新收征稅多爲主吏乾沒業作盜稅法
犯者十倍征之吏民不堪其命業多視事私第中宰
相之門被枉楛者常滿昶知之遽除十倍之法業子



繼昭好擊劍嘗與淨衆寺僧歸信同訪劍術士右匡
聖指揮使孫漢韶與業不協告業與繼昭同謀不軌
翌日令壯士就都堂擊殺之年五十七卷一萬八千
一百三十六

第十
一頁


武漳

漳字巨川太原文水人父王汾州別駕漳少勇敢善
騎射事莊宗爲定塞都虞侯莊宗以全軍援澤潞漳
與裨將數攻其別寨斬首千餘級擢太原衙前兵馬
使改匡聖軍指揮使同光初從魏王繼入蜀因留成
都知祥鎮蜀補衙內右第二指揮使天成初漳與張

公鐸迎瓊華公主於北都中國兵革之後盜賊充斥
漳被堅執銳通夕不寐至蜀改左第二指揮使奏授
檢校僕射其後東討果闕北拓劍利漳屢有功授縣
州刺史知祥開國改邛州遷山南節度使漳以襄中
用武之地營田爲急務乃鑿大洫以導泉源溉田數
千頃人受其利入爲奉鑾肅衛指揮使未幾改山南
加同平章事廢政七年卒於治所年六十四漳質厚
儉約所至有治迹俸人之外不營貲產蜀人稱之卷一

萬八千一百三
十六第十一頁

李肇




肇汝陰人父璟唐神策兵馬使肇少以材勇從父征
伐後隸宣武軍補左建牙都頭累轉陝虢馬步軍都
指揮使莊宗平梁恢復平洛割宣武一軍隸於河東
時知祥爲北京留守待之甚厚同光中以所部兵從
魏王繼岌討蜀蜀平班師康延孝至普安叛擁衆回
據廣漢肇在其伍中延孝敗肇被俘而知祥親釋其
縛擢爲衙內都指揮使未幾授嘉州刺史長興初
我師圍夏魯奇於遂州唐師來援劍門不守肇領安
兵赴普安以拒唐師不得進以功改漢州刺史駐軍
緜谷明年董璋率兵攻成都軍勢甚盛遣使致書於

肇諭以禍福肇素不知書擲之於地曰此不過勸我
叛爾因并其使殺之梓州平加昭武軍節度使昶襲
位肇以足疾不卽時來朝昶怒罷其軍權授太子少
師致仕於邛州安置璵坎不得意廣政八年卒年七

十卷一萬八千一百
三十六第十三頁

李仁罕

仁罕字德美陳畱人少隸宣武軍爲小校容貌環偉
梁祖爲四鎮節度署爲衙內昭宗幸鳳翔梁祖遣仁
罕奔問行在因修貢禮梁祖革命補宮苑儀鸞等使
歷許蔡華三州馬步軍都指揮使莊宗伐蜀令監先




鋒軍知祥領鎮奏授馬步軍都指揮使康延孝叛知祥命仁罕討平之以功授彭州刺史遷蜀州夏魯奇鎮遂州稟朝廷之命繕治甲兵將圖蜀知祥與董璋謀先討魯奇令仁罕攻遂州以仁罕為兵馬留後未幾承制授武信軍節度使又以所部兵定三峽走夔將安崇院知祥卒遺命仁罕輔政昶嗣位令判六軍事仁罕奉幼主無隱情自以先朝舊老遇事必諫時控鶴指揮使張公鐸內督韓繼勳豐德庫使韓保貞弓箭庫使安思謙等皆昶在東府時舊所親狎素不為仁罕所禮皆懷怨怒每譖仁罕欲納王衍妃徐氏

為側室遂誣以姦昶大怒俟仁罕入謁令武士擊殺之年六十二卷一萬八千一百三十一十六第十四頁

李延厚

延厚洺州平恩人父及唐邢州別駕延厚少有膽略善騎射從父琮為洺州節度使率衆歸于梁祖延厚亦從焉梁補左拱辰指揮第二都頭後唐同光中以所部兵從魏王入蜀改馬軍右驍銳第一指揮使康延孝入漢州知祥遣延厚率精兵二千會李仁罕往討之將行延厚集將士於營中誓之曰今出師征討不三旬必破賊乃立功圖賞之日也士卒有誓國報




恩不以家爲慮者立東廂哀疾怯懦厭爲征行者立
西廂無自苦也得請行七百人逐延孝西塞斬首百
餘級竟拔其城以功奏授檢校右散騎常侍改右廂
馬步都指揮使歷陵果州刺史源州押衙文環琛叛
延厚討平之岐軍逼文州延厚率兵赴援即日解其
圍昶襲位遷雅州刺史永平軍節度使未幾移鎮昭
武軍廣政九年卒年六十一卷一萬八千一百
三十六第十四頁

張公鐸

公鐸太原樂平人父頊唐儀州兵馬使公鐸身長七
尺個儻有節義好文史之學知祥爲北京留守錄爲

親從及出鎮成都補爲牙校從高敬柔迎公主於晉
陽轉義勝定遠都知兵馬使董璋舉兵襲我廣漢
漢先鋒兵將至成都公鐸率諸軍從知祥逆戰於雞
蹤橋公師不利公鐸率所部兵力戰直衝其腹璋公
大敗梓州平以功授簡州刺史遷奉聖控鶴都指揮
使知祥病公鐸與趙季良趙庭隱李肇等同受遺命
輔政昶襲位授保寧軍節度使爲政嚴猛寮吏畏憚
時承前蜀之弊獄訟繁多案牘堆積公鐸量其所犯
隨意裁決無不稱當在位六年民被其惠先是屬邑
連歲久多通租公鐸詰其由乃豪民猾胥乾沒賦稅




時令佐已有授代者公鐸悉勒止之令盡徵其祖而後解由是不數月徵錢糧數萬貫斛時論以爲嚴而不殘遷江軍節度使公鐸馭下嚴正宿衛二十餘年宮禁寧謐初染心疾袒憂之爲玉局洞開靈寶壇親署青詞以醮焉廣政八年卒年六十二一卷一萬八千五百一十五頁

張虔釗

虔釗遼州榆社人父簡唐檢校尚書左僕射虔釗少以武勇事唐武皇莊宗之世累補左右突騎軍使莊宗嘗以偏師取鎮陽命虔釗率騎果爲前鋒屢挫賊

銳遂陷其城明宗即位以虔釗有將帥才擢爲隨駕親軍都指揮使歷遼春二州刺史天成中鎮定節度王都阻兵連結契丹爲邊患命虔釗爲北面行營兵馬都監進討契丹殺傷甚衆虜不能南下遂圍定州百日而城陷斬王都降其餘衆師還以功遷橫海軍節度使未幾移鎮山南兼西面諸州馬步軍都部署應順初閔帝即位以鳳翔節度使潞王從珂有異志發兵討之詔虔釗爲特角師次叟陽人心離散降于從珂虔釗憤之乃退歸南鄭率孫漢韶以山南之地納款于蜀知祥遇之甚厚委以節使袒襲位加中書



令歷左右匡聖馬步軍都指揮使出爲昭武軍節度
使及漢祖即位乃移鎮梁州以觀朝廷之變會晉昌
軍節度使趙匡贊鳳翔節度使侯益俱謀歸蜀遂以
虔到爲北面行營招討使應接經略俄而趙匡贊侯
益請昶出師掠定三秦因命虔到與韓保貞等總師
五萬出散關雄武軍節度使何重建出隴右奉饜肅
衛都虞侯李廷桂出子午谷會于雍州廷桂始出子
午谷聞匡贊爲王景崇所逼棄城自拔東去遂先退
師時虔到福誠保貞師次陳倉謀不相協而侯益聞
匡贊已去廷珪班師亦誠欸中變閉壘不出司天監


趙廷樞累以雲氣候不利諷於保貞保貞惑之乃與
福誠率所部取隴州道會重建歸蜀虔到留寶雞以
勢孤不可深入遂班師士卒夜發部伍不整至興州
自以功業不盛感憤而卒年六十六

頁五

卷一萬八千一
百三十六第
十

潘仁嗣

仁嗣浮陽東光人父廷訓密州都指揮使仁嗣少個
儻尚氣起家爲保義軍兵馬使後唐魏王繼岌西伐
仁嗣以所部兵從入蜀蜀平改左右廂馬步軍都指
揮使知祥受節鉞留在麾下康延孝襲漢州知祥遣



仁嗣率兵救之連破數寨遂屯于漢州董璋興兵趨成都城外皆爲敵境仁嗣以所部兵陣于赤水璋以全章軍二萬擊之仁嗣大敗以十數騎潰圍而出身被十餘創臥於血中及璋敗獲免知祥親至其第以藥傅之明德二年奏授武定軍節度使源璧等州觀察營田處置等使之任卒於成都年四十六

卷一第
八十一


百三十六
第十六頁

龐福誠

福誠河東太穀人少善騎射個儻交結豪俠傾竭家產中原兵亂福誠聚徒鄉里剽掠縣鎮知祥爲北都

留守署昭爲太谷主簿令招諭福誠因相率歸附從知祥入蜀補衙內指揮使王師陷劍門從趙庭隱率兵據石橋福誠夜領兵數百人循水次東北上山攻王師夾其腹背王師不虞其至舉軍驚擾因奪擊破之以功遷茂州刺史知祥建國加檢校右散騎常侍昶襲位歷資縣印三州刺史奉鑾肅衛馬步軍都指揮使會張虔釗經畧秦中以福誠爲行營馬步軍都虞侯克寶難分兵吳山進攻隴州以歸政左驍騎軍都指揮使武寧軍節度使廣政十五年授衛上將軍以目疾罷卒年七十一

卷一第
八十一頁



李彥琦

彥琦字子溫京兆長安人本姓楊氏祖父皆隸神策軍彥琦善騎射有權略唐中和初鳳翔李茂貞委以心腹之任易姓李氏齒於諸子後昭宗西幸梁祖迎駕攻逼岐下者累年及昭宗東遷長圍方解大軍之後府庫空竭彥琦請使甘州以通回鶻往復二載美王名馬相繼而至所獲萬計茂貞賴之劉知俊自靈武班師路經長城崩梁將率精銳數萬躡其後彥琦與後同設方略擊敗之潞王之守岐下也諸道將急攻其壘彥琦時在圍中罄家財以給軍用潞王篡位


以功授檢校太傅知河陽軍府事俄授鎮州兵馬留後晉祖入洛彥琦罷職西歸家財素厚乃閉關自奉游心釋氏專務散施廣政十年王景崇納款于蜀彥琦因歸成都授左將軍維州刺史卒年八十八

卷一
七八

千一百三十七
第二頁

孫欽


欽幽州安次人性忠烈善騎射少遇亂隸安義軍節度使充衙內都頭後改補合州衙內都頭兼土客都虞侯從本州刺史徐章入蜀會知祥鎮成都長興初轉充右截山都頭董璋來寇戰雞蹤橋有功遷善州



刺史昶襲位累遷東川武德軍左奉聖都指揮使廣
政十五年令以所部兵北征欽將行白於都監王承
丕承丕將謀亂欲害判軍府事郭廷鈞曰詰朝當領
卒二千人介胄閱於雄義營欲與府公觀之欽未知
其由從容謂承丕曰卒閱習舊乃木刀竹槍今都監
令執帶器甲將士臨行又是詔旨或有不虞如何承
丕遂止又明日欽已具行裝入辭承丕承丕止之同
詣府中謁廷鈞及廷鈞送承丕上馬承丕頓指數卒
擊殺廷鈞自稱准詔處置軍府事即據府廳指揮放
諸司罪人分遣將校領兵屯果閬綿劍州拒守劍門


關發帑廩以賞將士自辰至巳命之徒應募而至
者千餘人明日大會將校寮屬欽言於衆中曰郭廷
鈞既抵朝憲遠近莫知其由公授命權總留務願出
詔書以示軍府承丕曰作好官何問詔書欽知其已
叛乃紿之曰州城內外人情未安願爲公督部下兵
以伺察之因躍馬而走承丕連呼不止馳至本軍立
召將士告其事遂率衆徑趨府中承丕左右皆驚散
因擒斬之傳首成都加檢校太子賓客二十五年寢
疾卒年七十二

卷一萬八千一百一十七頁



重建其先回統之別部居雲朔間祖允慶父懷福從
後唐武皇世著勲閑因家于太原重建初事晉祖爲
奉德馬軍都指揮使歷驩睦曹三州刺史檢校司徒
會延州節度使使丁審琪殘暴貪蕃部苦之重建
以所部兵攻其城審琪遁去晉祖即以重建權節度
兵馬雷後下車諭以威福邊民安堵就加彰武軍節
度使累遷涇鄧貝澶孟五鎮節度使皆以廉儉簡易
稱未幾移鎮秦州廣政十年契丹犯中原虜使齎僞
詔至重建不勝其憤謂將吏曰吾事石氏二主八擁
旄節人臣之榮已極矣豈能交臂以事戎狄乃斬其

使以秦成階三州歸欵於我昶遣右千牛衛上將軍
李繼勲馳往慰諭賜予甚厚加特進同平章事依前
雄武軍節度使時固鎮與鳳州未平重建悉經略討
平之昶大舉兵北代遣張虔釗出大散關以重建爲
招討使由隴州路以進師無功而還堅請入覲昶不
許二十一年加兼侍中卒年六十九卷一萬八千一
百三十六第十
孫漢韶
漢韶太原人祖昉唐嵐州刺史父存進振武節度使
漢韶幼有氣局風儀峻整存進尤愛之起家安定軍



使知祥留守晉陽屬蕃渾侵擾邊郡表令漢韶督軍
進討莊宗知其可用遂委以戎律大破虜寇擒獲甚
衆以功授檢校右僕射蔡州刺史明宗即位遷彰國
軍節度使觀察留後累遷昭武武定等軍節度使閔
帝嗣位加特進漢韶以其父名上表讓之改檢校左
僕射制曰改會稽之字抑有前聞換環寶之文非無
故事及潞王入洛遂與張虔釗等奉表歸附及謁見
與知祥敘汾上舊事及洛中更變相對感泣知祥曰
豐沛故人相遇於此何樂如之於是賜第宅金帛供
帳什物悉官給之授永平軍節度使昶襲位加同平

章事明德三年入為匡聖馬步都指揮使廣政十年
為山南節度使會何重建以秦階成三州歸附鳳州
石奉顯堅守不進我使昶遣漢韶入城宣慰號令嚴
肅秋毫無犯駐數乃還加檢校太師雄武軍節度使
後以疾乞解兵柄封樂安郡王賜肩昇入謁卒年七
十二漢韶忠勇有父風而重厚過之居藩閫皆有治
迹始以去危即安委質於我頗竭股肱之力終保富
貴識者多其淳慤

卷一萬八千一百
三十六第十二頁

高彥儔

彥儔太原人少善騎射慷慨有大節知祥留守太原



召爲軍校從入成都授親衛指揮使昶襲位遷茂州
刺史廣政十年秦州何重建以城降以彥儔領雄武
廣軍節度使領衆守其城未幾召歸領右衛聖馬步
軍都指揮使十八年周師攻秦鳳以彥儔爲北路行
營招討使與廷珪呂彥琦率兵赴援與周師遇于唐
倉大戰我師敗績彥儔退保青泥嶺周師遂克階成
秦鳳等州彥儔歸成都昶釋不問改寧江軍節度使
二十七年王師來伐分兵由峽路入夔州彥儔謂副
使趙宗濟監軍武守謙曰寇據吾城下而不擊將何
待也乃獨領麾下千餘人以出時王師頓白帝廟西


遣騎將張廷翰引兵與守謙戰我師敗走廷翰乘勝
登城彥儔整衆將出拒戰王師已乘而入彥儔力戰
於城下不勝身中十餘槍左右皆散去彥儔奔入府
中反拒其門判官羅濟勸彥儔單騎歸蜀彥儔曰我
昔已失天水今復不能守夔州縱不忍殺我何面目
見蜀人乎濟又勸其降彥儔曰老幼百口俱在成都
以一人偷生舉族何負今日止有死爾即解符印授
濟曰君自爲計俄而王師壞門彥儔挺劍拒之殺十
餘人於是登樓縱火自焚而死大將劉光又憐其忠
蓋收其骨以葬焉



李廷珪

廷珪太原人幼慧黠七歲隸知祥帳下爲給使從入蜀爲牙軍指揮使征康延孝有功遷陵州刺史知祥征東川廷珪權領親軍以從董璋平轉資州刺史累改督蜀二州刺史昶襲位遷捧聖控鶴都指揮使領興元節度使歷雅遂閬三鎮加兼侍中廣政十八年周師攻秦鳳以廷珪爲北路行營都統高彥儔呂彥珂爲招討廷珪遣先鋒指揮使李進以兵據馬嶺分兵出斜谷營於白澗將腹背以攻周師又遣染院使王巒領兵出唐突與周師遇我師敗走王巒死之而

馬嶺斜谷之兵聞之皆退奔高彥儔與諸將謀退守青泥嶺由是秦鳳階成之地皆陷於周矣廷珪上表請罪昶釋不問明年來朝遷左右衛聖諸軍馬步軍都指揮使仍分衛聖步騎爲左右十軍以武定軍節度使呂彥珂爲之使並隸于廷珪二十八年王師拔劍門加廷珪太子太傅令從元喆統兵以拒王師至緜州聞王昭遠之師趙崇韜之師皆敗元喆懼退保東川翌日奔歸成都所過盡焚其儲蓄及王師入成都行營都監王仁贍詰按籍詰所在軍資將歸罪于廷珪廷珪問計於部將康延澤曰吾觀王公志在聲



色苟足其欲則置而不問矣廷珪素儉約不蓄妓樂
遂求於姻戚家得女妓四人復假貸金帛直數百萬
以遺仁瞻繇是獲免歸朝為右千牛衛上將軍卒一
萬八千一百三十六第
十一百三十六頁


王彥銖

彥銖太原人祖義方汾州長史父德誠贈太子少保
彥銖性仁弱不好弄讀書究大義天祐中事知祥於
太原後入蜀累補節度押衙詔使李彥之為監軍也
密懷異謀知祥數其過命彥銖掄斬之嚴之左右無
敢動者知祥破董璋擇腹心有權略者俾獲其軍於

是以彥銖為東川監押及建國轉授右僕射昶襲位
歷蓬嘉雅三州刺史出為山南兵馬都監數載罷歸
補左右羅城使眉州刺史遷昭武軍節度使轉右衛
聖軍都指揮使罷歸改左金吾衛上將軍復授昭武
軍節度使廣政二十四年卒于治所年六十五
卷一
萬八千一百三十六第
十一百三十六頁

李奉虔

奉虔太原人本姓王氏祖欽唐隰州刺史父存賢佐
唐武皇累著功因賜姓李氏梁人攻上黨莊宗親總
大軍以援存賢先登陷州授盧龍軍節度使奉虔幼



有才略不循小節年十四爲幽州衙內都指揮使居父喪骨立數歲及知祥鎮蜀奉度懇請從行補廳直左押衙明宗即位充貢奉使諸將進攻遂寧王師掩至劍門不守知祥命趙庭隱督兵往拒之署奉度爲兵馬監押時衆寡不敵人心動搖奉度與庭隱率勵士卒竟敗王師以功授檢校右僕射昶襲位領嘉州刺史文思使遷右金吾衛大將軍爲昭武軍都監屬夏秋多雨嘉陵江溢出城奉度置堰開湍瀨二十餘處洩其蓄水築堤以護之城池克完人被其利授昭武軍節度自監護擁節旄自奉度始人皆榮之入爲

左右街功德使卒年六十二卷一萬八千一百三十六第十六頁

昭遠王昭遠

昭遠成都人幼孤貧年十三依東都僧知誣爲童子知祥入蜀飯僧於府署昭遠持巾履從知誣得入時昶方就學見昭遠聰慧留給事昶左右昶嗣位以爲卷簾使遷諸司使會樞密使王處回得罪以昭遠爲通奏使知樞密事機務一以委之府庫財帛忠其所取不問未幾遷山南節度使判官張廷瑋言于昭遠曰公素無勲業一旦位至樞近不自建大功何以塞時論莫若遣人致書通好并門令其發兵南下我即




自黃花子午谷出兵應之使中原受敵可坐有關右之地則君之功無有出其右者昭遠然之乃言於昶遣人問行齋蠟書以往太原爲疆吏所獲及王師來代昶令昭遠與韓保貞趙崇韜等領兵以抗王師昭遠好讀兵書頗以將畧自任始發成都昶遣宰相李昊等餞於郊外昭遠酒酣攘臂而言曰是行也非止克敵當以此數萬彫面惡少取中原如反掌爾及行執鐵如意指揮軍事自方諸葛亮時王師已破劍門昭遠大懼俄與王師遇於漢源趙崇韜布陣將戰昭遠據胡牀不能起崇韜敗乃免胄棄甲走投東川爲

追騎所獲送闕下授左領軍大將軍開寶中卒

卷八
六千一百三十七頁


安思謙

思謙并州人幼事知祥於太原以勤恪聞知祥入蜀補爲軍校昶襲位頗見親信歷簡邛彭三州刺史奉鑾控馬步軍都指揮使武泰軍節度使未之任改左匡聖馬步軍都指揮使山南節度時鳳翔監軍王景崇以城歸順命思謙率兵應接且略地關中會漢兵圍鳳翔燒其雙門景崇遣使來求救昶遣思謙及韓保貞等率兵救之兵次右界漢兵屯寶雞城思謙令



保貞分兵趨隴州逼沂陽以分其勢又遣先鋒將申
貴等分兵走摸壁設伏時家林貴以數百人晨壓寶
雞列陣以誘漢兵爭出戰貴偽遁漢兵逐之爲伏卒
所擊退入寶雞城思謙次渭水將引軍濟會羅暎保
義軍與東相應掩我不備多殺士卒而漢兵復振思
謙與諸將議曰糧儲將盡而賊勢且盛不如釋之以
圖後舉遂班師十二月景崇又來告急昶復督思謙
令進兵思謙請先運糧四十萬斛然後進軍昶覽表
不悅謂左右曰古之良將因敵取資近者契丹以數
十萬衆入中原豈先事飛輓耶揣思謙此意必不爲

朕進取也乃發興州乾渠渡糧食及山南諸倉米數
萬斛屯鳳州以益之思謙不得已遂進軍次大散關
申貴以所部先進擊漢兵燒箭筈塞毀閣道適去貴
盡銳追之及安都思謙進軍玉女潭又殺漢兵千人
漢兵退屯寶雞城思謙駐軍摸壁時保貞之師攻隴
州不能下思謙遂遷延不進會漢兵陷鳳翔景崇死
乃班師上表待罪昶釋不問召歸移鎮閬州仍畱宿
衛思謙以受任無狀爲物議所薄頗不自安昶既誅
張業宮禁門衛悉加嚴警思謙以其疑已頗惡之言
多悖慢三子宸嗣喬恃父權恣橫國人畏之會翰林



王濬乘間奏思謙出怨言將圖不軌昶懼翌日俟其
入朝伏壯士擊殺之并其三子廣政十七年也

卷一
七八

千一百三十
六第十七頁

焦彥賓

彥賓字英服滄州清池人父軫唐兗海節度使彥賓
少聰敏多智畧事後唐武皇尤所委信及莊宗即位
遷左監門衛將同正四方館使出護邢州兵知祥移
鎮成都詔以彥賓為監軍使與知祥同入蜀康延孝
據廣漢彥賓說知祥令呂董璋與之協力討賊遂擒
延孝明宗即位愈閹豎輩怙勢擅權先朝使四方及

逃遁不出者皆就戮之死者殆盡彥賓為知祥保護
獲免朝廷因以李嚴代之彥賓辭疾不歸朝知祥令
判都提學院事未幾轉左驍衛上將軍以年老乞代
從之彥賓乃營別墅鑿池沼植蒲莢養魚以自給昶
襲位以先君舊友命全給俸祿而不令覲謁俾遂其
性廣政五年卒年七十八

卷一萬八千一百
三十六第十八頁

趙進

進定州人少以膽勇隸天雄軍籍時河北宿兵進累
戰有功泊莊宗入洛猶在行間屯于清廩祿既薄又
不時給士卒多怨憤思亂者十七同光末與本軍皇



甫暉等共推副趙在禮相率夜犯鄴城城中士卒莫
有鬪志進等因陷其城未踰旬兵數萬在禮署進衙
內都虞侯三城巡檢使莊宗遣元行欽以其言聞因
詔明宗馳往招諭及入城乃其推戴遽有洛中之變
天成初除貝州刺史鄴都衙內指揮使明年移典寧
州屬慶州叛遣進討平之遷雅州刺史知祥入蜀進
來覲謁知祥以進始謀叛逆將誅之進大懼趙季良
諫曰莊宗季年天下思亂匪獨貝衛一境公國之懿
親所宜責以干紀加其顯戮進自知必死歸命於我
所宜撫納以責其後效知祥納之董璋之亂我師致

討進戎服謁見而言曰進荷明公不殺之恩今日有
所報矣請前蹈白刃決命破賊乃署爲前鋒監陣使
先登立功璋平轉左衝山指揮使昶襲位歷忠鳳叩
善四州刺史左匡聖步軍都指揮使所至軍改修舉
戎卒有疾苦者必撫問周悉當盛夏寒未嘗勞役
將士以此樂爲之用廣政十七年督部兵戍漢中逾
月以疾聞召還卒於道年六十一卷一萬八千一百
石處溫
處溫萬州人本波斯之種仕前蜀爲利州司馬同光
中知祥入蜀補萬州管內諸壇點檢指揮使率義兵




同收峽路時通州大將王允瓊侵擾邊鄙及州寇杜
景溫劫束鄉豪殺縣令牟孟剽略戶口焚燒村落處
溫與諸軍討平之知祥遺書褒美轉寧江軍節度都
知兵馬使萬州管内義軍都指揮使昶襲位遷獎州
刺史處溫初據石市招納亡命遠近多歸之由是廣
事耕墾常積穀數萬十石前後累獻軍糧二十餘萬
石加之以寶貨昶嘉之加檢校司空未幾授萬州刺
史移簡州卒年八十一卷一萬八千一百三十六第十九頁

孟思恭

思恭字近禮潁川人父彥暉嘗為許州獄吏前蜀王

建嘗隸忠武軍坐事被繫謂彥暉曰卿為免我他日
將厚報彥暉遂縱之令亡去及建霸蜀遣使迎之授
簡州刺史遷漢州團練使思恭弱冠奇崖猿臂善射
起家保信軍使建嘗集文武射苑中思恭屢中的建
大悅賜衣服以其女妻之為駙馬都尉累遷靜塞軍
團練使王衍襲位為北路行營都指揮使知祥鎮蜀
以其宗姓補先登指揮使以所部兵從董璋遣思恭
分兵討集誠之曰賊則少與戰賊衆則退守要害我
將濟師及遇賊思恭與之戰不退利未濟師璋怒放
思恭歸知祥免之明年隨趙庭隱破璋於雞蹤橋以



功改清遠指揮使昶襲位加檢校司空改雄義都指
揮使屯梓州累遷飛棹都指揮使歷劍階忠三州刺
史思恭有膽畧善撫士卒廣政二十年爲峽路行營
都指揮使屯赤莢山時秋暑未退思恭苦熱食冷物
浴寒水致疾卒於任年七十二


卷一萬八千一百三十六第十九頁

申貴

貴潞州人弱冠有勇力初事李彥珂爲帳下卒天成
中歸於知祥累補定遠都頭從征伐身當矢石深爲
諸將之所推許改決勝擢武指揮使昶襲位遷右衛
聖都指揮使歷昌渝文眉四州刺史貴貪鄙殘虐所

在聚斂財貨民不勝其獎典眉州受財鬻獄尤恣暴
橫常指獄門謂左右曰此我家錢壚其不道如此初
兼五縣巡檢令其子元寶與州吏許延祺誣構民連
賊枷禁以求賂被訴下獄責授貴維州司戶叅軍馳
驛發遣至犀浦賜自盡

卷一萬八千一百三十六第十九頁



九國志卷八

東漢

世祖以乾祐四年稱帝至英武帝廣運六年國滅歷四主凡二十九年十國起年及通鑑作北漢此與五代史同

世祖

姓劉名昺初名崇後漢高祖母弟也為河東節度使乾祐三年隱帝遇弒郭威篡漢四年正月戊寅即位于晉陽仍用乾祐年號受契丹冊命在位四年薨年六十廟號世祖

十廟號世祖

睿宗

名鈞初名承鈞昺次子受契丹冊命仍稱乾祐七年行三年喪服除改乾祐十年為天會元年至十二年七月戊申薨四十三諡曰孝和皇帝廟號睿宗

少主

名繼恩本姓薛鈞養為子嗣位六十餘日為郭無為所弒

英武帝

名維元本姓何亦鈞養子既襲位仍稱天會十二年越五年改元廣運廣運六年五月癸未降于宋隆封彭城郡公淳化中堯追封彭城郡王

蔚進

進太原人少有膂力身長七尺日行二百餘里高祖鎮并汾進以材官給事及高祖領軍令負羈勒開運

宋路振撰

國家圖書館, NATIONAL CENTRAL LIBRARY, TAIWAN, R.O.C.



末南行留進於太原為崇翊衛即受馬步軍指揮使
鈞襲位領建寧軍節度使典親軍如故繼恩監國郭
無為受詔輔導世子無為與進不協出為代州刺史
時無為專政繼恩潛欲圖之進知其必亂自以居親
衛之地頗懷危感及有中山之命忻然即路未幾繼
恩遇弒國人皆以進為先見以城納款歸朝授左衛
大將軍領檀州刺史卒年七十二進無他能惟掌兵
方嚴所至不敗事劉氏四主以質直聞歸老中國祿
二千石亦武夫之終吉也

張元徽

卷一萬八千一百
三十七第二頁

元徽邢州武安人少以沈勇隸本城為兵累轉至列
校高祖鎮并汾召置帳下累從征討有功晉開運末
破契丹於三交以功授代州刺史歷雲州防禦使遷
代州與崇素相友善及崇建號領侍衛親軍遷武寧
軍節度使崇舉兵南下將圖周室以元徽為前鋒與
周師遇于巴公原元徽以東軍先登陷陣擒監軍使
一人降其步卒千人而旋崇大褒賞之元徽乘勝復
入馬倒為周師所擒殺之其麾下十餘騎畢力血戰
奪其尸而出俄而崇眾亦敗先是前鋒兵將次巴公
一夕營中刁斗皆噉元徽亟遣詣崇大塞易之凡易



數十皆嘆而不可擊因以白崇怒曰故要我金鉅耶
遂止是夜有大星墜元徽營中明日果敗元徽沈厚
有將帥材善撫士卒輕財好施雖爵祿豐厚而家無
餘資既而軍吏為立廟晉陽城西北隅塑其象歲時
祀之見者必掩泣

卷一萬八千一百
三十七第二頁

鄭進


進開封陽武人身長七尺餘翹勇多力漢祖鎮并汾
以材官給事累從征討有功即位遷侍衛步軍都指
揮使鈞襲位以先朝勲舊賜予甚厚進性慷慨重然
諾好施家無餘資繼元立馬峯典機密性鄙吝與進

不協峯怒悉奪其兵柄進不堪辱詬之於朝繼元怒
翌日送定襄安置遣人殺之於路

卷一萬八千一百
三十七第三頁

衛儔

儔吐渾族人少事鈞為蕃落小底善騎射驍果絕倫
明書計通六蕃語鈞襲位遷如京使令專掌吐渾一
軍以從征討所向多克捷虜援兵每至即遣儔居前
鋒軍中凡布列烽燧措置寨柵皆儔為之繼元立為
閩人衛德貴所嫉出為遼州刺史吐渾數千人遮道
請留繼元不許自是一軍失帥不可復用矣儔少長
蕃中不樂為郡頗出怨言繼元慮其為變潛遣人殺



之卷一萬一千一百三十七第三頁

李隱


隱鴈門人少以驍勇隸綠河十寨善騎射有膽畧鈞
襲位以軍功擢授馬步軍引進使累從征討性純直
未嘗典事權要衛侍出知遼州隱惜其忠勇為倖臣
所逐頗憤惋形於言德貴聞而惡之白於繼元即日
送嵐州安置未幾殺之

卷一萬一千一百三十七第三頁

NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.




中宗

高祖



國家圖書館, NATIONAL CENTRAL LIBRARY, TAIWAN, R.O.C.

7.5 Photo



九國志卷九

南漢

唐天祐元年劉宗為廣州節度使至後主大寶十四年國滅
凡六十七年獻自高祖乾貞元年為始凡四主實五十五年

烈宗

姓劉名隱父謙為封州刺史有三子曰隱台嚴乾亨九年冬謙卒士民謀亂隱謀
之誦南節度使劉崇聽奉為封州刺史天祐元年朱全忠奏為清海軍節度使梁
開平元年封大彭王三年改封南平王四年進封南海王乾化元年三月丁亥虎
年三十八歲曰襄乾亨元年進尊曰襄皇帝廟號烈宗陵曰德陵

高祖

名襲初名嚴父名陟謙庶子乾化元年五月甲辰梁以為清海軍節度使三年
正月襲封南平王貞明二年八月癸巳稱帝建國號曰越改元乾亨追尊祖安
仁曰太祖諱曰代祖兄隱曰烈宗乾亨二年十一月改國號曰漢凡乾元三乾
亨九年十一月白龍三年大有十五年三月丁丑薨年五十四歲天皇大帝廟
號高祖陵

曰廣陵

殍帝

名玲襲第二子初名宏度封廣王改封秦王及嗣位更今名改大有十五
年為光天元年二年三月丙戌遇弒年二十四歲曰殍


中宗

名晟初名宏熙封晉王親斌珍達嗣位改光天二年為應乾元年十一月丁亥
政乾和十六年八月辛巳薨年三十九歲曰文武光聖明孝皇帝廟號中宗

昭陵

國家圖書館 NATIONAL CENTRAL LIBRARY, TAIWAN, R.O.C.

宋路振撰



後主

名振成長子初名繼興封衛王乾和十六年八月辛巳襲位改是年爲大寶元年
至十四年二月宋師入城降封息毅侯時宋開寶四年也八年晉封彭城郡公
太平興國初進衛國公五年堯年三十九
追封南越王或云歸葬于韶州之趙王山


劉洪操

洪操字貞度龔第九子洪澤之母弟也幼知書及長
有識量大有中封萬王十一年吳權攻交趾皎公羨
求救於龔龔欲乘其亂而取之遣大將梁克貞率兵
南下龔自護其軍以洪操爲靜海軍節度使封交王
令統衆趨白藤時吳權已殺公羨而據交趾親率衆
來逆戰先於海口多植捷檝悉銳其首以鐵冒之潮
水方漲權乘輕船引兵挑戰洪操逐之須臾潮退戰

艦爲捷檝所絀士卒皆覆溺死者過半遂擒洪操殺
之卷一萬八千一百
三十七第六頁

劉洪杲

洪杲字日宣龔第十子母南儀謝氏名宜清有寵洪
杲十歲封循王好步鬪復便弓馬以膽勇聞諸兄皆
尚儒學或勸令讀書洪杲曰吾家立功立事皆起馬
上獨使我老一經乎龔以兵書教之遂略通義光天
初循州賊遇自稱中天八國王擁衆數萬攻下郡邑
洪杲請統衆討賊玠以其尚幼不許洪杲曰兵法尚
變不尚齒也因令越王爲都統洪杲副之次錢帛館



軍士方食賊衆奄至洪杲率親信數百人介甲躍馬
徑入賊中殺數十百人賊爲之少却俄而越王領衆
繼至與賊大戰自辰至午賊衆益盛圍我師數重午
下如雨軍人多死洪杲矢盡挺劍力戰流血滿袖裨
將萬景忻等蒙以大楯翼二王以出賊亦解去洪杲
以戰功授挂州觀察使未幾與晉王同謀募殺應乾
初爲諸道兵馬副元帥參政事晟初立國中謗議騰
沸洪杲請歸罪于劉思潮等晟不從反爲思潮等所
譖以洪杲謀爲亂晟遣思潮偵之一旦洪杲與親信
飲酒第中思潮與潭令程領衛兵排闥而入斬其首

以徇

卷一萬八千一百
三十七第五頁

蘇章

章封川人少事隱爲牙將性忠厚有勇力從征譚玘
盧瑀有功薛王奏署衙內馬步都指揮使從隱討盧
廷昌於韶州隱率舟師出雙石會天大霧昏暝如夜
詔人四出以鐵纜繫巨鉤投隱艦中士卒驚撓章引
弓射殺數人以巨斧擊鉤鉤皆斷折纜不能施詔人
乃退翌日進逼其城城上望樓中有人罵隱言頗穢
褻隱慙甚不敢左右章伏舵樓中引弓射罵者罵者
應弦而斃舟中皆鼓譟時江水暴漲自清遠峽以北




湍瀨尤惡糧運不繼會延昌父光稠自虔州擁兵來
援隱與戰屢敗乃班師韶人以兵襲我後遂捨舟而
徒士卒不成列隱馬斃章以所乘馬援隱因徒行為
後殿韶人不敢逼以功遷封州刺史充左右衛使龔
襲位命章典禁衛諸軍白龍中楚州遣舟師來伐圍
封州敗我師賀江溺死者千人龔乃遣章領神弩軍
三千人戰艦百援之章至賀江泚鐵索水中兩岸設
巨輪以挽索築連堤以隱之伏壯士堤中章以輕艦
逆戰佯不利楚人逐之堤中挽輪舉索楚艦不能進
退乃以强弩夾水射之楚人殲焉收戰船百艘以歸

遂解封州之圍以功遷團練使章子五人俱為中郎
將豪俠任氣所為不軌番禺號五郎將章年老不能
致訓會有告其謀叛者逮捕下獄悉斬之章以功得
不得坐慙悻成疾大有十年卒

卷一萬八千一百
三十七第

吳懷恩

懷恩番禺人事龔為內府局丞性謹愿典宿衛二十
餘年未嘗有小過玠襲位遷常侍玠好宴樂東西兩
教坊伶官千餘人嘗晝夜出入宮中懷恩屢言於玠
曰今禁中自有蕭韶府內樂百餘人皆善音律夜宴
用此足矣焉用教坊若夜雜入禁中不拘闌籍恐姦




人竊發不可不慎玠不聽未幾果爲陳道庠所弑最
襲位授宮闈諸衛押番乾和六年加開府儀同三司
西北面招討使與指揮使吳珣領兵侵楚親冒矢石
半歲間取梧州六州之地以功加濮陽縣公大寶中
王師取彬連銀懼以懷恩爲桂州團練使令治戰艦
懷恩馭下方嚴臨事精至每舟成必自臨視材有良
窳不等及制度疏略不如法者必榜役工役者多怨
之又造龍舟十以備錄親征舟成懷恩以綿累其手
徧捫鉤楫匠區彥希在側運斤斬之首墜船中左右
皆驚走後數日擒彥希斬于市懷恩治兵嚴整所至

輒有功及被害國人憂之

卷一萬八十一頁
三十七第五頁

陳道庠

道庠潁川人父璫唐末避亂於封州力絕人隱聞其
忠勇召至帳下隨隱入廣州遷雄武虎將軍卒道庠
幼俊爽起家爲虎賁郎翹果有父風大有末給事晉
王府龔疾亟命以道庠爲元帥府馬步軍都揮指使
光天初張悞起循州大掠郡邑道庠與萬景忻從越
王循王東征遇賊錢帛館賊圍之數重自辰至午我
師殆盡道庠與景忻奮劍大呼殺十餘人賊衆披靡
於是挾二王而出玠即立所爲不法疑郡弟圖已每




宴集則令宦官守闕供奉將吏悉露索而後入及晟
將為謀亂於道庠玠好角抵道庠因引多力者劉思
潮等數人習角抵於晉王府中玠聞而悅焉翌日大
置酒長春宮召角抵與諸王觀之至夕玠大醉既罷
遣道庠等掖之因拉殺玠血濺寢門左右皆散走晟
立以道庠為功臣領英州刺史出入宮中賞賜優厚
既得志頗誅殺勲舊功臣劉思潮等皆相次被誅道
庠不自安特進鄧伸與璠有舊嘗遣道庠漢紀問其
意伸吃曰慙僚此書有韓信彭越事審讀之道庠大
懼遂謀亂事未發而晟覺之乃收道庠伸下獄翌日

同斬於市悉夷其族

邵廷瑁

卷八千一百
三十七第六頁

廷瑁循州人幼為黃門給事禁中言論峭直與羣閣
異及長有文武材幹博覽書史尤善騎射玠襲位為
內謁者遷內府局令總宿衛兵軍務嚴整尤重儒士
有自遠方來者廷瑁必先見之為具資糧而後引薦
稼穡荒於游宴人心危懼廷瑁每從容言曰男兒十
五奪父志今宗社安危繫於陛下願加檢慎銀建禹
餘宮在城東南六十里山水奇絕銀避暑多往焉廷




瑁雅所愛尚因請解兵職願爲宮使銀從之而令典
兵如故廷瑁以諸戎器不甚犀利弓弩不能及遠甲
鎧銷薄不可以禦大敵乃爲樣親督工匠造之累言
於銀曰中國亂雖久矣我先朝乘其間故有南越之
地五十年來嶺表無事師之耳目不識旗鼓今中國
已有真主陛下未嘗遣一介之使馳咫尺之書珠貝
犀象瑁瑁翠羽積於內府歲久而不可較陛下未嘗
以修聘一旦兵至何以禦之銀憮然不以爲慮七年
王師克彬州招討使暨彥贊戰死王師乘勝取連州
銀始懼乃加廷瑁開封儀同三司東南面招討使以

舟師屯沅口王師旣退廷瑁撫循將士招輯已叛境
上肅然稱爲良將因繕治兵甲親加訓練將復郴連
會同列者嫉之投匿名書言廷瑁將圖不軌銀信之
遣使賜廷瑁死士卒排軍門爭入對使者哀訴言廷
瑁無反狀請加考驗弗許軍民冤痛爲立廟爲沅口
至今祀之

卷一萬八千一百
三十七第四頁

潘崇徹

崇徹南海人事夔爲內侍省局丞頗知書有鈴畧乾
和中晟遣崇徹率兵攻郴州時江南將邊鎬據湖南
發兵來援相遇于宜州崇徹令步將康崇保分兵爲



兩翼以掩賊江南兵大敗遂克彬州明年潭州節度使王逵率兵五萬來復郴州晟遣崇徹領衆赴之與逵遇於壕石逵軍遠來罷乏不成列崇徹登塚而望喜曰此成擒也乃縱兵擊之譚人大敗逵僅以身免桂州吳懷恩爲部下所殺遣崇徹代領其衆加西北面招討使歲餘以飛語見疑於銀遣崇徹覘其軍戒之曰崇徹果有異志即就誅之崇至崇徹知其意悉以所部兵自衛以見崇不敢發還以白銀曰崇徹日夕領伶官百餘輩並衣錦繡吹玉笛爲長夜之飲不恤軍政銀方怒會崇徹單騎來歸束身請罪銀

釋而不問但奪其兵柄自是常怏怏及王師圍賀州刺史陳守忠告急於銀召大臣議皆請以崇徹領兵以拒王師崇徹難之辭以日疾銀怒曰何須崇徹伍彥柔獨無方略耶乃以彥柔代領其衆彥柔至賀州爲王師所擒賀州陷銀憂迫計無所出乃加崇徹內大司馬步軍都統領衆三萬屯賀江會王師徑趨韶州崇徹但擁衆自保不爲之援王師度馬徑崇徹請降從銀歸朝太祖知其事特赦崇徹以爲汝州別駕

卒

卷一萬八千一百

郭崇岳




崇岳番禺人宮媪梁鸞真之養子也幼為閩人以慧
黠聞乾和中為內侍監銀襲位遷內侍中大徽宮使
大寶十二年王師來伐都統李承渥以全軍出詔陽
為王師所敗銀震駭顧諸將無可使者鸞真即薦其
子可用乃以為招討使與大將植廷曉統衆六萬守
馬遙去番禺纔百餘里時王師已過瀧頭翌日入馬
遙去我寨十里游騎據雙女山直瞰我軍頻摩壘挑
戰崇岳本無將材所統之衆皆詔英敗卒絕無鬪志
廷曉欲出戰崇岳不從但堅壁自守晝夜禱祀鬼神
而已王師繼至廷曉謂崇岳曰北師乘席卷之勢其

鋒不易當也吾士旅雖衆然皆傷痍舊卒今不驅策
而前將坐受其斃亡無日矣於是領前軍據水而陣
令崇岳殿後禦其奔衝既而王師濟水廷曉力戰而
死崇岳奔入營王師攻之初一夕南風甚厲至是北
風大起王師縱火燒寨崇岳大敗死于亂尸之下卷
第八千一百三十七第五頁

黃仁諷

仁諷建州浦城人少有武幹隸本城為鄉兵以陣敵
立功累遷飛捷指揮使福州林仁翰殺連重遇送首
於建安迎延攻歸王閩中時唐兵壓境不果行遣仁




諷護送從子繼昌入守閩中以仁諷爲福州在城鎮
過使繼昌庸懦無馭下才人心不安會南兵逼建
安將吏知其必破上下思亂仁諷因之遂與李仁達
等同謀殺繼昌而自立延政大怒敗仁諷妻
子戮於市發兵討之時仁達已推立卓儼明令仁諷
爲城西軍帥以扞建兵仁諷知妻子已戮臨敵不顧
出入奮擊建軍大敗退而謂繼珣曰忠信仁義士之
所守也舍此無以立吾頃在建安嘗攻伐今見利忘
義不能慎守晚節是不忠也富沙託子於我不曾營
救中道而變是無信也與建軍對敵所殺者皆鄉曲

故人不仁也棄其妻子使爲魚肉是不義也此身
十沈九浮旦夕歸地下何面目以見之因拊膺而哭
繼珣曰大丈夫殺身徇名何顧妻子且置是事無輕
泄也建軍旣退左右以其言白仁達翌日擒殺之并
殺繼珣

卷一萬八千一百
三十七第七頁

許文禛

文禛泉州同安人少事審知爲給使累歷內職昶襲
位遷文思院使延義立金吾使率兵屯臨汀未幾汀
州刺史朱文進竊位以其黨黃紹頗等守泉南而臨
汀亦叛以應文進留從效殺紹頗以其首送建安文



慎懼乃諭郡人歸欵於延政加太尉兼侍中為治嚴
整賞罰必當吏民畏而受之江南兵圍建州遣將時
厚卿分兵攻汀州文稹率衆拒戰擒厚卿遣歸金陵
因上表謝罪及建州陷明年稹率軍吏赴金陵璟復
以為汀州刺史未幾改蘄州召歸授建州刺史周顯
德中王師圍壽春潘承祐薦文稹有武幹璟令統兵
數萬攻紫金山為周師所破擒文稹世宗釋不誅璟
割地歸欵世宗放文稹歸璟以其失律不復用歸同
安坎墮而卒 卷一萬八十一頁

九國志卷十

宋路振撰

閔

司空以唐景福二年有泉汀五州地為節度使至天德
帝天德三年減于南唐歷七主凡五十二年

司空

姓王名潮字信臣光州固始人唐末為縣佐史與弟審却審知以材氣知名
三龍屠者王緒與衆自稱將軍署潮為軍正既誅緒衆推為主時光啓三年八

太祖

月也至景福二年盡有泉汀五州之地九月戊戌唐以福建觀察使
三年九月庚辰升福建為威武軍拜節度使四年十月丁未葬贈祭使
名審知字信通潮季弟景福四年冬潮有疾記審知以大事既卒自稱留後光

嗣主


化元年三月己丑受朝命十月癸卯授本軍節度使天祐元年四月封瑯琊王
三年辛酉唐授為節度使明宗天祐元年十月己丑建國曰閩稱王十二月辛

加遇
秋

惠宗

名鎮初名延鈞審知次子建州刺史王廷鼎審知次養子也既與延鈞被延翰
推為留後天成二年五月癸丑唐以為節度使封瑯琊王三年七月戊辰進封

閔王長興四年正月稱帝改元凡改元二龍曆二年永和元年
十月庚辰遷就其在位十年諡曰肅肅明孝皇帝廟號惠宗



慎懼乃諭郡人歸欵於延政加太尉兼侍中爲治嚴
整賞罰必當吏民畏而受之江南兵圍建州遣將時
厚卿分兵攻汀州文稹率衆拒戰擒厚卿遣歸金陵
因上表謝罪及建州陷明年稹率軍吏赴金陵璟復
以爲汀州刺史未幾改蘄州召歸授建州刺史周顯
德中王師圍壽春潘承祐薦文稹有武幹璟令統兵
數萬攻紫金山爲周師所破擒文稹世宗釋不誅璟
割地歸欵世宗放文稹歸璟以其失律不復用歸同
安坎墮而卒 卷一萬八十一頁

九國志卷十

宋路振撰

閩 司空以唐景福二年有泉汀五州地爲節度使至天德
帝天德三年滅于南唐歷七主凡五十二年

司空

姓王名潮字信臣光州固始人唐末爲縣佐史與弟審却審知以材氣知名節
三龍屠者王緒與衆自稱將軍署潮爲軍正既誅緒衆推爲主時光啓三年八

太祖

月也至景福二年盡有泉汀五州之地九月戊戌唐以福建觀察使
三年九月庚辰升福建爲威武軍拜節度使四年十月丁未薨贈祭使

嗣主

名延翰字子逸審知長子初審知薨疾命權知軍府既卒自爲留後同光四年
三月辛酉唐授爲節度使明宗天祐元年十月己丑建國曰閩稱王十二月辛

加遇 弒

惠宗

名鏐初名延鈞審知次子建州刺史王延禀審知次養子也既與延鈞殺延翰
推爲留後天成二年五月癸丑唐以爲節度使封瑋瑋王三年七月戊辰進封

閩王長興四年正月稱帝改元凡改元二龍曆二年永和元年
十月庚辰遷就其在位十年諡曰肅肅明孝皇帝廟號惠宗



康宗

名繼鵬，長子。既赦，鑄明日辛巳即位。更名昶，既而稱節度使。奉表于唐明年。改元通文。四年閏七月辛巳夜，控宸控鶴二部兵作亂，比明過，弒未降。諡曰聖神。共唐文明廣武應道。

大宏李皇帝廟號康宗

景宗

名載初，名延義。蕃知第二十八子。先是被幽私第，及繼鵬逼弒，控鶴軍使連重遇等迎立。自是節度使關國王時，通文四年閏七月壬午，也是月改為永隆元年。又奉表于晉。在國仍舊。六年正月乙酉，為朱文進遣重遇等所弒。曰唐文廣武明聖元德。隆道大李皇帝廟號景宗。


天德帝

名延政，延義弟也。延義既立，封為富沙王。繼鵬延載，肆為酷虐。貽書切諫，遂成仇敵。久之自立為帝，以建州開國號曰乾。改永隆五年為天德元年。二年三月，朱文進親延載，延政討之。十二月，衆殺朱文進，連重遇于天德。三年正月，迎延政為帝。復號曰閏。是年八月丁亥，唐兵破建州，出降時音。閏二年為唐保大三年，也。保大五年，唐封為鄆陽王。九年，徙封光山王。朱徽覺贈福王。諡曰恭懿。

王仁達

仁達，延鈞從子也。幼聰悟，博覽羣書，及長，魁梧有機畧，善用鐵槊，每擐甲持槊上馬，馳刺觀者，稱其妙。延

鈞襲位，仁達為樓船指揮使。王延稟叛，與其子繼雄領兵攻福州。仁達率舟師禦之，僞立白幟，請降繼雄。登舟與語，因刺殺之，以首示廷。稟大恟，士卒擾亂，擊破其軍，擒延稟，以獻。遷親從都指揮使，領台州刺史。性慷慨，自以功高，又居親衛，言事破肆，曾臆延鈞忌之一日。廷鈞宴羣臣，酒酣顧為仁達曰：趙高指鹿為馬，以愚二世，其理安在？仁達對曰：秦二世幼冲，為強臣所蔽，故有此弊。今朝中官吏不滿百人，長短美惡，陛下皆見之，動息飲食，陛下皆知之，敢有蒙蔽聰明，擅作威福，召族滅之禍者，耶？廷鈞大慙，因賜金帛，以




慰之翌日加檢校太傅自是延鈞每醉即欲殺仁達
私謂所親曰仁達多知畧當吾之世猶可駕馭觀其
辭氣非幼主臣也後竟誣以叛誅之

卷一萬八千一
百三十七第七頁

楊思恭

思恭建州建陽人少俊爽好學有心計事昶為同安
尉延敢聞其名辟為節度巡官襲位遷戶部尚書時
兵革屢興國力空匱命思恭為僕射錄國事增山澤
壠畝之稅魚鹽蔬果皆倍其算道路側目號揚剝皮
唐兵至建陽延政遣統軍陳望帥衆拒之列寨相屬
斥候甚明唐人不敢遣逼凡月餘不戰思恭遣使以

延政之命詰責之對曰江淮間多精兵將帥練習戰
事未可輕敵陛下不以臣不肖舉國中之衆以屬於
臣安危之機在此一決今之曠師非臣之怯也且欲
觀其變為萬全之策耳思恭大怒復遣讓之曰淮兵
侵凌百姓叛逆睡不交睫食不知味且彼之衆不過
數千跋涉山川師無停糧將軍擁衆盈萬兵精馬壯
今乘危投隙與之角戰是以石破卵也若曠日持久
使其營壘堅固芻粟豐備復何望哉將軍授國重恩
宜盡死力立功立事以報萬一江淮懼而自退將軍
無血刃之勞何面目見陛下乎望不得已乃引兵渡




水唐人張左右翼以擊我軍大敗溺死者尤衆延政
降思恭遂歸金陵斬於建康市

卷一萬八千一百
三十七第七頁

留從效

從效泉州桃林人少隸本城爲衙兵征臨汀以功遷
冗員指揮使朱文進殺延義竊據福州以其黨黃紹
頗爲泉州刺史從效與其裨校王忠順董思安謀同
殺紹頗迎立王繼勳爲刺史從效自署爲平賊統軍
俄而文進率兵來攻從效開城門與戰文進敗走於
是人心悉歸於從效會江南兵已平建州從效遂劫
繼勳送於金陵李璟以從效爲清原軍節度使發兵

屯郡中一日從效謂屯將曰此一方東漸于海與福
州世爲讐敵南限廣州瘴癘之地人使不通西連鄞
水皆猿徑鳥道近歲干戈屢動三農廢業冬徵夏歛
僅足自贍不煩大軍久駐于此屯將皆不對翌日置
酒餞之郊外屯將不得已皆卷旗而去從效遂有漳
泉之地李璟不能制累授從效同平章事兼侍中封
晉江王從效起自行陣知人疾苦勤儉養民常衣布
素涉獵史傳延納名士部內清治吏民愛之王氏有
二女嫁爲郡人妻從效每給其衣食歲取進士明經
謂之秋堂周世宗征淮南從效遣衙將蔡仲興爲商




人以帛書置革帶中由岳鄂送欵內附又請置邸京
師世宗以其素附江南恐其非便不許宋朝建隆初
上表稱藩李璟遷於洪州從效遣使假道吳越入貢
太祖遣使賜詔書以慰之未至而衙校張漢思陳洪
進劫從效遷於東亭漢思自稱留後從效疽發背卒
卷一萬八千一百
三十七第八頁

王忠順

忠順泉州人隸本城為鄉軍與從效同殺黃紹頗遷
為軍校江南兵逼建州董思安與忠順同領眾赴難
延政屯西門數戰不利延政諭之曰孤以不德致寇

公等與從效首誅兇黨克定泉南踰越巖險以兵來
援見公等之忠赤也今當勉之思安等俯伏對曰臣
以必死奉服報時城中眾心離散或說以去就之計
思安曰吾輩世為王氏臣今視其危而叛去天下皆
咎有容我者乎眾感其言遂無叛者翌日城陷忠順
力戰死之思安整眾歸泉州追兵不敢逼
忠順傳 卷一萬八千一百
三十七第八頁
陳洪進
洪進泉州仙遊人少材勇選為州兵留從效殺紹頗
遷為指揮使從效將送紹頗首于建安迎延政為閩




王郡下以道阻賊盛莫有肯行者獨洪進請往時尤
溪賊數千衆遮道不得前洪進神氣自若語賊曰朱
福州已爲義師所襲殺之矣爾輩更爲何人戍守即
持紹顛首示之曰我倍道兼送之建州以嗣君返國
爾等無所歸矣賊遂潰散渠數人皆聽命因從洪進
至建州延政大悅擢延洪進爲建州馬步軍都指揮
使及江南克建州延政歸金陵李璟以留從效爲清
源軍節度使洪進佐之出戰入守十五餘年以功遷
統軍使從效卒其子紹鏐使江南未復小子紹鏐領
留侯事月餘吳越遣使來聘紹鏐夜召其使與之宴

語洪進疑之乃誣紹鏐謀叛欲以其地入吳越執之
送于建康推副使張漢思爲雷後自爲副使漢思老
且傳謹事無巨細皆決于洪進漢思諸子患洪進之
專因大宴伏甲府署中將殺洪進酒數行地忽大震
屋宇皆傾動甲未及發而同謀者告之洪進遽起去
洪進子文顯文顥俱爲牙校請以所部兵擊之洪進
不許一日洪進置大鑠於袖從子常服安步以入府
中漢思方處閣內洪進自外鑠其中門使人叩門謂
漢思曰郡中軍吏以公耄荒不能治請洪進知郡事
衆情不可遏望以郡印相授漢思錯迕不知所爲乃



以印與之洪進出召將吏告之曰漢思昏耄不能治
事以印見授矣將吏皆賀即日置漢思於別館以兵
監守之遣使如江南請命李煜以洪進爲清源軍節
度使建隆初太祖平李重進于揚州江浙即納欵洪
進懼乃遣牙校奉表自稱副使言張漢思請老歸以
已領軍事太祖賜詔書慰諭乾德二年制授平海軍
節度使仍鑄印以賜開寶八年江南平洪進遣其子
文顯來朝貢因降詔洪進入覲至建州聞太祖崩乃
還鎮發哀太宗即位加檢校太師太平興國二年入
朝遂獻所管漳泉二州之地願朝請加平章事卒年

七十二贈中書令謚曰順
卷一萬八千一百
三十七第九頁



TIFFEN Color Control Patches

© The Company 2007

Blue Cyan Green Yellow Red Magenta White 3/Color Black

九國志卷十一

宋路振撰

楚

武穆王於唐乾寧三年丙辰自立于湘南
至後唐保大九年辛亥國滅凡五十七年

武穆王

姓馬名殷字霸圖唐中和時孫儒劉建鋒戍蔡州殷隸軍中及儒
敗死衆推建鋒為帥殷為先鋒建鋒被殺衆推張信信讓于殷時
乾寧三年五月也九月唐授殷潭州刺史光化元年三月命知武
安軍留後未幾進本州節度使梁開平元年四月辛未封楚王後
唐天成二年六月封楚國王諱自開國長興元年十
一月己巳薨年七十九謚武穆葬于衡陵之上漢


衡陽王

名希聲字若訥殷次子殷有子數十八嫡子希振長而賢次希聲
與希範同日生以母寵得立長興元年十一月丙戌襲位去建國
制十二月唐以為節度使三
年七月辛卯薨追封衡陽王

文昭王

名希範字寶規殷第四子希聲既歿長興三年八月辛酉襲位九
月唐以為節度使四年五月乙卯封扶風郡王侯應順元年正月
壬辰封楚王晉天福四年四月加天策上將軍十一月開天策府
開運四年五月壬辰薨年四十九謚文昭是年六月劉知遠改國
號曰漢

國家圖書館 NATIONAL CENTRAL LIBRARY, TAIWAN, R.O.C.



廢王

名希廣希範同母弟希範病以希廣屬拓跋恒佐以希萼為長恒以勸希廣讓希萼指揮使劉彥韜不欲遂奉希廣權軍府事時越希範乾祐四月乙未也七月甲午漢封為楚王十月希萼奔喪拒之遂構兵乾祐三年十一月希萼陪兵長沙戊申被宮禁瀾陽門之外

恭孝王

名希萼殷第三子既嘗希廣遂自為楚王時漢乾祐三年為南唐保大八年十一月丁未也保大九年二月八日唐三月唐以為楚王九月攻寓同母弟希崇指揮使徐威作亂執希萼幽于衡山縣希崇既襲位國人不附復立希萼為衡山王希崇未幾于唐唐命邊錫將兵起長沙十月錫入醴陵遂起希崇入朝十一月辛酉盡遣于唐辛未錫遣光鋒李承嗣將兵如衡山起希萼八月十一月仍賜希萼爵楚王以希崇為節度使數年希萼薨于金陵諡太子希崇季兄第十七年奔于周

張佖

佖京兆長安人少通經史咸通初以明經中第累遷宣州從事秦彥牧宣城陰養亡命將圖江淮而兇暴多忌不為吏民所信佖慮其害已乃辭疾去職將歸

京師至汝陽值秦宗權阻兵佖往依之宗權與語大悅署為行軍司馬會宗權叛遣衆四出屢為梁祖所破佖謂劉建鋒曰今天下方亂英豪角逐吾觀秦公剛鷲猜忍終不能濟大事梁王軍政精明將士悉力一旦全師奄至吾等無賴矣不如早自為謀建鋒孫儒俱從儒殺宗衡自領其衆以佖為行軍總令嚴肅衆皆憚之及破楊行密建鋒謂佖曰今與孫公權全軍為公副恥於宣州如何佖唯唯謝之於是儒盡焚維陽積聚驅其民人大屯廣德將先平行密而後北渡及圍宣州糧道阻絕士卒大疲反為行密所破佖



與建峯率餘衆據湖南推建峯爲帥建峯多私狎每
飲酒部曲間有長直兵陳瞻者其妻有姿色建峯通
之瞻怒以鐵撻置袖中擊殺建峯建峯將吏推信爲
帥信將入府常所乘馬忽蹉嚙不止正中信髀仆地
不能起者久之時殷征蔣勛於邵州信謂其將吏曰
吾非汝主當迎馬公爲之於是礫陳瞻於東市遣姚
彥章等逆殷至信乘肩輿入府受其拜謁訖命殷升
廳信即降階率將吏拜賀請代殷攻邵州梁開平中
秦授信郎州永軍節度使累遷檢校太保同平章事
乾化初移鎮桂林卒于治所子少敵有武略事殷爲

軍校希範襲位遷永州刺史天福中卒

卷一萬八千
一百三十七

第十頁


許德勳

德勳蔡州郎山人少爲縣吏好讀書史任氣不羣秦
宗權據淮西德勳往依之擢爲左軍判官與殷同在
帳下有州里之舊情好歛洽從孫儒討揚州以德勳
爲躡白都指揮使時饑饉德勳所至必先固圉廩以
待儒謂左右曰成吾事者許躡白也自是軍中謀議
皆得預焉及儒敗於宣城劉建鋒同入湖南以軍功
奏授檢校太傅兼侍中殷代立以德勳爲內外馬步



軍都指揮使乾寧四年淮南楊行密遣使來通好以
梁祖擅朝政願與殷爲兄弟之國以絕梁殷欲許之
德勳諫曰行密盜據淮南抗衡中國明公義修職貢
於朝爲附庸一旦棄之前功盡廢他日朝廷問罪江
表以我爲同惡即王師先至湖上矣不如拒絕之乃
心王室久長之策也殷從之天復中淮人攻鄂杜洪
求救于朝廷詔發荆湖澧郎兵以援之殷遣德勳與
秦彥暉率舟師東下時荆南成汭知梁祖將篡曲意
事之乃自擁衆乘巨艦直抵夏口爲淮人所敗汭溺
死德勳遂與朗州雷彥恭襲破荆南盡俘其府實及

士女伶倫工巧之徒凡數千人以歸天祐二年又領
兵畧地荆南還經岳州刺州鄧進忠以城歸附遷岳
州刺史梁開平初淮將冷業寇平江以德勳爲東面
行營步軍都指揮使去淮軍五里下營業以遊騎偵
邏晝夜不絕德勳選習水者五十人斬木取其枝葉
戴之各持長刀浮江而下夜犯業營令舉火爲號俄
而營中擾亂自相蹂藉火舉德業以勁兵奄至大敗
淮軍斬首千餘級擒業及裨校二十餘人以歸天成
中淮將王彥章苗倫等寇兵州舟師萬餘人蔽江而
下屯君山側殷遣德勳率艦艘戰艦千艘以禦之德



勲謂諸將曰淮人遠來掩吾不備今若以全師臨之必懼而遁矣乃潛師屯角子湖偃旗臥鼓夜遣裨將王環以戰艦二百斷楊林浦絕其歸路淮人覺之遲明淮人移軍荆江口將會荆南兵合攻岳陽德勲選輕艦三百令裨將詹信先襲淮人且行且戰德勲擁艫自後而至大戰荆人江中淮人大敗斬首千餘級溺死者甚衆擒彥章及倫以歸而行密遣使來行成且請二將殷以禮歸之遣德勲餞彥章等德勲謂之曰楚國雖小舊臣宿將尚在願公此歸勿以湖南為念若須得志當在焉馬子爭艸然後可圖也彥章

等媿謝而去是後馬氏諸子果爭立為江南所滅人以德勲為知言天成二年殷建國拜右相卒年七十餘子可瓊

卷一萬八千一百三十七第十頁

邵進忠

進忠湘陰人世為土豪兄進思唐和中初為瀏陽鎮將黃巢之亂江湖荒饑進思陰養死士千人以防寇盜會巢弟黃浩領惡少數千剽劫江左號浪宕軍轉入湖外大掠瀏陽進思患之乃與進忠謀率壯士伏山塚間軍半過橫出擊之浩軍大敗前後皆遁走浩僅以身免縣以事聞於州奏授進思嶽州刺史天復



中進思卒進忠襲位天祐二年許德勳襲荆南回出
戰艦臨其城進忠遣人獻牛酒閉門納德勳大享將
士德勳論以禍福翌日舉族南歸長沙賜進忠鞍馬
繒帛金銀器令權知衡州軍州事未幾表授刺史同


光中卒

卷一萬八千一百
三十七第二十一頁

姚彥章

彥章字繼徽汝南人少儻有武畧乾符中黃盜巢
起秦宗權召募豪俊以彥章隸帳下善用鐵槊重百
餘斤每上馬盤辟疾如旋風觀者壯之隨孫儒渡淮
拔廣陵儒死宣城隨劉建鋒入湖南領廳直軍最被

親信及建鋒遇害張佶傷髀不能視事佶與彥章首
議迎殷遂遣彥章率所部迎殷于邵州殷初疑之猶
豫未即還彥章入白殷曰劉龍驤張行軍於足下同
功一體之人也不幸龍驤有不測之禍行軍以髀病
廢是天意歸於足下何遽疑也殷釋然遂令彥章統
衆先歸國內既定翌日殷至代立以功遷長直都指
揮使彥章建議平嶺北七州薦李瓊爲游奕使桂州
平奏授靜江軍行軍司馬監軍府事遷檢校工部尚
書橫州刺史容南龐巨昭歸欵彥章率軍迎之遷寧
遠軍節度副使知容州事殷建國拜左相遷昭武軍




節度使清秦中加兼侍中卒

卷一萬八十一頁

秦彥暉

彥暉上蔡人宗權之族弟父輟仕郡為牙校少伉勇有知畧宗權將敗族人懼禍彥暉請隨族兄宗衡討揚州宗衡為儒所敗害彥暉從儒攻宣州儒敗又從劉建鋒入湖南為捉生指揮使光化中殷將平嶺北以彥暉及李瓊為七州游奕使率兵平桂林虜劉士政以功奏遷檢校太保天祐末淮將劉存劉威領戰棹攻湖南殷以彥暉為在城都指揮使領兵三萬以禦之彥暉潛艘虜于上流以待淮人又遣副指揮使

黃璠分戰棹三百艘潛瀏陽口存以舟師至越隄屢戰不利乃遣使送書於殷以請和殷欲許之彥暉曰淮人多詐將緩我師而為變不可信也使者回以其言白存時彥暉與存對水為陣存登岸遙呼彥暉白我降矣而公弗許古人有言殺降不祥公豈不為子孫計彥暉怒曰賊踞吾城下而不擊奚顧子孫耶乃鼓譟齊進淮人遁走黃璠自瀏陽口列戰艦橫絕大江合擊之淮人大敗擒劉存至夕劉威以輕舸遁去彥暉親戮其裨校百餘人以功奏加檢校太傅開平三年領兵攻郎州殺其將區景思擒節度使雷彥恭



及其宗屬雷彥雄等七人以歸郎州平遷道州刺史
乾化中代歸卒

卷一萬八千一百
三十七第十一頁

王環

環許州人少隸忠武軍秦宗權據淮西以環有勇力
召置帳下後與劉建鋒從孫儒渡淮儒死宣城又隨
建鋒入湖南入爲捉生指揮使剽畧郡邑先登陷陣
衆推其果毅建鋒死殷代立遷水軍都指揮使畧地
上高擒准將劉靖奏檢校司徒貞明初徙岳州刺史
許德勳以舟師巡境上夜中南風暴起環乘風鼓棹
直抵齊安城中纜四鼓環挂繩梯登城殺守卒十餘

人引戰士直入州解擒刺史馬鄴遲明城中驚擾德
勳乃驅其官屬將吏寘入舟中大掠而歸至纜口德
勳謂環曰鄂人其邀我乎環曰我師入黃州而鄂人
不覺今奄至城中迅雷不及掩耳當自救無暇安能
邀我乃展旗鼓鳴成列而行鄂人不敢至岳陽以所
俘獻殷大喜奏以環領黃州刺史天成初史光憲自
京師還爲荆南高季昌所執奪明宗所賜名妓女殷
遣環與袁詮詹信率戰艦三百艘討之大畧于境上
季昌遣將屯劉郎洑環進兵擊破之奪戰艦百餘艘
遂逼荆渚季昌懼請和取光憲以歸殷建國以環爲



左六軍副使長興二年卒環善治舟師能以寡擊衆
布衣糲食與士卒同苦甘每戰罷必盡索傷者扶至
帳前手自療治之鍼鈞鈐夾名膏上藥常置座右殷
每部分諸將使之出征士卒得隸環麾下者咸相賀
曰吾輩不畏死但獲居王六軍隊伍中足矣其爲士
卒所愛如此

卷一萬八千一百
三十七第十二頁

王贊

贊事希範爲衡山指揮使時十五餘年境內無事以
所部營飾宮室剏修佛廟而已贊求自試乃以爲岳
州刺史乾祐初希萼率兵攻湖南希廣以贊爲都部

署率衆禦之敗朗軍於僕射洲奪戰艦三百艘希萼
奔歸武陵密遣人以珍幣通好于贊贊拒而不答三
年希萼復大舉兵攻長沙路由岳陽贊堅壁自守希
萼不敢逼遣人謂贊曰比約與君同行今何異心也
願贊曰大王兄弟尚不相容何責將吏之異心也願
大王入長沙無傷同氣臣守岳陽敢不盡臣節希萼
感其言及篡位奏授贊永州防禦使淮將邊錫據湖
南有占者云王氏繼馬氏時議以贊有世功當應其
讖錫白於李璟乃授贊鎮南軍節度使賜襲衣巾帶
以毒寘巾帽未幾贊腦裂而卒

卷一萬八千一百
三十七第十二頁



李瓊

瓊蔡州汝陽人少以翹勇選隸秦宗權帳下後隨孫
儒渡淮儒敗又從劉建鋒入湖南為親從都裨校殷
立遣本軍指揮使時湖外初霸王宇未廣議者復請
規取嶺北七州之地乃命瓊與秦彥暉為七州遊奕
使張國英李唐為之副兵克永道郴連四州因水陸
齊進屯全義嶺時桂州劉士政遣副使陳可璠營嶺
下指揮使王建武營秦城以拒我師彥暉三戰不利
會全義民請為鄉導瓊詰之對曰此去西南有古路
背巖關抵秦城五十里雖生荆棘可通單騎瓊乃白

彥暉請以步卒三百騎兵六十以巨梁長劍銜枚夜
襲秦城至建武營纔三鼓矣時營中士卒不虞我師
之至皆熟寢令騎兵分布柵外自以牛革蒙柵門踰
入士卒隨之營中亂自相蹂躪斬首百餘級衆遁走
擒建武而歸遲明至大寨係建武以素練示可璠營
中可璠不知我師已破秦城寨猶鼓譟未信乃斬建
武投首營中士卒震駭彥暉因其驚擾以全軍擊破
之擒可璠降其將吏二千餘人欲部送歸湖南瓊曰
我以七千人討桂林若分兵以送降者前有大敵何
以當之此敗軍烏襍其心不如殺之以全軍直趨桂




師周廣林人吳將蒙之裔孫也父珂少以勇敢隸楊
行密帳下累戰有功遷黑雲都指揮使師周少勇敢
任氣隨父征討臨陣未嘗介甲金創被體而談笑自
若衆皆服其果毅珂卒行密令代其父爲指揮使天
祐初副指揮使綦母章以所部兵屯上高與湖南爲
敵境累戰殺傷者萬餘人遷袁州刺史師周性豪率
頗通緯候及兵書自言世將家子不可保富貴每恣
爲杯酌狎客常十餘人醉必起舞或擊節狂歌慷慨
泣下行密聞而疑之密遣人偵其動靜師周不自安
乃謀於綦母章曰吾與湖南對壘有日矣觀其營中

林此席卷之勢也於是盡坑降兵自秦城以南猶有
二十餘柵皆迎風而潰瓊以先鋒兵躡之比至桂林
殺戮萬計遂圍其城九日而士政降降彥暉班師殷
以瓊爲桂州刺史令經畧嶺南遂襲容州降龐巨昭
明年又與呂師周克韶賀梧三州瓊魁岸多力每食
肉十餘斤踞案大嚼眈眈然軍中號曰李大蟲先是
桂林兒童聚戲衢路中忽相驚走曰大蟲來大蟲來
至是果應瓊治桂林三年招納逋遁法令寬簡吏民
便之開平中卒于治所年六十八

卷一萬八十一頁
三十七頁

呂師周



雲飛紛々然未易敗也馬公寬仁待士有禮吾欲逃
死焉公以爲何如章曰公自圖之章舌可斷而言不
洩也乃遣牙將呂蔚通疑歎於我開平初以所部兵
大畧境上因歸于湖南章縱其親隨之人殷聞師周
至甚喜曰吾方圖嶺表得師周足矣即以爲步軍都
指揮使領袁州刺史明年率兵攻韶賀梧象龔富等
州劉隱公十餘戰而克之奏授韶州刺史乾化中領
兵破飛山蠻斬其帥潘全盛諸蠻悉歸歎奏授檢校
太傅清泰中卒


卷一萬八千一百三十七頁

廖光齊

光齊

光齊有武幹事殷爲決勝副指揮使天成末從許德
勳討荆南屯兵沙頭高季昌之子從嗣爲雲猛指揮
使驍果無敵一日單騎薄德勳營衆不敢出光齊怒
言於德勳曰此駭童也請爲公擒之乃介馬援槍而
出與從嗣鬪良久光齊僞墜馬從嗣奪槁以擊之反
爲光齊所擒時季昌以數十騎觀於臺上見其子被
擒亟令騎士來請及入營光齊已拉殺之矣季昌大
慟翌日遣使請成光齊以功遷決勝指揮使性簡傲
使酒因爭飲令毆同列黜爲郢州教練使未幾復舊
職討溪州蠻中流矢而卒

卷一萬八千一百三十七頁




中玠卒年七十三兄鄴弟瑛子繼英繼勳 卷一萬八
十一百三

第十四頁

劉昌魯

昌魯字安國相州鄴縣人唐末明經登第釋褐項城
主簿累遷至尚書郎乾符中出爲高州刺史黃巢寇
嶺南郡縣離析昌魯使其居民據保障以自守獲安
就遷防禦使劉隱入廣州遣其弟夔領兵攻高州昌
魯率勵丁壯逆戰於城外大破夔軍自以地小力寡
終慮所吞開平初乃致書於殷曰僕昔占籍鄴中受
恩唐室蒞高三歲過黃巢之亂投合生齒保于掠山

因深爲壘憑高作壘攻苦食淡以勤士卒洎盜賊平
定二境獨全高涼之民至今相戴而中原多嶺南不
賓劉隱亂常偕興師律舉蠻貊之衆成吞噬之心僕
嘗訓勵甲兵躬當矢石埽壘一戰劉巖遁走雖仗義
者必勝恃力者必亡然而山越之人瘡痍衆矣殘民
以騁所不忍爲昔古公去豳竇融歸漢千古之下迭
爲推美僕雖顛愚景慕前烈竊惟明公負江湖之固
有桓文之業土宇至廣仁風素厚願以所部歸款于
執事謹刺血染翰上達誠悃惟明公圖之殷覽書甚
喜即遣指揮使張球率兵迎之昌魯書輦其帑庫及



士卒千餘人歸於湖南奏授承順軍節度副使兼行
軍司馬天成中卒卷一萬八千一百三十七頁十五頁
育鮮文鄧處訥字至善處訥少為州兵累遷至軍校唐乾符中
處訥郿州龍潭人少為州兵累遷至軍校唐乾符中
從閔頊征蠻于安南黃巢之亂盜殺潭州觀察使李
巢城中無主會頊自安南回以所部兵駐郡中傳檄
諸州同捍寇盜境內以安遣使奉表于朝詔以頊為
檢校右僕射欽化軍節度使潭州刺史處訥從頊久
在安南及是欲歸郿州省其親族頊回署處訥為郿
州兵馬留後未幾衡州刺史周嶽舉兵襲頊殺之因

據長沙處訥縞素發哀召集將吏論之曰閔僕射駐
軍長沙親扞寇盜布衣糲食以養士卒救民於塗炭
恩德厚矣不幸為鼠輩所圖今欲與諸軍問罪于周
嶽可乎衆皆曰留後為善人雪冤敢不從命乃以精
卒二千襲嶽殺之梟首於東市遂據其城慰撫將吏
中外昏悅時景福二年也既而州人以狀聞于朝廷
詔以處訥為湖南節度兵馬留後乾寧元年劉建峯
領衆自豫章處訥遣其鄉豪首蔣勛等領步卒三千
斷龍回關殷先至關召勛等諭以禍福仍許奏授官
秩勛衆皆喜是夕乃棄鎧甲旗幟潰助州明日建峯




令前鋒兵盡被邵軍鎧甲張旗幟直趨潭州薄城東
門守陴者不之覺且謂邵軍之回也門啓前鋒兵徑
趨府中將吏驚走是日處訥內宴集寮屬了無備禦
裨將宋全節就擒處訥斬于長史橋側卷一萬八千
一百三十七
第八頁

麗巨昭

巨昭不知何許人唐末為容州觀察使精天文緯候
之學黃巢入廣南巨昭括部內諸蠻得數千人親自
選練分屯險隘巢寇憚之不敢犯其境以功加寧遠
軍節度使開平初高州劉昌魯率衆歸附殷遣姚彥

章李瓊率兵迎之長驅而南前鋒至容州巨昭將歸
欵於我乃大享將士而謂之曰李瓊甲馬雄盛乘席
卷之勢必來侵我何策以禦之裨將莫彥昭對曰瓊
軍遠來士卒疲乏請盡徹儲糧潛兵山谷空城以待
之瓊至當據吾城外無救援我以全師掩其不備決
旬之間瓊可擒也巨昭曰吾觀楚氣甚銳未易破也
不如以牛酒犒其軍爾輩不失為富家翁足矣彥昭
不從巨昭殺之迎勞瓊以軍徑赴城中俄而廣南
劉隱率衆來我師不能守於是盡輦其府寶驅其人
民以歸巨昭挈其族數百口隨歸長沙般久聞巨昭




之名遣使慰勞即日奏授檢校太傅領容管經畧使
巨昭在嶺南嘗占翼軫間有善星因謂所親曰劉隱
兄弟不道殘害良善吾終當逃歸於長沙至是果歸
附人或問湖南與淮南國祚長短巨昭曰吾入境來
聞童謠曰三羊五馬馬子離羣羊子無舍自今以往
馬氏當五主楊代當三主後皆如其言貞明中卒年
七十六卷一萬八千一百
三十七第八十九頁

彭師曷


師曷溪州人世為諸蠻酋長父任唐末溪州刺史其
地西接牂牁羽林南抵桂林象郡東北控澧朗方數

千里山水險惡舟車不能通其蠻有六種盤氏為大
即盤瓠之種也俗無文法約束繫于酋長當任然之
世昆弟強力多積聚故能誘脅諸蠻皆歸之勝兵萬
餘入春夏則營種秋冬則暴掠而長沙四境最被其
患天福四年任然遣使通款于蜀且請兵同寇澧朗
辰三州大畧縣邑希範遣指揮使劉勅全師率衡山
步卒五千以救之勅等擊敗其兵任然遁去遂進兵
襲溪州在山頂為堡四面斗絕勅選壯士緣崖梯山
縛棧道以圍守之任然夜舉烽火以集蠻軍勅于溪
澗中置毒蠻軍至飲其水者皆病嘔不能戰死者甚



衆一日南風暴起勅以火箭射堡中盡焚其廬舍蠻
軍多死仕然乃率所部夜逾絕險遁入獎州遣師嵩
率諸蠻酋長田汧贊覃行方向存祐羅君富等攜牌
印納欵于勅勅班師與師嵩等歸長沙釋其罪厚賜
而遣之奏授仕然溪州刺史兼溪洞招撫使以師嵩
補安武軍牙校師嵩有勇力善射累從諸將征討有
功遷衡山指揮使希廣襲位遷強弩指揮使領辰州
刺史希萼舉郎州之衆以攻湖南列戰棹於水西軍
執甚盛師嵩登城觀之白希廣曰朗人驕而輕雜以
蠻兵其勢易破請假臣步卒三千人南自巴溪渡江

趨嶽麓後夜擊之請令許可瓊以舟師陣于山前破
之必矣希廣因與可瓊謀堅沮止之翌日師嵩見可
瓊于軍門坐談戰事師嵩瞋目叱之曰汝反文在面
即日當捉賊何庸論戰耶拂衣而去乃白希廣請誅
可瓊希廣不從師嵩退而嘆曰禍亂如此王稔惡無
斷賊亡可待矣及朗軍攻長樂門可瓊果束甲以入
于賊城陷師嵩被擒希萼命釋之師嵩溪洞人性獷
直不喜阿屢爲希萼以罪笞責及希崇篡位令師嵩
衛送希萼囚於衡山欲使殺之於路而師嵩奉事彌
謹終以保全因與指揮使廖偃同謀立希萼爲衡山




王後隨希萼歸江南李璟聞其忠節擢為殿直都指揮使卒于金陵

卷一萬八千一百三十七第二十一頁

劉言


言吉州廬陵人少事彭玕為伍長以勇幹聞開平中玕納欵於湖南言從歸長沙希範即玕之壻也出鎮朗州召言為牙校及希範襲位溪洞酋長多求欵附乃以言知辰州軍事以鎮撫諸蠻使之未幾奏授辰州刺史希萼入湖南百役繁興靜江軍指揮使王逵周行逢叛歸朗州初希萼令其子光贊為朗州畱後逵至廢之以馬希振子光惠權軍州事光惠庸懦不

能馭羣下但酣營淫戲而已將吏患之逵等懼亂遂與行逢謀遣人往辰州請言為副使言素知逵等兇暴謂其徒曰南方禍亂方始今若不往必加於我矣於是盡留所部以單騎行逵等遂廢光惠推言權畱後事時周廣順元年也言既立遣使詣闕上表又遣使納欵于李璟求授節鉞璟未之許也會希崇逐希萼而自立請援於江南璟遣其將邊鎬率師入長沙盡俘馬氏之族歸于金陵二年冬璟又下詔召言入覲言不行因令副使王逵行軍司馬何敬真指揮使張傲滿公益朱全琇宇文瓊周行逢彭萬和潘叔嗣



張文表等弮十指揮使同率兵攻湖南逐邊錫鑄奔
歸江南言乃以遠權知潭州軍府事遣使詣闕上表
且言逐江南賊軍復馬氏土疆之意周太祖遣使來
宣慰三年正月言又遣使上表言長沙經兵火焚毀
請就以朗州為治所周太祖下詔升朗州為大都督
府在潭州桂州之上以言為檢校太師同中書門下
平章事武平軍節度使遠為潭州刺史武安軍節度
使敬真為桂州刺史靜江軍節度使指揮張傲而下
並領刺史為節度副使或行軍司馬皆言奏請之也
是月又遣牙校張崇嗣置邸京師歲時修貢周太祖

下詔賜言舊屬湖南在京及諸處莊宅邸店時王遠
為節度使周行逢為行軍司馬專制湖南威雄漸盛
言懼其為變將圖之遠與行逢謀先六月遠率所部
兵入朗州殺言部將鄭孜收言囚於別館誣奏言與
江南通謀誘引淮賊將并潭朗之地以歸金陵八月
周太祖下詔奪言官勒歸私第委遠以便宜安置復
下詔令遠歸治潭州乃以潘叔嗣權知朗州軍府事
未幾令叔嗣殺言于武陵初民間謂為劉龔牙馬氏
將亂湖南有謠言曰馬去也不用鞭齧牙過今年及
邊錫鑄入長沙盡俘諸馬歸金陵錫鑄尋為王遠所逐奔



歸江南是歲言亦為叔嗣所殺皆其驗也

卷一萬八
千一百三

第十七頁

王遠

遠朗州武陵人或名進遠少以驍勇選為靜江兵希
萼入朗州累遣討賊有功遷本軍指揮使乾祐三年
希萼攻湖南令遠領戰棹為前鋒陷長沙希萼既立
遠有力焉時剽劫之後城中帑庫盡以焚毀賞賜不
足又重構府署執役者皆靜江士卒相與怨憤聚而
謀亂副指揮使周行逢聞之以告遠曰士卒怨懟深
矣不早為計難將及我走夕乃擁其眾以長柯巨斧

斬關以出遂歸武陵時希萼方醉建明始遣裨將唐
耆領兵追之不及因徑趨朗州士卒皆重趺不復成
列遠先已入城伏卒下耆至遠縱兵擊之耆軍大敗
追殺殆盡耆僅以身免遠乃逐雷後馬先惠請辰州
刺史劉言為帥未幾長沙兵亂指揮使徐威等廢希
萼而立其弟希崇因希萼於衡山行軍司馬廖偃與
指揮使彭師嵩共立希萼于衡山王將納之希崇懼
納款于江南且請兵為援李璟遣其將邊鎬率師入
長沙盡遷馬氏之族歸于金陵璟以鎬為武安軍節
度使又遣將劉仁贍率師取岳州鎬將圖朗州密白



環請召言入覲言不行謀於遠曰江南召我不往必
加兵於我矣爲之奈何遠曰鎬之此來以制置潭朗
爲名公如東行正入其算武陵負江湖之固帶甲萬
衆乃欲拱手臣異姓乎鎬新至長沙經畧未定乘人
心憤怒引兵攻鎬可一鼓而擒也言然之乃遣與何
敬真等同起兵於武陵號十指揮使以攻邊鎬遠率
舟師南上至長沙邊鎬大駭以所部奔歸江南諸州
屯守皆罷去盡復湖外之地時廣順二年冬也遠遂
據長沙與劉言同遣使上表於朝三年正月周太祖
下詔褒諭以遠爲武安軍節度使遠出於行陣本無

鈐畧不能馭羣下時指諸揮使受詔爲節度副使者
數人多畱長沙各置牙兵分廳案事軍政淆亂將吏
患之每宴集府中喧帑如市遠莫能禁止會廣兵乘
間盡取梧桂柳連之地遠率衆南征敗於礪石而還
時何敬真朱全琇同在武陵與劉言不協各謀爲亂
言又以遠專制湖南慮其難制將并長沙之地遠大
懼因與周行逢謀召敬真全琇領兵討桂林至皆殺
之又殺張傲於府中敬真之姻也乃率所部兵襲武
林至皆殺之陵幽言於別館誣奏言欲併潭朗歸欵
于江南周祖下詔委遠以便宜處置遠旣殺言遂移




治武陵時顯德元年也世宗下詔以逵爲武平武安
等軍節度使三年世宗征江南詔逵爲南面行營都
統以所部兵逼鄂州攻其長山寨而還復領衆逼宜
春道出長沙擢兵金波亭有蜜蜂集繖蓋中占者以
爲不利遂留長沙令行營副使毛立領兵南下以潘
叔嗣張文表爲前鋒叔嗣怒至澧陵擁衆而還逵聞
兵叛乃乘輕舸歸武陵叔嗣追殺之於朗州城外卷
一

萬一千一百三十七第

頁三


行逢武陵人少無賴與王逵同里俱爲靜江兵事希

萼爲小校從希萼攻湖南陷長沙靜江軍叛隨逵入
朗州破追兵於城門下殺千餘人逵攻邊錡令行逢
率部卒趨益陽拔其寨殺江南兵二千餘人擒其將
李建期逵平湖南周祖下詔以行逢爲集州刺史充
武安軍節度使行軍司馬劉言將併潭朗逵聞而憂
之以語行逢行逢曰言本江西反徒敬真全琇今具
暴無職相與爲亂必矣會廣南兵寇全義行逢乃與
逵密謀白於劉言請以敬真爲南面行營招討使全
琇爲先鋒令會兵於湖南比至皆殺之逵攻劉言于
武陵以行逢權知潭州軍府事顯德元年世宗下詔



以行逢為武清軍節度使知潭州軍府事遠奉詔領
軍征宜春至長沙不行遣副使毛立潘叔嗣張文表
統衆南伐行逢久專湖南之務頗任威刑遠屢以言
規之行逢不悅叔嗣又怒遠即安而令已起難頗出
怨言叔嗣將行行逢餞之泣曰吾見師之入也叔嗣
懼至澧陵邑吏請以牛酒犒師毛立不懼士卒皆怒
叔嗣乃與張文表械立送於行逢明日擁衆回長沙
叔嗣既殺遠乃迎行逢歸治朗州行逢至德王遠之
亂斬叔嗣以徇遂自領兩鎮留後遣使奉表詔以行
逢為朗州大都督武平軍節度制置武安靜江等軍

事乃表宇文瓊為武清軍節度使張文表為衡州刺
史領親衛都指揮使彭萬和為永州防禦使觀察判
官李觀象通判軍府事釋毛立為水軍都指揮使行
逢既得志恣行誅戮遠之子弟及門將吏死者百
餘輩性猜忌每遣人伺祭郡縣守宰有聚飲偶語者
必逮捕下獄以謀反誅宇文瓊彭萬和與行逢族兄
飲酒疑其謀叛夜遣甲士圍其第盡擒殺之麾下之
人皆重足脅息五年朝廷遣使儲魚鹽於境上行逢
懼乃善治戎器增築城壁閱諸州鄉兵大修武備皇
朝建隆三年以疾卒年四十六葬武陵之肩山子保




TIFFEN Color Control Patches © The Tiffen Company, 2007

Blue Cyan Green Yellow Red Magenta White Black 3/Color

敬真武陵人少以強勇隸朗團軍希萼入朗州署步
軍都指揮使乾祐三年希萼攻湖南命敬真率步騎
三千出竹柵屯兵楊柳橋以逼其城湖南指揮使韓
禮率步騎五千陣于橋西敬真登橋望之見旗幟不
整曰此非我敵也乃縱火擊之潭人大亂奔入城中
禮被破傷至其家而卒明日城陷希萼之攻長沙也
以其子光贊守武陵至是旣平湖南乃以敬真為朗
州衙內指揮使以翊光贊王逵周行逢叛於長沙以
所部兵奔歸朗州廢光贊奪其印綬而立馬光惠敬
真不能拒後又與王逵同請劉言為帥會希崇遂希


權嗣行逢性殘忍然為治嚴整不徇私黨躬履險約
以率羣下辟署官吏必取廉介之士條教簡約民甚
便之有女婿求補吏不許給以耒耜而語之曰吏所
以治民也汝才不能任職豈敢私汝以祿姑歸墾田
以自活也其妻嚴氏不入府署躬率奴僕耕織以給
賦調人民化之務率稼穡四五年間倉庫充實尤崇
信釋氏常設大會齋緇徒畢集行逢徧拜之捧椀執
悅親侍湔洗因謂左右曰吾殺人多矣不假佛力何
以解其冤報乎卷一萬八十一頁
敬真何敬真卷一萬八十一頁



募而自立請援於江南邊鎬率師入長沙劉言王逵
同謀逐鎬乃結敬真爲十指揮使率舟師同攻湖南
鎬遁走奏授敬真檢校太尉靜江軍節度使敬真未
歸治所言不許留於長沙與王逵不協求歸朗州許
之時劉言已爲使相敬真不能之每使酒悻慢言不
勝其忿且意王逵等遣敬真伺已也將誅逵敬真亦
欲殺言以據朗州事未及發逵皆偵知之因與周行
逢密將先誅敬真後圖劉言會廣南兵入境因僞召
敬真爲招討使會兵於長沙敬真即以牙兵百餘
人徑往湖南逵迎勞于郊相見甚歡館于馬氏之故

第宴飲彌日多選妓女寘帳幄中敬真畱連月餘逵
乃遣人僞自朗州來者傳劉言之命就詰敬真曰邊
寇捨攘委公以戎事公勉淫縱酒遲留不發太師以
公觀望命械公歸西府時敬真已醉愾恍不知所爲
乃俛首就縛送朗州殺之於路

卷一萬八千一百
三十七第八頁



九國志卷十二

北楚

武信王於梁開平元年據有荊州旋得歸峽至宋乾德改元國除傳龍某四世五帥凡五十七年歐史作南平十國紀年及宋史作荆南

武信王

姓高名季興字貽孫陝州硤石人本名季昌避後唐諱更名初隸朱朱友讓得見金忠奇其才命友讓畜為子冒姓朱氏補制勝軍使

景康公

天復三年拜宋州團練使從魏州防禦使復魏高氏梁開平元年五月拜荆南節度使乾化四年八月封渤海王龍德三年十月戊寅梁

李景

亡入覲于後唐同光二年三月丙午封南平王天成二年回據唐所部送質貨削官爵乾貞二年六月稱藩于吳是年十二月丙辰薨年

文獻王

名從誨字遵聖季興長子既襲位吳以為節度使懼唐見討復修職貢時為嗣位之明年唐天成四年也是年七月甲申唐復以為節度使

封李興

楚王長興三年二月賜爵渤海王應順元年正月改封南平王荆南介于吳楚自吳稱帝而南漢開楚宮修貢中原假道境上自李

稱帝

興以來常遺掠貨物諸道移書詣責即復還之無愆色其後南漢與閩

元年


十一月癸卯薨年五十八

封李興

稱帝從誨所向皆臣利其賜予諸國日為高賴子又曰高無賴漢乾祐

國家圖書館, NATIONAL CENTRAL LIBRARY, TAIWAN, R.O.C.

宋張唐英補撰



貞懿王

名保融字德長從誨第三子漢乾祐元年十一月丁丑漢以為荆南節度使周廣順元年封渤海郡王顯德元年正月丙子進封南平王

宋建隆元年八月堯年四十一

一葬龍山鄉宋加諡貞懿

侍中

名保勛字希躬從誨第十一子保融同母弟也保融即世宋

名繼冲字成和保融長子保融既沒宋以為荆南節度使乾德元年二月

安師至納土出降十月至關下授武寧軍節度使鎮彭門幾十年開寶

侍中

六年卒年三十一贈侍中

李景威

景威公安人幼隸于軍而頗有智略累以戰功遷雲
猛指揮副使保勛以為衙內兵馬副使繼冲嗣立多
委任之初聞慕容延釗等伐張文表景威乘間見繼
冲曰今王師雖稱假道以收湖湘然觀其勢恐因而

襲我景威欲效犬馬之力願假兵三千人於荆南中
道險隘處設伏候其夜行發伏攻其上將王師必自
退却回軍收張文表以獻於朝廷則公之功業大矣
不然則有搖尾求食之禍繼冲曰吾家世世貢奉朝
廷必無此事爾無過慮况爾非慕之容延釗之敵也
景威又曰俗傳江陵諸處有九十九洲若滿一百則
有王者興自武信王之初江心深浪之中忽生一洲
而滿百昨此洲漂沒不存茲亦憂繼冲又不聽景威
知計不行自扼吭而死及王師入城繼冲慎不用其
言太祖聞景威之計曰彼忠其主也命王仁贍厚卹




其家

卷一 第七千一百三十四頁

其主命王

味恬下... 景... 其... 王... 蕭山王氏无未安居鈔本



國立中央圖書館, NATIONAL CENTRAL LIBRARY, TAIWAN, R.O.C.



